

پنجابی دیتی تھی کتاب

انھویں جماعت لئی

برلے

پنجاب ٹیکسٹ بک بورڈ، لاہور

ناشر
گلوبل پبلشرز
آرڈو بازار لاہور



بسم اللہ الرحمن الرحیم ○

پنجاب ٹیکسٹ بک بورڈ

21- ای 2 گلبرگ III

لاہور

عزیز طلبہ و طالبات

السلام علیکم!

پنجاب ٹیکسٹ بک بورڈ آپ کا اپنا ادارہ ہے جو نصاب کے مطابق معیاری کتابیں
مہیا کرتا ہے۔ نصابی ضروریات کے علاوہ ان کتابوں کے ذریعے آپ میں اسلامی اقدار اور
ملک کی نظریاتی سرحدوں کی حفاظت کا شعور اجاگر کیا جاتا ہے۔

یہ کتابیں تجربہ کار ماہرین تعلیم سے لکھوائی جاتی ہیں تاہم اگر کوئی بات وضاحت
طلب رہ گئی ہو تو یقیناً آپ کے اساتذہ اس کمی کو پورا کر سکتے ہیں۔ کتابوں کو مزید بہتر بنانے کے
لیے آپ کے اور آ کے اساتذہ اور والدین کے مشوروں کے لیے ہم آپ کے ممنون ہوں
گے۔

پنجاب ٹیکسٹ بک بورڈ کی کتابیں بورڈ کے اس خاص نشان سے پہچانی جاتی ہیں جو ہر
کتاب کے سرورق پر چھپا ہوتا ہے۔

فقط والسلام

آپ کا خیر اندیش

سید تاجمل عباس

چیئر مین

پنجابی دیتی تحریک کتاب

اٹھویں جماعت لئی



ناشر

گلوب پبلشرز ۰ اُردو بازار لاہور

برائے پنجاب ٹیکسٹ بک بورڈ، لاہور

تعداد اشاعت

1000

طباعت

چہارم

ایڈیشن

اول

تاریخ اشاعت

اکتوبر 1993ء

جملہ حقوق بحق پنجاب ٹیکسٹ بک بورڈ لاہور محفوظ ہیں
تیار کردہ: پنجاب ٹیکسٹ بک بورڈ، لاہور
منظور کردہ قومی ریویو کمیٹی، وفاقی وزارت تعلیم، حکومت پاکستان

مرتبین:

- ایم۔ شریف صابر
- ایف۔ ایم۔ تنویر بخاری

مدیر:

- مسز رضیہ مدد علی

نگران:

- نائلہ صدف

ناشر: گلوب پبلشرز، اردو بازار لاہور
طابع: نظامی پریس۔ ریٹی گن روڈ۔ لاہور

فہرست

نمبر شمار	عنوان	صفحہ نمبر
1	اللہ اللہ	1
2	حضرت محمد صلی اللہ علیہ وآلہ وسلم	2
3	صلی اللہ علیہ وسلم	3
4	حضرت عمر فاروق رضی	4
5	ایکے دی طاقت	5
6	مہمانداری	6
7	اچھا شہری	7
8	دلاں نوں دلاں دے راہ	8
9	غزل	9
10	خاتونِ جنت	10
11	مولوی غلام رسول	11
12	قائد اعظم زندہ باد	12
13	انسان دی کہانی	13
14	قائد اعظم محمد علی جناح	14
15	میلہ شالامار	15
16	ڈیرہ بابے رامٹھ دا	16
17	اماں دے ناں خط	17
18	سائنس	18
	تنویر بخاری	
	تنویر بخاری	
4	تنویر بخاری	4
9	امین خیال	9
14	شریف صابر	14
17	ناور جاجوی	17
19	غلام مصطفیٰ بسمل	19
23	ظہیر نیاز بیگی	23
27	پیر فضل گجراتی	27
28	تنویر بخاری	28
33	ڈاکٹر جمال ہوشیار پوری	33
36	اشرف پال	36
38	تنویر بخاری	38
43	سید اختر جعفری	43
49	فیروز سائیں	49
51	شریف صابر	51
58	مرزا مقبول بیگ پخشانی	58
69	اقبال زخمی	69

صفحہ نمبر	عنوان	نمبر شمار
62	شہداء نون سلام	19
66	محنت دی وڈیائی	20
68	جنگ بدر	21
72	بھیناں دے ویر (بولیاں)	22
74	مونہ آئی گل	23
79	سانسی کہانیاں	24
84	جگ دا ہادی	25
86	جہاد	26
90	اسلامی دنیا دی سانجھ	27
93	جیوے ساڈا پاکستان	28
95	پیتے توں گڈی توڑیں	29
98	بیتے دا محرم - ہڑپہ	30
102	قدرت رب دی	31
104	لطیف	32
107	ہالی	33
109	انسان تے قدرت	34
113	غزل	35
115	وسیب وچ عورت دا اتھاں	36
118	سوہنیا سائیاں	37
		38
		39
		40
		41
		42
		43
		44
		45
		46
		47
		48
		49
		50
		51
		52
		53
		54
		55
		56
		57
		58
		59
		60
		61
		62
		63
		64
		65
		66
		67
		68
		69
		70
		71
		72
		73
		74
		75
		76
		77
		78
		79
		80
		81
		82
		83
		84
		85
		86
		87
		88
		89
		90
		91
		92
		93
		94
		95
		96
		97
		98
		99
		100
		101
		102
		103
		104
		105
		106
		107
		108
		109
		110
		111
		112
		113
		114
		115
		116
		117
		118
		119
		120
		121
		122
		123
		124
		125
		126
		127
		128
		129
		130
		131
		132
		133
		134
		135
		136
		137
		138
		139
		140
		141
		142
		143
		144
		145
		146
		147
		148
		149
		150
		151
		152
		153
		154
		155
		156
		157
		158
		159
		160
		161
		162
		163
		164
		165
		166
		167
		168
		169
		170
		171
		172
		173
		174
		175
		176
		177
		178
		179
		180
		181
		182
		183
		184
		185
		186
		187
		188
		189
		190
		191
		192
		193
		194
		195
		196
		197
		198
		199
		200

بِسْمِ اللَّهِ الرَّحْمَنِ الرَّحِيمِ

(رب دے ناؤں جیٹرا بخشہار تے مہربان اے)

تنویر بخاری

اللہ اللہ

اللہ اللہ اللہ اللہ اللہ اللہ
اللہ باجھوں ہور نہ کائی
جس نے کل دُنیا رُشنائی
کرئیے اوے دی وڈیائی
مالک دو عالم دا کلا

اللہ اللہ

اللہ اللہ

اللہ اللہ

اللہ اللہ

اللہ باجھ نہ کدھرے ڈھوئی
جہ دی ڈھکے اوکڑ کوئی
بخشنہار سبھاں دا سوای
پھڑوے نیں سبھ اوہدا پلا

اللہ اللہ

اللہ اللہ

اللہ اللہ

اللہ اللہ

ہر دم شکر خدا دا کرئیے
کرئیے پیار تے قہروں ڈرئیے
اوہدے نال لئی جیئے مرئیے
نابر کدی نہ ہوئیے کلا

اللہ اللہ

اللہ اللہ

اللہ اللہ

اللہ اللہ

یا اللہ تُوں کرم کما دیں !
سوہنے سچے کم کراویں !
سانوں حق دے رستے پاویں
جگ نہ آکھے جھل وللا

اللہ اللہ

اللہ اللہ

اللہ اللہ

اللہ اللہ

مشکل لفظاں دے معنے:

وڈیائی : بڑائی، صفت - ڈھوئی : رسائی - بخشہار : بخشنے والا - اوکڑ : مشکل - ڈھکن :
بیڑے آڈنا - پیش آڈنا - نابر : مُنکر، باغی - جھل وللا : پاگل، سادہ لوح -

مشقی سوال

1 - ہیکلے سوالاں دے جواب دیو -

(الف) اللہ دے 'بندے' اُتے کیہ کیہ احسان نہیں ؟

(ب) ایس نظم وچ کیہ دُعا منگی گئی اے ؟

(ج) ہیکلے شعر وچ قافیہ کیہڑے نہیں ؟

بخشنہار سبھاں دا سوای

جد دی ڈھکے اوکڑ کوئی

2 - ایہناں لفظاں توں اپنے فقرے بناؤ :

وڈیائی - اوکڑ - اولّا - نابر -

3 - دوسرے بند دی تشریح کرو -

حضرت محمد صلی اللہ علیہ وآلہ وسلم

دُنیا دھج سبھ توں وڈا تے سچا کم ایہہ دے پئی کُندیں نوں بندے بناؤن لئی
 اوہناں دے ورتارے تے بچّ ڈھب سچّے بنائے جاوَن - اوہناں دیاں منڈیاں
 وادیاں نوں سوہنیاں عادتیاں تے بھلے ورتارے دھج ڈھالیا جاوے، تاں جے اوہ
 اک دُوبے دے دُکھ سکھ دے سیری ہووَن تے من بھریا جیون ہنڈا سکَن - صدقے جانیے
 اوہناں نوں دین والیاں دے، جو پیارِ محبت تے خلقِ خلوص دا اک نمونہ بن کے دُنیا دے سامنے
 آئے تے دُسیا پئی ایس کم نوں اِنج کرو - اوہ اپنے سچ تے پورے اُترے تے خلقت نوں دکھایا
 کہ ایس طرح گل تے پہرا دیندا اے تے اِنج اپنے اتے دوجیاں دے جیون نوں سُکھی بنائیدا
 اے - اوہناں دُنیاؤں تلوار نال نہیں، پیار نال فتح کیتا -

چو پھیرے کُفر دا ہنیرا سی - ہر پاسے شرک، بدی بخیلی، بے حیائی تے ظلم دا پسار سی -
 لہو چٹے ہوئے پٹے سن - اپنے دی خبر سی نہ پرائے دی - کسے نوں کسے دا دُکھ درد نہیں سی -
 ہر ویلے لڑائی بھڑائی ہوندى رہندى سی - جند جان نوں کتے وی چہن نہیں سی - من تاں جہان
 وچوں کتے اڈای گیا سی - ایجیہے دھج قدرت نے اک کامل انسان نوں جگت بھلیائی لئی
 سامنے لیاندا - ایہہ سچّے تے کامل انسان کون سن؟ ساڈے نبی کریم حضرت محمد صلی اللہ
 علیہ وآلہ وسلم -

اوہناں دُنیاؤں ربّی سنیہا دیندیاں آکھیا :

”اللہ باجھوں کوئی عبادت دے لائق نہیں - جواؤن والا وی اوہ اے تے مارن والا
 وی اوہوای اے - اوہ ہر اک دا دانا اے - بُتاں نوں نہ پوُجو، ایہہ کسے نوں کُجھ نہیں دے
 سکدے - سبھو انسان آدم دی اولاد نیں - اِنج اوہ آپو دھج بھرا بھرا نیں - سارے رُل رُل
 کے رہوؤ - ہر کسے نوں عزت نال جیون دا حق اے، آپ وی جیوؤ تے دوجیاں نوں وی
 جیون دیوؤ - اک دُوبے دے کم آؤ تے دُکھاں مُکھاں دے سانجھی بن کے رہوؤ - انسان

ہوون پاروں گورے کالے وچ کوئی فرق نہیں تے برتری اوہدے واسطے وے جیہڑا خدا توں ڈردا
لے۔ کہے تے ظلم نہ کرو، ات نہ چاؤ۔ اٹھو مل کے بدی بخلی داناں مٹا دیئے تے ایس ہنیری
دُنیا نوں رشنا دیئے۔“

بُت پوخن والیاں تے چادر ہتھیاں نوں ایہہ گلاں چنگیاں نہ لگیاں۔ اوہناں نوں اپنے
پیو دادے دیاں رسماں ربیناں مٹدیاں دسیاں۔ ساریاں رل کے آپو وچ گل مٹھتی تے
نبی کریم صلی اللہ علیہ وآلہ وسلم نوں سد کے آکھن لگے۔

”اے محمدؐ! اسیں تہانوں گل کتھ لئی سَیَا اے۔ سانوں قسم اے اپنے بُناں
دی پٹی کسے نے اج نیک تہاڈے وانگوں اپنی قوم نوں دکھاں والے راہ تے نہیں پایا۔
تساں ساڈھی منڈی نوں ٹوٹے ٹوٹے کرن دی نیت کیتی اے۔ جے ایس کم توں تہاڈا مطلب
دولت اکٹھی کرنا اے تے سانوں دسو اسیں تہانوں اپنا کو مال اکٹھا کر دیاں گے کہ تئیں دوڑے
دولت مند بن جاؤ گے۔ جے تہانوں حاکمی دا چاء اے تاں اسیں تہانوں اپنا سردار بنا لینے
آں۔ تے جے تہانوں کہے سوہنی مٹیاری نال ویاہ دی ریکھا اے تاں سانوں آکھو، اسیں
اوہدے نال تہاڈا ویاہ کرا دینے آں۔ پر ساڈے بُناں نوں کجھ نہ آکھو۔“

آنحضرت صلی اللہ علیہ وآلہ وسلم ہر لوجھ لالچ توں پاک سن۔ اوہناں جواب دتا، ”نہ
مینوں مال دولت دی خواہش اے نہ سرداری تے چودھری تے نہ ای ویاہ دی۔ مینوں
رب نے اپنا رسول بنا کے گھلایا اے۔ مینوں خدا و توں حکم ہویا اے پٹی میں دُنیا نوں اوہدے
قہر توں ڈراواں، نالے اوہدے رحم دی خوشخبری دیواں۔ میں اللہ دے سُنہیے لے کے آیا
واں تے ایس سچے کموں رُک نہیں سکدا۔ جے تئیں ایس سُنہیے نوں من لوؤ گے تاں دوہاں
جہان وچ تہاڈی بھلائی اے، تے جے نہ منو گے تاں میں اونا چر صبر کراں گا کہ اللہ میرے
تے تہاڈے وچ نیاں کر دیوے۔“

آنحضرت صلی اللہ علیہ وآلہ وسلم نے دُنیا وچ نیکی دا بی بیج لئی تے حق سچ دا چانن
کھلارن لئی رکیہ رکیہ جُھرنہ جالے تے کیہڑیاں کیہڑیاں اوکڑاں نہ جیریاں؟ اوہناں دی راہ
وچ ویریاں نے کندھے کھلارے، سر وچ کوڑا پایا، مندا پولیا، پتھر مارے، لہو لہان
رکیتا، وڈ شہید کر دتے، پر آپؐ نے سی نہ کیتی۔ کہے دے حق وچ بُرا نہ منگیا تے کہے
نوں بددعا نہ دتی۔ ایہہ اوہناں دیاں قربانیاں دا امی پھل اے جہدے نال انسانیت

سکھ داسا لے رہی اے ۔

آپ نول دین دی بادشاہی وی ملی تے دُنیا دی وی ۔ پر گھر وچ اک منجی ، اودہ وی
 کھوے وان دی ، کھجور دے پتیاں نال بھریا ہویا اک گدا وچھونے واکم دیندا اے ،
 کھان جوگا کیہ کجھ اے ؟ کھجوراں تے سٹو ۔ تخت ویکھو بادشاہ دا ، مسیت دی اک صف
 تے تاج ؟ اودہو ای ساد مرادی پگت ۔ آپ چاہندے تاں بھلا کسے شے دی تھوڑ
 سی ۔ دو جہان دے والی ہون تے کسے چیز دی گھاٹ ہووے ؟ پر نہیں جدوں
 تیکر انسانیت دکھی سی ، اودہ سکھ کیویں مان سکدے سن ۔ اپنا خیال نہیں ادھناں نول
 تاں رب دی دکھی خلقت دا غم سی جیہڑا ادھناں نول ہر ویلے بے چین رکھدا سی ۔
 ادھناں دا مقصد تاں ایہہ سی پئی اپنے جیون نول کسے اُتے بوجھ نہ بنایا جاوے ۔ ایسے
 لئی گھر وچ کوئی کاما نہیں سی نہ کوئی ہوو نوکر چاکر ۔ جو کم کر دے سن اپنے ہتھیں کرے
 سن ۔ جتنی آپ اہی گنڈھ لیندے سن ۔ یٹرا پاٹ جاندا تاں آپے اہی ٹاکیاں لاؤندے
 سن ۔

رب دے رسول ، دیس دے وارث ، ملک دے حاکم ، قوم دے راکھے ، رکھیاں
 دے سردار ، جگ دے موہری تے دین دے آگے حضرت محمد صلی علیہ وآلہ وسلم کول اپڑن
 لئی کسے نول کوئی روک ٹوک نہیں سی ۔ ہر تگڑا ، مارا ، امیر غریب پڑھیا ، آن پڑھ ، شہزی ،
 پیٹڈ ، بندہ ، سوانی ، بڈھا ، بچہ جیہدا جی چاہندا سی جیہنوں لوڑ پیندی ، ادھناں دی
 خدمت وچ حاضر ہو جاندا سی ۔

جے کلمہ نہ پڑھن والے وی بوسے آؤندے تاں ادھناں نول دی جی آیاں اکھدے سن ۔
 کوئی مومن اے یاں کافر ، عیسائی اے کہ یہودی کوئی کسے مذہب نول مندا اے یاں نہیں ،
 ہر اک نول اکو طرح بلدے سن ۔ ہر اک نال بھرتا تے ہر کسے نال انسانی سانجھ سی ۔
 کلمہ کوئی پڑھے بھانویں نہ پڑھے ، اودہ ہر کسے دے مذہبی آگوتے نبی دی وڈیائی
 کر دے سن ۔ ہر کسے نول ساٹواں حق دیندے سن تے تگڑے مارے دی اکو جیہی عزت
 کر دے سن ۔ مالک نول اکھدے پئی ہاتھ نال چنگا ورتے تے ہاتھ نول دی سائیں
 دی خدمت کرن دی مت دیندے ۔ انساناں نول بھائی چارے دا سبق تے اکو جیہا
 کھان ورتن دی نصیحت کر دے سن ۔ کیٹریاں کیٹریاں صفتاں گناہیہ ؟ اللہ کرے اسیں

اوہناں دے قدماں تے ٹرکے، اپنے آپ وچ اوہناں ورگے گُن پیدا کرن جو گے ہو جائیے۔
آمین !

مشکل لفظاں دے معنے :

آگو : رہبر، قائد - اگوئی : رہبری، قیادت - سَمے : زمانے - برتری : بڑائی -
نہنہ : بنیاد - منڈلی : ٹولی - لو بھ : لاپچ - بھرتیا : بھائی چارہ، - سانجھ : شراکت -
بانجھا : غلام - سیری : شریک کار، حصہ دار - پسار : وسعت، پھیلاؤ - سچا : یاسیقہ - جفر جالنا :
تکلیفیں برداشت کرنا ۔

مشقی سوال

1 - میٹھے سوالاں دے جواب دیو ۔

(ا) حضور صلی اللہ علیہ وآلہ وسلم دے گُن ں تے چائن پاؤ۔

(ب) دُنیا وچ سبھ توں وڈا تے سچا کم کیڑا اے ؟

(ج) حضور صلی اللہ علیہ وآلہ وسلم نوں کتے دے شرکاں نے کیہ لالچ دتا ؟ تے اسدے جواب
وچ آپ نے کیہ فرمایا ؟

2 - ایہناں لفظاں دے معنے لکھو :

پسار ، بھرتیا ، سچا ، بانجھا ، درتارا ۔

3 - ایہناں لفظاں دے آلٹ لکھو :

راکھا - پیٹو - وڈیائی - ویری - گبندا

صَلَّى اللّٰهُ عَلَيْهِ وَسَلَّمَ

قدرت دے شہکار محمدؐ
دو جگ دے سردار محمدؐ
ہراک دے غم خوار محمدؐ
صَلَّى اللّٰهُ عَلَيْهِ وَسَلَّمَ

اُجڑی پٹی سی کل خدائی
اوہ آئے تے رونق آئی
انساناں نے عید منائی
صَلَّى اللّٰهُ عَلَيْهِ وَسَلَّمَ

سَن جیہڑے بے انکھ نیچے
بن گئے سوہنے اتے سُچے
ککے ککلی ہیٹھاں کچے
صَلَّى اللّٰهُ عَلَيْهِ وَسَلَّمَ

نیا کُفر تے کُور نہالا
ہویا چار چو پھیر اُجالا
آیا نور ہی کھڑے والا
صَلَّى اللّٰهُ عَلَيْهِ وَسَلَّمَ

خالی گئے نہ ، دَر تے آئے
اوہدے منگتے شاہ سدا ئے
اوہدے فیض نہیں دون سوا ئے
صَلَّى اللّٰهُ عَلَيْهِ وَسَلَّمَ

ہر انسان اے آدم جایا
 کیڑا اپنا ، کون پرایا
 ادہ کل عالم دے کم آیا
 صَلَّی اللہ علیہ وَاٰلِہٖ وَسَلَّم
 ونڈیا اوہنے پیار خزانہ
 موہ لیا اوہنے کل زمانہ
 یس وی ادسے دا دیوانہ
 صَلَّی اللہ علیہ وَاٰلِہٖ وَسَلَّم

مشکل لفظاں دے معنے :

نلجا : بے غیرت - کجنا : چھپانا - کوڑ : باطل ، بھوٹ - بے آنکھ : بے غیرت۔

مشقی سوال

- 1- ایس نظم لئی تن ہور بعنوان چنو ۔
 - 2- تیجے تے چوتھے بند دی تشریح کرو ۔
 - 3- ایہناں محاوریاں دی ورتوں کرو ۔
- رونق آؤنی - عید مناؤنی - موہ لینا - کم آؤنا - دُون سوایا ہونا ۔

حضرت عمر فاروق رضی اللہ عنہ

حضرت عمر رضی اللہ تعالیٰ عنہ رسول اللہ صلی اللہ علیہ وآلہ وسلم دے پیارے صحابی اتے مسلماناں دے دوجے خلیفہ سن۔ آپ نے قریش قبیلے دی اک شاخ بنو عدی وچ جنم لیا۔ آپ دے والد داناں خطاب سی۔ آپ دا شجرہ نسب اٹھویں پیڑھی وچ حضور صلی اللہ علیہ وآلہ وسلم نال جا ملدا اے۔ آپ دی والدہ مغیرہ دے پتر ہاشم دی دھی سی۔ مغیرہ لڑائی ویلے قریشاں وچوں فوج دے پردھان ہوندے سن۔

آپ ہجرت توں چالی ورھے پہلاں مکہ شریف وچ پیدا ہوئے۔ سُرّت سنبھالی تاں بکھن پڑھن وچ مہجھ گئے۔ گبھرو ہون دے نال نال پہلوانی تے سپاہیاں والے ہنر سکھتے تے شہسواری وچ کمال حاصل کیتا۔ آپ نوں تقریر کرن دا ڈاڈھا سچ سی۔ آپ ہڈکاٹھ دے تگڑے، رنگ دے گورے چٹے تے بھروں گبھرو سن۔

جدوں حضور علیہ السلام نے لوکاں نوں اسلام دا سدا دتا اوس ویلے آپ ستائیس ورھے وچ سن۔ ہونناں لوکاں وانگوں حضرت عمرؓ نے وی پہلاں پہلاں حضور صلی اللہ علیہ وآلہ وسلم دی بڑی مخالفت کیتی۔ پر رُب نے چھیتی ای اوہناں نوں ہدایت دے دتی تے اوہ مسلمان ہو گئے۔ آپ دے مسلمان ہون نال مسلماناں نوں بڑی تگڑائی ملی۔ اودوں تیکر مسلمان مکہ چھپ کے نماز پڑھدے سن، مہن حضرت عمرؓ نے اکھیا :

”جدوں مشرک کھلم کھلا بت پوجدے نیں، اسیں کیوں نہ حرم وچ جا کے رب دی عبادت کریئے“

ایس تے حضور صلی اللہ علیہ وآلہ وسلم چالی مسلماناں نوں نال لے کے حرم وچ گئے۔ اوتھے بھنان نے رُل کے نماز پڑھی۔ مشرکاں نے ڈکن لئی پورا جتن کیتا۔ پر حضرت عمرؓ دی تلوار ویکھ کے کسے نوں آگے ودھن دا جگرا نہ پیا۔ حضرت عمرؓ بڑے دلیر تے آنجھک سن۔

جدوں مسلماناں نوں مدینے ول، ہجرت کرن دا حکم ہويا، حضرت عمرؓ کھلم کھلا کافراں
 دی بھڑ نوں چیر دیاں، خانہ کعبہ وچ اپڑے اتے بڑے آرام نال طواف کر کے نماز پڑھی۔
 پھیر آپ بڑے آرام نال مدینے ول ٹر پئے۔

رب نوں وڈیاؤن تے اسلام نوں اچھاؤن لئی مسلماناں نے کافراں دے وزگارن اتے
 کئی لڑائیاں لڑیاں۔ حضور صلی اللہ علیہ وآلہ وسلم دے ویلے ایہو جہیاں جنیاں وی لڑائیاں
 ہوئیاں، حضرت عمرؓ نے اوہناں وچ وودھ چڑھ کے حصہ لیا تے بڑی دلیری دکھائی۔
 حضرت ابوبکر صدیقؓ دی وفات مگروں آپ مسلماناں دے خلیفہ مسمیٰ گئے۔ خلافت
 نبھا لیاں ای آپ نے جیہڑا خطبہ دتا۔ اوہدے توں آپ دے گناں تے چانن پیندا
 اے۔

خطبے وچوں کجھ گلاں ایہج نیں :
 ”لوکو ! میرے اتے تہاڈے کجھ حق نیں، جیہڑے میں تہاڈے اگے بیان
 کرنا وال۔ جدوں تہاڈے وچوں کوئی میرے کول آوے، میتھوں اپنا حق لے کے
 جاوے۔ میرے اتے تہاڈا ایہ حق اے پئی تہاڈے خراج تے مال غنیمت وچوں
 کوئی چیز جیہڑی اللہ تعالیٰ تہانوں دیوے، ناحق نہ لواں۔“
 ”میرے اتے تہاڈا ایہ حق وی اے پئی میں تہانوں دتیاں گئیاں چیزاں
 تے وظیفیاں وچ وادھا کراں، تے تہاڈیاں سرحدیں نوں پکیاں کراں۔“
 ”اللہ دے بندو ! اللہ توں ڈرو۔ نیکی دے حکماں اتے عمل کراؤن تے
 بُرائی وٹوں روکن وچ میری مدد کرو۔ تہاڈیاں جیہڑیاں خدمتاں رب نے میرے دے
 لائیاں نیں، اوہناں بارے میںوں نصیحت کرو۔“

”لوکو ! رب نے میںوں تہاڈے لئی اتے تہانوں میرے لئی آزمائش بنا دتا
 اے۔ جیہڑا نیک کم کرے گا میں اوہدے نال بھلیائی کراں گا۔ تے جیہڑا بُرا پیجے
 گا میں سختی نال اوہنوں داک وچ لیادیاں گا۔“

پھیر اللہ کولوں دُعا منگی :
 ”یا اللہ ! میں سخت آں، میںوں نرم کر دے، میں ماڑا آں میںوں ہمت دے !
 رہا میں بخیل آں، میںوں سخی بنا دے !“

بادشاہی وچ فقیری کرنی کوئی آپ توں سکھے ۔ عام لوکاں دی زندگی وچ تے آپ دے جیون وچ نہ کوئی نکھیرا سی ، نہ اہی کوئی اُچھ ۔

آپ دا جیون بڑا سدھ پدھرا سی ۔ موٹا لباس پہندے جیہنوں کئی کئی ٹاکیاں لگیاں ہونداں سن ۔ جے کسے ویلے اِکو اہی جوڑا ہوندا تاں ادہنوں دھو کے پہن لیندے ۔ کھان پین وچ کدے چکے نہیں سن لبھدے ۔ اُن چھانے آٹے دی روٹی کھاندے سن ۔ گھر دے وچ الانی منجی اُتے سوندے تے بہندے ۔ سفر وچ کسے رُک تھلے بٹھجے اہی ڈیرا لا لیندے سن ۔ کوئی اٹ لبھ گئی تاں سرہانے رکھ لئی نہیں تاں سر ہیٹھ بانہ رکھ کے اہی لے پے رہے ۔

آپ فرماندے نیں پئی ماڑیاں عزیزیاں دے حال دی سُونہ مینوں تاں ہی لگ سکدی اے جے ادہو کجھ میرے اُتے بیتے جو کجھ ادہناں اُتے بیتدی اے ۔ رعایا دی خبر لئی آپ راتاں نوں گشت کردے رہندے سن ۔

اک راتیں آپ نے دیکھیا پئی مدینے دے باہر وار کوئی اگ بالی بیٹھا اے ۔ نیڑے اُپڑے تاں اک سوانی چلھے اُتے ہانڈی دھری بیٹھی سی ۔ ادہ دے بال بھکھ دے نال وکدے پئے سن ۔ آپ نوں پتا لگا پئی ہانڈی وچ کوئی شے نہیں ۔ ایویں بالاں نوں ولاؤن لئی سکھنی ہانڈی تھلے اگ بالی جا رہی اے ۔ ایہ دیکھ کے آپ کولوں جریا نہ گیا ۔ تے او سے ویلے پچھانہ پرتے ۔ بیت المال وچوں کجھ گھیونے ہوو کھان پین داسامان لیا ۔ غلام نوں آکھیا ۔ ”آٹے دی بوری میرے موڈھیاں تے رکھو دے“ ۔ غلام نے آکھیا ، حضورؐ تئیں کیوں بھپچل کر دے او ، یس چک لیناں ۔ آپ فرمان لگے ۔ ”قیامت دے دیہارے توں میرا بھار نہیں چاؤنا“ ۔ سارا سامان لے کے ادہناں بچیاں کول گئے تے اپنے ہتھ نال کھانا پکا کے کھوایا ۔ جد بال رُج بَنج کے مٹھی نیندے سوں گئے ، تاں آپ ادتھوں پرتے ۔ سوانی نوں نہیں سی پتا پئی ایہ بندہ کون اے ۔ اوہ وچاری ککھ ککھ دُعاواں دیندی کہن لگی ۔ ”مسلماناں دا بادشاہ تھاڈے ورگا ہونا چاہیدا اے“

آپ نے بیت المال وچوں کدے اپنے حق توں وادھو کوئی شے نہیں سی لئی ۔ اک واری آپ دی دھی نے آکھیا ۔ ”اباجی ! اللہ میاں نے کھلا رزق دتا اے ، مسلماناں دی اجازت نال تئیں اپنی ٹوڑ سیٹی غنیمت دے مال وچوں کجھ لے لیا کرو“ ۔ آپ نے جواب

دُٹا۔ ”دھیئے ! تُوں ایہ مشورہ دے کے اپنے پیو تُوں کیہ آکھیا اے۔ میرے بال بچیاں دا حق میری ذات تے میرے مال وچ اے۔ میری دیانت تے امانت وچ نہیں۔“
 آپ بچیاں نال بڑا پیار کر دے سن۔ اک واری آپ نے اک شخص تُوں کسے صوبے دا حاکم مقرر کیتا۔ اوہ اجے بیٹھا اسی سی کہ اک بچہ آکے آپ دے کچھڑ بہہ گیا۔ آپ نے پیار نال اوہدا مستحاج چھیا تے اوہدے نال لاڈ کرن لگے۔ اوہ بندہ کہن لگا: ”ہینوں تے اپنے بالاں نال ایسا پیار نہیں تے نہ اسی کہے میں اوہناں نال ایسا لاڈ کیتا اے۔“ آپ نے اوہ ویلے اوہدے کولوں حکومت دا پروانہ واپس لے لیا تے آکھن لگے: ”جیہدا دل اپنے جتے جاہاں دے پیار توں کورا اے اوہ دوجیاں نال کیہ محبت کرے گا۔ میں ایہو جیسے پتھر دل تُوں انساناں دا حاکم نہیں بناؤنا چاہندا۔“

حضرت عمرؓ نے دس ورھے خلافت کیتی تے ایس سبب وچ اسلام اتے انسانیت تُوں دودھ توں دودھ اُبھاریا۔ آپ دہی خلافت دے زمانے وچ مصر، شام، روم نے ایران دیاں بادشاہیاں اسلامی ریاستاں وچ بدل گئیاں۔ بوہت سارے شہر تے قلعے فتح ہوئے۔ چوداں سو مینتاں اُساریاں گئیاں۔ اسلامی ریاست دے واسطے وچ آپ دا ڈھیر حصہ اے۔
 آپ نے عدل تے انصاف دہی راہ وچ جان دے دتی۔ اک واری اک ایرانی غلام جیہدا نال لو لو فیروز سی، آپ دے کول اپنے مالک دہی شکایت کر دیاں کہن لگا کہ اوہ اوہدے کولوں روز دے دو درہم منگدا اے۔ آپ نے غلام دا پیشہ تے آمدنی پچھ کے بنیاں کیتا پئی آمدنی دے مطابق دو درہم چوکی رقم نہیں۔ ایس توں اوہ غلام غصے ہو کے لڑ پیا۔ اگلے دیہارے جدوں آپ فجر دہی نماز پڑھاؤن لئی اجے کھلوتے اسی سن، اوس غلام نے زہر بچھے چھرے نال آپ تُوں پھٹڑ کر دتا۔ ایہناں پھٹاں نال اسی تیجے دن، آپ اللہ تُوں پیارے ہو گئے۔

مشکل لفظاں دے معنے :

سُمرت : شعور، ہوش۔ گبھرو : نوجوان۔ ہڈ کاٹھ : جسمانی ڈھانچا، قد کاٹھ۔ سدا : دوت، پیغام۔ چگرا : حوصلہ۔ اُن جھاک : نڈر، بے خوف۔ اچیاؤنا : بلند کرنا۔ واک وچ لیاؤنا : حکم کے تابع کرنا، قابو میں کرنا۔ نکھیڑا : فرق، امتیاز۔ الاٹی : بغیر کپڑا بچھائے۔ وکنا : ہلکا۔ پھٹڑ : زخمی۔ سوانی : خاتون

نیاں : انصاف ، برل ۔

مشقی سوال

1- حضرت عمرؓ نے کیہو جیہا جیون بیتایا ؟

2- آپؐ نے اسلام دی یکہ خدمت کیتی ؟

3- ہیٹھے لفظاں دے معنے لکھو :

پیڑھی ۔ بھرواں ۔ ٹنگڑائی ۔ چکرا ۔ نکھیڑا ۔

نیاں ۔ ولاون ۔ گسنا ۔ وکنا ۔ اُسارنا ۔

4- پنجابی وچ مصدر مذکر وی وریندا اے تے مونث وی ۔ مصدر توں پہلاں لفظ (اسم) جے مذکر ہووے گا تاں مصدر وی مذکر وریتیجے گاتے جے پہلا لفظ مونث ہووے گاتے مصدر وی مونث

دے طور تے ورتیا جائے گا ۔ جیویں :

روٹی کھانی ، ٹکڑ کھانا ۔

ہیٹھے لکھے ہوئے لفظاں دے نال مصدران نوں مذکر یا مونث دے طور تے ورتو :

منجی ۔ حقہ ۔ کھیر ۔ بات ۔ سوچ ۔ کندھ ۔ پلنگھ ۔

ایکے دی طاقت

کے جنگل وچ قدرت وٹوں اُگے ہوئے گھاہ بوٹ پاروں جناؤراں دا چوگا وافر سی۔
 ایہتھے ہر ویلے کاں، چڑیاں، طوطے، گھگھیاں مولادھی کھلاری چوگ چکدے رہندے
 سن۔ اک دن کسے شکاری نے اوہناں نوں اوتھتے موجاں مانڈیاں تک لیا۔ اگلے دن ای
 اوہنے اوتھتے اک جال وچھیا۔ جہدے وچ ون سونے کئی جناور پھس گئے۔ شکاری
 حالے جال توں دوریڈا بیٹھا ہویا سی۔ اینے وچ جناؤراں سُر ت سنبھال لئی۔ سر جوڑ
 کے صلاح کرن لگے، پئی بُرے پھاتھے آں۔ آزادی لئی کوئی سبیل سوچیے۔ اوڑک اک
 کاں نے سبھا دتا پئی جسے تئیں رل کے ہمت کرو تے اسیں سنے جال ای اڈ سکے
 آں۔ ساریاں ایس صلاح نوں منظور کر لیا تے اللہ واناں لے کے اڈن وا جتن کیتا۔
 سارے جناؤراں اک سُر ہو کے ٹل لایا تے جال لے اڈے۔ اوہ اڈے اڈے جنگل دے
 دوجے پاسے جا پڑے۔ اوتھتے کاں دا اک بلی چوہا رہندا سی۔ کاں نے آکھیا۔ بھراڈ! ایہتھے
 میرا یار رہندا اے، اوہدے ول چلو۔ ساریاں نے اوہدا آکھا من لیا۔ ہولی ہولی تھلے آؤن
 لگ پئے اتے چوہے دی تھاں بھال کے اوتھتے آلتھے۔ چوہے دی کھڈتے آکے آواز
 دتی، چوہا باہر آیا۔ یار تے یار دے ساتھیاں دا دُکھ ویکھ لیا تے جال ٹٹک ٹٹک کے
 اوہناں نوں خلاصی دوا دتی۔

ایہہ کہانی رشید نے رسالے وچوں پڑھی تے اوہدے ڈاڈھی چت لگی۔ گھر دے
 ساریاں جیاں نوں سُناں۔ جدوں دادا جی نے سُنی تے آکھن لگے۔ "ایانا گل کرے سیانا
 قیاس کرے۔ مینوں تے ایہدے وچوں دانائی دے موتی بچتے نیں۔ سارے بچیاں دادے
 نوں کہیا سانوں ذرا کھول کے سمجھاؤ۔ اوہ موتی کیڑے نیں۔ دادے ہوراں آکھیا۔
 "بچو ایہدے وچ تے اللہ بخشے ساڈے قاء اعظم ہوراں دا فرمان ای سمجھا گیا اے۔
 اوہناں آکھیا سی، "طاقت ایکے وچ ہندی اے۔ جدوں تائیں اسیں اکٹھے آں۔"

اسیں سر کڈھتے زور اور رہاں گے۔ جے اسیں کھیر و کھیر ہو گئے تے کمزور تے خوار ہوواں گے۔“

اک ہور تھان تے آپ ہوراں فرمایا سی۔ ”اسیں پنجابی، بلوچی، سندھی، پٹھان سب پاکستانی آں۔ ساڈے وچوں ہر اک نوں پاکستانی بن کے سوچنا، محسوس کرنا تے عمل کرنا چاہیدا اے۔“

قائد اعظم ہوراں دا ایہہ فرمان دوہراؤندے ہوئے دادے ہوراں دیاں اکھاں وچ اتھرو آگئے اکھن گئے۔ پچھڑیو! پاکستان دے سارے صوبیاں دا اکٹھ تے بچا، پاکستانی سوچ تے قومی جذبے وچ اے۔ جدوں ایہہ جذبہ مٹھا پے جاندا اے ساڈے دیریاں نوں وار کرن دا موقع مل جاندا اے۔

پاکستان تہاڈے کول اک پاک امانت اے۔ تئساں ای ایہدی راکھی کرنی اے اتے ایہدی ترقی، دادھے لئی سانجھا زور لانا اے۔ رشید نے آکھیا۔ ”دادا جی! سانوں سوکھے لفظاں وچ دستو پٹی اسیں چون پاکستانی کیوں بن سکے آں؟ دادے ہوراں آکھیا۔ ”پترو سنو، سوہتہ رستاں تے سرے تے گنڈھ، تئیں پاکستان دیاں ساریاں صوبیاں دیاں سانجھاں نوں ہور پکیاں کردتے ادھناں دی لوک رہتل تے نوکیلے گناں دی قدر کرو۔ اک منزل دے راہیاں نوں اک دوجے دے چوکھے نیڑے ہو کے اک دوجے نوں جنگی طرح سمجھ لینا چاہیدا اے“ رشید نے آکھیا۔ ”دادا جی! میں تے پہلاں ای اُردو دیاں کتاباں وچ خوشحال خاں خٹک، حضرت پیر بابا کوہستانی تے شاہ عبداللطیف بھٹائی دا حال پڑھیا اے۔ میں ایہناں بزرگاں دی بڑی عزت کرنا آں۔ چھٹیاں وچ اسلام آباد گیاں سال اوتھتے چاچے ہوراں دے راہیں مینوں کئی سندھی، بلوچی، پٹھان بچیاں نال ملن دا اتفاق ہويا اے۔ سارے ای قبیض شلوار پاندے سن تے اُردو وچ گلاں کر دے سن۔ چاچے ہوریں اتے ساڈا بھرا حمید ادھناں وچ رنج مچ گئے نہیں۔ دادے ہوراں آکھیا۔ ”پترو! جدوں پاکستان بناؤں لئی جتن ہو رہیا سی۔ اس ویلے دیاں گلاں سن کے ایمان نازہ ہو جاندا اے۔ ہن تے ہر ویلے دھیان وچ رکھن والی گل صرف ایہہ دے پئی اساں جیٹری منزل تے اپڑن لئی پاکستان منگیا اتے حاصل کیتا سی ادبے ول رُدے رہیے۔ ہر سال اپنے سامنے کوئی بٹی یاں ٹیچا مقرر کر لیے اتے سانجھے جتناں نال ادبے تائیں اُڑ کے رہیے آؤ

ایک کا قائد اعظم ہوا دے جنم دیہاڑے تے ایہ سوئہ چکیے پئی ایس مسلمان ہاں پھیر
پاکستانی اتے اخیر تے اک دُوبے دی رہتل تے لوک ورثے دی قدر کرن والے ۔ پاکستان دے
کے دی صُربے وچ پیدا ہون والی شے ساڈے ساریاں دی سانجھی اے ۔“

مشکل لفظاں دے معنے :

ایکا : اتحاد، اتفاق ۔ دُن سوئے : قسم قسم کے ۔ کھیر و کھیر ہونا : منتشر ہونا ۔ ٹیچا :
وقت یا کام کی مقررہ حد، معمول ۔ بُتی : حد بندی کا نشان ۔ سوئہ : قسم ۔ رہتل : رہن سہن،
تہذیب ۔ چون : معیاری ۔

مشقی سوال

- 1 - ایکے دی طاقت دس لئی کوئی ہور کہانی سناؤ ۔
- 2 - پاکستانی صُوبیاں دیاں لوکاں وچ کیٹریاں کیٹریاں سانجھاں نیں ؟
- 3 - ایس پہلاں توں قائم سانجھاں نوں ہور کیویں پکیاں کر سکے آں ؟
- 4 - ایکے بارے قائد اعظم ہوراں دا فرمان زبانی یاد کرو ۔
- 5 - تھلے دتے لفظاں نوں اپنے فقریاں وچ درتو ۔
- دُن سوئے ۔ سُرَت ۔ ٹیچا ۔ رہتل ۔ بُتی ۔ اُتھرو ۔ چون ۔ نوپلے
- 6 - تھلے دتے لفظاں دے معنے اُردو وچ لکھو :
- سیانا ۔ انجانا ۔ ایکا ۔ سانجھا ۔ گنڈھ ۔ جنم دیہاڑا ۔ سوئہ
- 7 - خالی تھاں تے اچھے لفظ درتو پئی کجھ مطلب ظاہر ہووے ۔

(الف) کاں چڑیاں دی کھلاری چوگ چکدے سن ۔

(ب) سارے جناڈراں اک سُر ہو کے مل لایا ۔

(ج) حمید پردیس جا کے نویں دوستاں وچ گیا ۔

(د) سوہتھہ رساتے ۔

مہمانداری

اک شام، اک عربی دے گھر کوئی پروہنا آگیا
چا سی بڑا پر اپنی اُن ہوند توں گھبرا گیا
گھر دی غریبی دے سبب اوہ بوہت ای مجبور سی
ایثار دے جذبے تھیں پر دل اوس دا بھرپور سی

اوہ سرچدا سی کھان نوں
ہُن کیہ دیئے مہمان نوں
بیوی نے خاوند نوں کہیا اکو جتنے دا مُٹک اے
تینوں وی سب معلوم اے تیرے توں کاہدی مُک اے
سو خاوند اگوں آکھدا بہہ جاں گا اوہ دے کول میں
ماری صُلیح جے اوس نے کرجاساں گل نوں گول میں

سی آسرا اک ذات دا

ویلا سی اُتوں رات دا

عربی تے ایس مہمان وچ چھابا سوانی دھر گئی
پُجی دا پلا مار کے دیوے نوں گل اوہ کر گئی
مہمان آپے بیٹھ کے کھانا سی پر کھاندا رہیا
عربی ہنیرے وچ سی مُونہ یوئیں مچکا ندا رہیا

نھیرے نے پردہ کجیا

کلا پروہنا رجیا

مشکل لفظاں دے معنے :

اَن ہوندا : ناداری - مُک : مکڑا ، روٹی - چُنی : دوپٹا - صلح مارنا : کھاتے وقت کھانے کی دعوت دینا - مچکاؤنا : منہ سے کھانے کی آواز پیدا کرنا ۔

مشقی سوال

- 1 - ایس نظم وچ کیہڑے جذبے دا ذکر کیتا گیا اے ؟
- 2 - نظم وچوں جیہڑی کہانی اُگھڑ دی اے ادہنوں اپنے لفظاں وچ بیان کرو ۔
- 3 - ایہناں لفظاں نوں اپنے جملیاں وچ استعمال کرو ۔
اَن ہوندا - چھایا - سوانی - مُک - آسرا - ایتار ۔
- 4 - تھلے لکھے محاوریاں دا یکہ مطلب اے ، ایہناں نوں اپنے فقریاں وچ ورتو
گل گول کر جانا ، صلح مارنی ، دیوا گل کر دینا ۔
- 5 - ایس نظم وچوں اسم نکرہ چُن کے لکھو ۔

اچھا شہری

شہر آہندے نہیں کسے وڈے نگر نوں اتے شہری دے معنے نہیں وڈے نگر دارہن والا۔
پھر کسے ملک دے وینیک نوں وی اوس ملک دا شہری آکھدے نہیں۔ بھانویں اوہ اوہدے
کسے پنڈ دارہن والا امی کیوں نہ ہووے۔ ایس کر کے کوئی بھانویں شہر وچ رہندا اے
تے بھانویں پنڈ وچ، اوہدا دین دھرم بھانویں کجھ وی اے، اوہ اوس ملک دا شہری
اے، جیہدیاں خداں دے اندر اوہدی دستوں اے۔

بندہ ایس جگ وچ کھلا رہ کے جیون نہیں گزار سکدا۔ اوہنوں چج دی زندگی گزارن
واسطے مل ورتن دی لوڑ اے۔ ایج اوہدیاں لوڑاں تھوڑاں جگ نال سانجھیاں نہیں۔ حیاتی
ان گنت لوڑاں تے سدھراں نال بھری ہوئی اے۔ جیہناں نوں پورا کرن لئی کجھ شرطیں نہیں
جے اوہ کسے دے سکھ دا دھیان رکھے گا تاں کوئی دوجا وی اوہدے سکھ دا خیال کرے گا۔
سانجھا جیون گزارن لئی اوہنوں کجھ قدراں تے قانوناں تے عمل کرنا پوے گا۔ اوہ شرطیں
جیہناں دی اوہدی حیاتی نوں لوڑاں اے، اوہدے حق تے فرض اکھواندیاں نہیں۔ اوہنوں
اصل دے مطابق جو کجھ ملنا چاہیدا اے اوہ اوہدا "حق" اے اتے جو کجھ اوہنوں ایس
"حق" لئی کرنا چاہیدا اے۔ اوہ اوہدا "فرض" اے۔

جیون امن چین نال تے ای گزاریا جا سکدا اے جسے تئیں اپنا فرض پورا کردتے یں
اپنی ذمہ داری نبھاواں۔

اچھا شہری اوہو ای ہو سکدا اے جیہدے وصف اچھے ہون۔ انسانیت لئی جیڑیاں
وڈائیاں تے گناں دی لوڑ اے اوہناں دی ہوند اک اچھے شہری وچ ضروری اے۔

شہری دے حق

شہری نوں کئی طرح دے حق حاصل ہوندے نہیں جیہناں وچوں کجھ دا ویردا

انج اے ۔

1- مذہبِ واحق : ہر شہری اپنے مذہب دے معاملے وچ آزاد ہوندا اے تے ادھ دے مطابق عبادت کرن واحق رکھدا اے ۔

2- اخلاقی حق : اخلاقی مثلے لوکاں دے سانجھے ہونڈے نیں ۔ تے ایہناں دی راہی خلقت آپ کر دی اے ۔

3- روزی کمان واحق : ہر شہری اپنی روزی کماؤن لئی جیٹرا کم کار وی چاہوے اختیار کر سگدا اے پر شرط ایہ دے پئی اوہ اخلاقی یاں شرعی طور تے جائز ہووے ۔ حکومت دا وی فرض اے پئی اوہ اپنے شہریاں دے کار دیہار وچ آسانیاں پیدا کرے ۔

4- رہن سہن واحق : حکومت دا فرض اے پئی ہر شہری دے مال تے جان دی راہی کرے ۔ ہر شہری اپنی رکھیا تے بچا واحق رکھدا اے ۔

(الف) قانونی برابری واحق : ہر شہری لئی قانون اکو جیہا اے ۔ امیر ہووے یاں غریب ۔ مسلمان ہووے یاں کسے ہور مذہب دا منن والا ہووے ، ہر اک لئی عدالت دے برہے کھلے نیں ۔ نیاں وچ کسے دی چودھر نہیں ۔

(ب) تعلیم واحق : ہر شہری اپنی اولاد نوں جیہو جیہی تعلیم چاہوے دوا سگدا اے تے اوہنوں حق حاصل اے پئی اوہ اپنی اولاد نوں ملک دے کسے وی تعلیمی ادارے وچ داخل کروا سکے ۔ پر ایہدے لئی جتنی قابلیت دی لوڑ اے ، جاتک وچ ادھدا ہونا ضروری اے ۔

شہری دے فرض

ہر شہری دے کجھ فرض وی نیں :

1- قانون دا احترام : ہر شہری دا فرض اے پئی اوہ اپنے ویلے دی حکومت تے ملک دے قانون نوں منے تے ادھ دے قول باہر نہ ہووے ۔ ہر اچھا شہری قانون دی عزت کردا اے ۔ اوہ اپنے ملک تے قوم دی لاج نبھاؤندا اے تے حکومت دی ہر طرح نال مدد کرنا ایہدے لئی ضروری اے ۔

2۔ واجبات دی ادائیگی - حکومت لئی جیہڑے خرچے دی لوڑ ہوندی اے اوہ سب دا سانجھا ہوندا اے - ایس لئی واچھ چندہ میکس ، محصول تے مالیہ بھرنہ پیندا اے - ہر شہری دافرض اے پئی اوہ اپنی کھٹی کمائی مطابق اپنا حصہ ویلے سر حکومت نوں ادا کردا رہے -

3۔ آمدن دی جائز ورتوں : اک چنگے شہری نوں چاہیدا اے پئی اوہ اپنی آمدن تے دولت نوں فائدے وندی ، چنگے تے جائز کماں لئی ورتے - اوہنوں جگت بھلیائی دا دھیان وی رکھنا چاہیدا اے - جو کجھ وی کوئی شہری اپنے واسطے پسند کردا اے - اوہو کجھ اوہنوں دوجیاں لئی وی پسند کرنا چاہیدا اے - اپنے نال نال دوجیاں دا خیال رکھنا وی اوہا فرض اے -

”اوہو لوک جہان وچ بہن چنگے
کم دوجیاں دے جیہڑے آوندے نیں“
(علامہ اقبالؒ دے شعر دا ترجمہ)

مشکل لفظاں دے معنے :

وینیک : باشندہ - وسوں : آبادی - بقیت کرنا : بیتانا ، گزارنا - سدھر : خواہش ، آرزو
مڈھلا : بنیادی ، ابتدائی - واچھ : باچھ ، لگان ، محصول ، باج -

مشقی سوال

- 1۔ شہری توں کیہ مراد اے ؟
- 2۔ اک اچھے شہری دے کیہ فرض نیں ؟
- 3۔ شہری دے کجھ حقّاں دا ذکر کرو -
- 4۔ ایہناں لفظاں دے واحد لکھو -

لوڑاں - وڈیاٹیاں - بوہے - سدھراں - سانجھاں - کماں -

۵ - اینہاں لفظاں نوں اپنے فقراں وچ ورتو

بھانویں - سدھراں - نیاں - چودھر - واچھ

6 - ادھورے جملے پورے کرو ۔

(الف) بندہ ایس جگ وچ کٹارہ کے جیوں نہیں سکدا ۔

(ب) اچھا شہری اوہو اے جہدے اچھے ہوں ۔

(ج) ہر اچھے شہری لئی قانون اکر اے ۔

(د) ہر اچھے شہری نوں حکومت دی ضروری اے ۔

دلال نول دلال دے راہ

گرمیاں دی گل اے۔ جیٹھ دے مہینے دوپہر ویلے سائل بار وچ ریل دے اک
سٹیشن تے گدھی آئی آتے اوس نے کھوندیاں نال اہی سیٹی دے دتی۔

سب جائدے سن، ایس چھوٹے جیسے سٹیشن تے گدھی اصلوں تھوڑا چر کھلندی اے۔
ایس کر کے سواریاں چھیتی چھیتی چڑھ لہ رہیاں سن۔ ریل دے ڈبے وچوں اک مانی سرتے
گنڈھ چکی بیٹھاں آتری، بابو نول مکٹ دتا تے سٹیشنوں باہر نکل کے اک رُکھ تھلے آکھلوتی۔
اوہ گدھی توں اُترن والیاں نول دیکھ دی رہی۔ شاید ایہناں وچوں ایہدے نال پنڈ نول
جان والا کوئی ساتھ بن جائے۔ جس پنڈ ایس نے جانا سی اوہ سٹیشنوں دوکوہ دے
فاصلے تے سی۔ اجاڑ دا راہ سی، نیڑے تیڑے ہو رکوئی وسوں وی نظر نہیں آؤندی سی۔
ایہدے دل وچ خیال سی جے کوئی ساتھی بن جائے تے وارو واری گنڈھ چکی ٹرے جائیے۔
پینڈا سوکھا بٹر جائے۔ پر اجیہی کوئی گل نہ بنی۔ دچاری کلتی رت دا ناں لے کے راہے
لگ وگی۔ عید وچ تھوڑے دن رہ گئے سن۔ ایس غزینی کولوں جو ہنچ سر آؤندا سی
اپنی دھی نول عید دا دیہار دین لئی چائیں چائیں جا رہی سی۔

ابے مانی سٹیشنوں مہاں اوہے میل تے اہی گئی سی، جے ایس نول کجھ فاصلے
تے گھوڑے دے ہنکن دی واج کتیں پئی۔ اوس نے پچھانہ بھوں کے دیکھیا تے خوش
ہو کے دل وچ آکھن لگی۔ ”ایہہ تاں اللہ نے میری مراد پوری کر دتی اے۔ گھوڑے
دا سوار کوئی چنگا بندہ اہی ہووے گا۔ اول تاں مینوں اوس نول آکھن دی بوڑا ہی نہیں
پینی۔ اوہ آپے اہی ترس کھا کے میرا بھار وندا ٹرے گا۔ تے جے اوس نے میرے دتے
کوئی دھیان نہ کیتا تے میں آپ اوس نول اپنی گنڈھ چکن لئی آکھیاں گی۔ ایڈی کیہری
گل اے“ ایہے چر وچ گھوڑ سوار اپڑ پیا۔

گھوڑے والا ایہدے کولوں اپنے مونہ دھیانے لنگھ ٹریا۔ مانی نے اوہنوں

واج مار کے آکھیا ۔

” دے ویرا جان والیا ! ذرا کھلو دیں نا ! میری گل تان سُنی جا ۔ گھوڑے والے نے مائی وتے پرت کے دیکھیا نے بڑے رعب نال پچھیا ۔ ” رکیہ گل اے مائی ! مائی : خدا تیرا بھلا کرے ، میری گنڈھ تان تھوڑی دُور تائیں لدھی چل ۔ “ اپنی گل سُن کے گھوڑے والا چمک پیا ۔ بڑا گھوڑے کے آکھن لگا ۔ ” مینوں رکیہ سمجھ کے اپنی گل آکھی او ۔ میں تینوں کوئی کتی معلوم ہونا داں ۔ توں راتھنی ایں ؟ تیری گنڈھ چمک کے ٹراں ۔ پیو دا نوکر سمجھ لیا ای پ؟ ایہ آکھ کے گھوڑے نوں اڈھی مار کے تیر ہو گیا ۔ مائی دیا رہی شرمندی جیسی ہو کے متو جھانی ہو گئی تے سرسٹ ٹری ۔ ہو کر دی وی رکیہ ؟ گھوڑے والا جس ویلے آگے چلا گیا ، اوہنوں اک خیال آیا اتے کنب گئی ۔ دل وچ آکھن لگی ۔ میں وی پاگل ای آں میتھوں کڈھی بھل ہون لگی سی ۔ بھلے وقت خدانے بچا لیا ۔ جے کدھرے میں ایہ غلطی کر بہندی تے پھیر پچھتایاں رکیہ بننا سی ۔ اوہ نواقف ، نہ جانو نہ پچھانو ، میری گھٹھی لے کے اگانہ بٹھ جاندا تے میں کھیدا گھر پچھدی ؛ اج تاں مینوں خدانے ہمتہ دے کے رکھیا اے ۔ میتھوں شکر ادا نہیں ہو سکدا ۔

ایہہ راہناں سوچاں وچ مائی ٹری جا رہی سی تے اودھر اوس گھوڑے والے نوں وی ایسے طرح دا خیال آیا ۔ اوہ سوچن لگا ۔ میں وی نرا احمق ای آں ۔ میتھوں کڈھی بھل ہوئی اے ۔

خبرے گنڈھ وچ رکیہ مال بچھا ہو یا سی ۔ مائی کولوں گنڈھ پھڑ کے آگے کھسک آنا سی ۔ اوہنے مینوں کیڑا پھڑ لینا سی ، تے نالے ایہتے ہو رکیڑا کوئی دیکھدا سی ۔ خیرا جے وی دُٹھے بیراں دارکیہ وگڑیا اے ۔ مینوں ہن وی کھلو کے مائی کولوں گنڈھ پھڑ لینا چاہیدی اے ، ایہہ موقع ہتھوں نہیں گوانا چاہیدا ۔ ایہو جیہا ویلا روز روز ہتھ نہیں آؤندا ۔ ایہہ سوچ کے اوہ کھلو گیا اتے مائی نوں اُچی واج مار کے آکھیا ۔

” لیا ماں گنڈھ پھڑا دے ۔ چھیتی آ ۔ کیہ یاد کریں گی تیری مدد نہیں کیتی ۔ اوہ جانے تیرا پیٹا سوکھا بڑ جائے میری خیراے ۔ چل چھیتی پھڑا گنڈھ ۔ “ مائی نے جس ویلے گھوڑے والے نوں کھلو کے ایس طرح آکھیاں سُنیا تے پھیر ایس نے وی اوہنوں آکھیا ۔ ” بچا ! ماں صدقے ! جیڑا تیرے کول گیا اے نا ، اوہ

2 - اک خیال مائی نوں آیا سی تے اک خیال گھوڑے ولے نوں - دونویں خیال کس طرح اک

دوبجے نال رلدے سن ؟

3 - سیانیاں وہی گل "جیہنوں رب رکھے ادبہنوں کون مارے - رکھن والے دے راہ نیارے"

ایس کہانی تے کیویں پوری اُتر دی اے ؟

4 - ہیٹھاں لکھے ہوئے لفظاں نوں اپنے فقریاں وچ ورتو :

لوڑ - بھار - اصلوں - نرا - کھپیل - کٹی - وچاری -

غزل

سدا نہ ون سوئے رونٹے سدا نہ نویاں کوراں
سدا نہ گٹیاں توڑی لاجہ ، سدا نہ باکمیاں ٹوراں

سدا نہیں اسماناں اُتے گڈیاں چڑھیاں رہناں !
سدا نہ دورے گڈیاں پھرنا سدا نہ کتیاں ڈوراں

سدا نہ چن دا جو بن پورا سدا نہیں پڑ ملنے
اسمناں دل لانی ناہیں ہمبلی سدا چکوراں

سدا نہ کن من سادون والی سدا نہ کوئل کوکے !
سدا نہ امبیاں ہیٹھاں آکے پیلاں پانیاں موراں

سدا نہ نازک شاخاں اُتے حال پھلاں نوں پینے
سدا نہ گم کے فضل قوالی کرنی مبیل ہوراں

مشکل لفظاں دے معنے :

سدا : ہمیشہ - ون سوئے : رح طرح کے - لاجہ : خوبصورت لنگی - جو بن : جوانی ، خوبصورتی - ہمبلی : اُچھلنا

مشقی سوال

1۔ ایس غزل دے تہانوں کیہڑا شعر بوہتا پسند اے ؟ اوہرا مطلب دسو ۔

2۔ غزل دے شاعر نے جہڑا غلام ، خال پیشہ ، کتا اے اونوں نہ دیکھ مانتا کرو ۔

خاتونِ جنت

حضرت فاطمہ رضی اللہ تعالیٰ عنہا نے حضرت محمد صلی اللہ علیہ وآلہ وسلم دے گھر حضرت خدیجۃ الکبریٰؓ دی کھٹوں جنم لیا۔ آپ نوں زہری دی کہندے نیں تے بتول دی۔ آپ وچ بالینا ناں نوں وی نہیں سی، آپ نے باللاں وانگوں کدے اُچا ہٹی نہیں سی کہتی۔ بس چُپ کر کے ماں دے گوڈے مڈھ بہہ رہنا تے بیکیاں بیکیاں گلاں پٹیاں پچھنیاں۔ جدوں وی کوئی گل کرنی، سیانیاں وانگوں سوچ سمجھ کے کرنی۔

آپ دی عمر اچھے نکیری ای سی کہ حضرت خدیجہؓ ہوویں اللہ نوں پیارے ہو گئے۔ ایس دُکھوں آپ نے بُھیاں بُھیاں تے اُودیاں اُودیاں رہنا۔ کدے ماں وی جُدائی چوکی پوہنی تاں بابل توں پچھنا، ”امی ہوویں کدوں پرت کے آون گے“ حضور صلی اللہ علیہ وآلہ وسلم نے سرتے پیار دیندیاں آکھنا۔ ”بچیے! تیری ماں اللہ کول ٹر گئی اے“ تے آپ نے اُتھرو پونچھ لینے۔

حضرت خدیجہؓ ہوراں دی وفات مگروں حضور صلی اللہ علیہ وآلہ وسلم نے حضرت سُوہہ رضی اللہ تعالیٰ عنہا نال نکاح کر لیا۔ تاں جے حضرت فاطمہ رضی اللہ تعالیٰ عنہا دی پالنا چنگی طرح ہو سکے۔ حضرت سُوہہ رضی اللہ عنہا نے آپ نوں بڑے لاڈ پیار نال رکھیا تے کوئی تکلیف نہ محسوس ہون وئی۔

جدوں کافر رسولِ کریم صلی اللہ علیہ وآلہ وسلم نوں دُکھ دیندے تاں حضرت فاطمہ رضی اللہ تعالیٰ عنہا حضور نوں تسلیاں دیندے تے حضور صلی اللہ علیہ وآلہ وسلم نے آپ نوں گھٹ کے کیجے نال لاؤندیاں آکھنا: ”بچیے! گھبرا نہ رت تیرے باپ نوں کلہاں نہیں چھڈن لگا۔ آپ دی رہت مڈھوں ای ساد مرادی سی۔ قیمتی کپڑیاں تے گنیاں دتے کدی اکھ چُک کے وی نہیں سی دیکھیا۔ نکتے ہوندیاں دی گل اے جدوں آپ دی عمر اچھے مَساں پنجواں پھیاں ورھیاں دی سی کہ اک واری حضرت خدیجہ رضی اللہ تعالیٰ عنہا دے ساکاں وچوں

کے دے دیاہ واسدا آیا ۔ حضرت خدیجہ ہواں نے آپ لئی بڑے سوہنے سوہنے لڑے
تے قیمتی ٹوٹیاں بنوائیاں ۔ دیاہ والے گھر جادوں لگیاں ادہناں اپنی دھی حضرت فاطمہ ٹوں ایہ
لڑے تے ٹوٹیاں پہنن لئی آکھیا تاں آپ نے جواب دتا : ”اماں جی ! بندہ کوئی کپڑیاں
تے ٹوٹیاں نال سوہنا تے نہیں نا لگدا ۔ بندے دا گھنا تے اوہدے سُچھے وصف نہیں ۔ میں
ایہ قیمتی کپڑے تے ٹوٹیاں پاؤنوں بناں اہی تہاڈے نال ، دیاہ والے گھر چلاں گی ۔“
دھیاں دھن پرایا ۔ آپ جوان ہوئیاں تاں حضور صلی اللہ علیہ وآلہ وسلم نے آپ دی شادی
اپنے چاچے دے پتر حضرت علی کرم اللہ وجہہ نال کر دتی ۔ شادی بڑے سادے طریقے نال
ہوئی تے آپ ٹوں واج وجوں ایہ چیزاں ملیاں :-

1 - اک بسترا (رضائی یاں تلافی، جہدے وچ اُن بھری ہوئی سی ۔

2 - دو چادراں ۔

3 - چمڑے دا اک سرہانا (جیہڑا کھجور دی چھل نال بھریا ہویا سی)

4 - اک تخت یا منجی ۔

5 - چاندی دے دو بازربند ۔

6 - اک جاء نماز

7 - مٹی دے دو بھانڈے (گھڑے)

8 - اک پیالہ ۔

9 - اک مشکیزہ ۔

10 - اک چکی ۔

آپ نے ساری عمر اپنے خاوند دی خدمت کر کے اپنا فرض پورا کیتا تے بابل دی لاج نبھائی ۔
آپ نے اپنے گھر والے آگے کسے وڈی توں وڈی لوڑ دی شے دی فرمائش دی کدے نہ کیتی ۔
جو کجھ گھروچ ہويا اوہ ورت لیا ۔

رب نے آپ ٹوں دو پتر دتے ، حضرت امام حسن علیہ السلام اُنے حضرت امام حسین
علیہ السلام ۔ آپ نے ادہناں ٹوں بڑی سوہنی طرح پالیا پوسیا تے ادہناں وچ اپنے سارے وصف
پیدا کر دتے ۔

آپ گھر دا سارا کم کار اپنے ہتھیں کر دیاں سن ۔ گھروچ کوئی نوکر چاکر نہیں سی ۔ چکی

پہنندیاں پہنندیاں آپ دے ہتھان اُتے چھالے پے جانڈے سن ۔ گھر وچ بوکھر بہاری دیندیاں
آٹا گنھدیاں ، چلھا ناؤندیاں ، ہر ویلے اللہ دانان لینا تے صبر شکر دا کلمہ پڑھدیاں رہنا آپ دا
دھارسی ۔

اک داری غنیمت دے مال وچ کیتوں کچھ لونڈیاں آئیاں ۔ حضرت علی کرم اللہ وجہ نے آپ
نوں آکھیا پئی ۔ ” چکی پہنندیاں پہنندیاں تہاڈے ہتھان اُتے چھالے پے گئے نہیں تے چلتے
دے تاء نے تہاڈا رنگ دھوا نکھ چھڈیا اے ۔ آج حضور صلی اللہ علیہ وآلہ وسلم کول کچھ
لونڈیاں آئیاں نیں ، جا کے اوہناں کولوں اک لونڈی منگ لیاؤ ۔“ ایس آکھت تے آپ اپنے
ابا جی کول گئیاں پر کچھ آکھن دا حوصلہ نہ پیا تے چپ کر کے گھر نوں پرت آئیاں ۔ پھر حضرت
علی کرم اللہ وجہ اوہناں نوں نال لے کے رسول اللہ صلی اللہ علیہ وآلہ وسلم دی خدمت وچ
حاضر ہوئے تے اک لونڈی دی منگ کیتی ۔ حضور صلی اللہ علیہ وآلہ وسلم نے فرمایا پئی
” میں تہانوں کوئی لونڈی نہیں دے سکدا ۔ اجے تاں میں صفہ والے صحابیوں دے
کھان پین دا آہر کرنا اے ۔ میں اوہناں نوں کیویں وسار دیواں ، جیڑے اپنا گھر بار
پچھڈ کے رب ، رسول لئی بھکھ ننگ سہیڑی بیٹھے نیں ۔“ تے دونویں جی چپ کر کے
پرت آئے ۔

آپ نے اپنی پوری زندگی صبر تے توکل دے سہارے گزاری اُتے سدا شکر دا کلمہ
پڑھدیاں رہیاں ۔

آپ اپنے نالوں دودھ کے دوجیاں دا خیال رکھدیاں سن ۔ کدے کسے سوالی نوں
بوہیوں سکھنا نہیں سی پرتایا ۔

آپ بڑا سادہ تے معمولی لباس پہنندیاں اُتے دکھالے توں آپ نوں بوہت نفرت سی ۔
کپڑیاں نوں کئی کئی ٹاکیاں گئیاں ہونڈیاں سن ۔ اک واری حضور صلی اللہ علیہ وآلہ وسلم اوہناں
دے گھر گئے ۔ دیکھیا کہ آپ نے اُونٹ دی کھل دا لباس پہنیا ہویا اے تے اوہرے وچ
تیراں جوڑ لگے ہوئے نیں ۔ آپ آٹا گنھ رہیاں سن تے نال نال اللہ دا ذکر وی کر رہیاں
سن ۔ حضور صلی اللہ علیہ وآلہ وسلم ایہ نقشہ دیکھ کے فرماؤن لگے ۔ ” بچڑی ! دُنیا دیاں اوکڑاں
نوں صبر شکر نال جھل تے آخرت دی سدا رہن والی خوشی نوں اڈیک ۔ اللہ تینوں تیرے
صبر دا پھل دیوے گا ۔“

آپٹ نوں اپنے ابا جی نال بڑا پیار سی تے حضور صلی اللہ علیہ وآلہ وسلم دی آپٹ بارے
فرماؤندے نیں :

”فاطمہ میرے جگر دا ٹکڑا اے۔ جینے ایہنوں

دُکھ دتا اوہنے مینوں دُکھ دتا۔ جینے فاطمہ

نوں ناراض کیتا اوہنے مینوں ناراض کیتا۔“

بدوں حضور صلی اللہ علیہ وآلہ وسلم دی وفات دا ویلا نیڑے آیا تے اوہناں حضرت فاطمہ
رضی اللہ تعالیٰ عنہا نوں اپنے کول بٹھا کے ، کن وچ کچھ آکھیا ، جیہدے نال اوہ رو پٹیاں
پھر حضور صلی اللہ علیہ وآلہ وسلم نے دُوجی واری اوہناں دے کن وچ کوئی گل آکھی تے
اوہ مُسکرا پٹیاں ۔

آپٹ دے روون دا کارن ایہہ سی کہ حضور صلی اللہ علیہ وآلہ وسلم نے اوہناں نوں
اپنے رُخصت ہون دی خبر دتی سی ۔ پھیر دُوجی واری حضور صلی اللہ علیہ وآلہ وسلم نے
کن وچ جیہڑی گل آکھی سی اوہ ایہہ سی پئی ”اہل بیت وچوں توں مینوں سبھ توں پہلاں
آن ملیں گی ، اتے جنت دیاں سوانیاں دی سردار ہو دیں گی ۔“

حضور صلی اللہ علیہ وآلہ وسلم دی وفات مگروں حضرت فاطمہ رضی اللہ تعالیٰ عنہا نوں
کے مسکراؤندیاں نہیں دیکھیا ۔ اوڑک رسول کریم صلی اللہ علیہ وآلہ وسلم دے وصال توں
چھ مہینے مگروں آپٹ نے وی جنت وچ جا ٹکانا کیتا ۔

آپٹ دا جیون عورتاں لئی اک نمونہ اے ۔ اوہناں دے قدماں تے ٹرنا دُنیا دی
منزل اے تے دین دی وی ۔ رب ہر دھی بھین نوں اوہناں دی راہے ٹرن دی توفیق
دیوے ۔ آمین !

مشکل لفظاں دے معنے :

اچا ہٹی : شیخی ۔ نکیری : چھوٹی ۔ دیہار : معمول ، کام ۔ آہر کرنا : بندوبست کرنا ۔ انشٹام کرنا
وسارنا : بھلانا ۔ سہیڑنا : اپنی مرضی سے اختیار کرنا ۔ ٹوئب : زیور ، گہنا ۔ اوکڑاں : مشکلات
اوڑک : انجام ، آخر کار

مشقی سوال

1. پچھلے سوالوں دے جواب دیو :

- (ا) حضرت فاطمہ رضی اللہ تعالیٰ عنہا دی سادگی واکوٹی واقعہ بیان کرو۔
 (ب) حضرت فاطمہ رضی اللہ تعالیٰ عنہا نوں وچ وچ کیہ کجھ ملیا سی ؟
 (ج) دیہہ مگروں بعد حضرت فاطمہ رضی اللہ تعالیٰ عنہا دی حیاتی کیویں گزری ؟
 (د) آپ دی زندگی توں کیہ سبق ملدا اے ؟

2. ادہ حرف یا کلمہ جیہڑا کسے اسم دے شروع وچ لگ کے اوہدے معنیوں اُتے اثر پاوے اوہنوں
 ”سابقہ“ آکھدے نیں، جیویں پکچا ، پچھا ، نلجا ۔ ایہناں لفظاں دے شروع وچ ”ک“ ”س“
 تے ”ن“ سابقے نیں ۔ ایہناں سابقیاں وچوں ہر سابقے نوں ورت کے رتن رتن مثالیں دیو ۔
 3. ایس سبق وچوں مرکب لفظ چنو ۔

مولوی غلام رسولؒ

مولوی غلام رسولؒ پنجابی زبان دے اچھے شاعر ہیں۔ آپ ضلع ہوشیار پور دے اک پنڈ عالم پور وچ میاں مراد بخش دے گھر 1829ء وچ پیدا ہوئے۔ آپ نے مڈھلی تعلیم اپنے پنڈ دے مولوی حامد ہوراں کولوں حاصل کیتی۔ پھر عربی، فارسی دی پڑھائی لئی نال دے پنڈ ”غازیاں“ دے مولوی محمد عثمان ہوراں کول چلے گئے۔ علم دی تریہ ہور بھڑکی تاں حضرت نظام الدین اولیاءؒ دے سجادہ نشین نوں جا سلامی دتی۔ مذہبی تعلیم توں اڈ، طب، نجوم، ہیئت، موسیقی، علم بیان تے عروض دا وی مطالعہ کیتا۔

بچتے ہونیاں آپ اپنے پیو نال بکریاں تے گائیں مجھیں چار دے رہے۔ تعلیم حاصل کر لئی تے آپ نے مدرسی نوں اپنا پیشہ بنالیا تے بڑے سچے طریقے نال اپنے ایس فرض نوں ادا کر دے رہے۔ پھر آپ نوں ایہ نوکری راس نہ آئی تے چھیتی ای ایہدے توں کنارہ کر لیا۔ ایہدے مگروں آپ نے مسیت دی امامت سانجھ لئی تے امامت کراندیاں ساری عمر گزار دتی۔

آپ سبھا دے بڑے نرم تے عاجز سن۔ ہر اک نال بڑے پیار تے محبت نال پیش آؤدے سن تے کدے کسے نوں مندا نہیں سی بولیا۔ نماز روزے دے مڈھوں ای پابند سن۔ تنہجہ دی کدی قضا نہیں سی کیتی۔ ہر اک نوں سکھ پہنچاؤن دے جتناں وچ رہندے۔ بڑے خدا ترس تے رحم دل سن۔ کوئی کافر ہووے یاں مسلمان، چنگا ہووے یاں متدا، انسان ہون پاروں اوہنوں اپنا بھرا سمجھدے تے اوہی خدمت نوں اپنے اتے فرض جانڈے سن۔

رسول پاکؐ دے عاشق ہون پاروں آپ اہل بیت نال وی بڑا پیار رکھدے سن۔ اک یتیم مید زادے روشن علی دا ذکر آپ نے اپنیاں منظوم چھٹیاں وچ کیتا اے۔ آپ نے اوہنوں پالیا پوسیا تے لکھایا پڑھایا۔ اوہی شادی وی کیتی تے اوہنوں پٹواری لوادتا۔

مولوی غلام رسول ہوری پنجابی دے سرکڑھویں شاعر نہیں - اوہناں دا رتبہ شاعری وچ ڈھیر اچھا اے - پندراں سولہاں ورھے دی عمر وچ آپ دے بے ہمارے جذبات نے آپ دا رخ شاعری وٹے موڑ دتا تے آپ اپنے خیالاں نوں قصیاں راہیں لیکن لک پئے -

آپ نے بوہت ساریاں کتاباں لکھیاں جیہڑیاں پنجابی شاعری وچ نیں - چھوٹے قصیاں وچوں بسند توحید، سی حرفی سستی پُوں، ٹلیہ شریف - چٹھیاں - پنڈنامے تے قصہ روپن وغیرہ نیں - "داستان امیر حمزہ" جیہڑی تنّاں جلدیں وچ اے، آپ نے پہلی عمر وچ نظم کیتی - اوہناں دی مشہور تصنیف "احسن القصص" اے - ایہدے وچ حضرت یوسف علیہ السلام اتے مائی زلیخا دا قصہ بیان کیتا گیا اے -

مولوی ہوراں دے کلام وچ بڑا درد تے سوز اے - اوہ رب دی ذات بارے لکھدے نیں :

دانا بینا واحد خالق سُدا عرض سنائی

اُسدے باجھ مدد گر کیہڑا بخشے غموں رہائی

اوہ دسدے نیں پئی اللہ توں پنا کوئی عبادت دے لائق نہیں، اوہ ہر اک دا خالق تے مالک اے - اوہدے وصفیں دا کوئی اوڑک نہیں - اوہدی جہنی وہی تعریف کریے تھوڑی اے -

عجز کمال خدا دی حمدوں ہر ذرہ اقراری

دم دم لکھ لکھ توں لوں حمدوں تجھے نہ شکر گزاری

انسان توں اوہدا مقام دسدے نیں پئی تینوں رب نے اچا مقام دتا اے، توں ہر شے توں نوا سکدا ایں - تیری ہمت اگے کوئی دی نہیں اڑ سکدا - ادم کیتیاں سبھے دلدر دور ہو جائدے نیں - اپنے آپ توں ماڑا نہ سمجھ -

توں پریشان دلاور ضیغم ہو یوں آپ ننّا

خودنوں جان شغال کینہ بیٹھوں چھوڑ ٹکانا

دُنیا دے لالچ تے حرص دی بندیا کر دے کندے نیں :

تِنے حرف طمع دے آپے ، تِنے لفظیوں خالی

میں خالی ہتھ میرا خالی ، خالی سفر اں جالی

سارے انسان حضرت آدمؑ دی اولاد نہیں ، ایس ناتے نال سبھو آپو وچ بھرا نیں ۔
 چہڑے بھرا نوں دوجے بھرا دا درد دریغ نہیں اوہ کاہدا انسان اے ۔ اک دوجے نال بل
 جُل کے رہنا چاہیدا اے ۔ جدوں اک بھرا دوجے بھرا نوں ، پیار نال ملن جاندا اے تاں
 رب دی بڑا خوش ہوندا اے ۔

جو بھائیاں نوں ملنے جاوے اُلفت نال پیارے

چُھٹ غذا بوں رُتبہ پاوے باجھ حساب شمارے

مولوی ہوراں نے اپنی ساری زندگی لکھن پڑھن تے حق سچ دے پرچار وچ گزاری ۔
 آپ 5 مارچ 1892ء نوں ایس جہانوں رخصت ہو گئے ۔ اوہناں دا مزار عالم پور (بھارت)
 وچ اے ۔

مشکل لفظاں دے معنے :

آدم : ہمت ۔ سبھا : عادت ۔ پرچار : عبادت ۔ اُکینا : خاکہ بنانا ، لکھنا ۔ نتانا :
 کمزور ۔

مشقی سوال

- 1 - مولوی غلام رسول ہوراں دے وصف بیان کرو ۔
- 2 - مولوی ہوراں دی مشہور کتاب کیہڑی اے ؟
- 3 - مولوی ہوراں دے پنج شعر سناؤ ۔
- 4 - ایس شعر دا مطلب بیان کرو ۔
 خود نوں جان شغال کینہ بیٹھوں چھوڑ لگانا
 توں پریشان دلاور ضیغم ہو یوں آپ نتانا
- 5 - بیٹھلے لفظاں دے معنے لکھو تے فقریاں وچ ورتو :
 میڈھوں ۔ نتانا ۔ ضیغم ۔ طمع ۔
- 6 - واحد دے جمع تے جمع دے واحد لکھو :
 مجھیں ۔ کندھا ۔ ڈھائیں ۔ منت ۔ کرامت ۔ میت ۔

قائد اعظم زندہ باد

خوشبوؤں دے باغ دا مالی
قوم دا بابا دیس دا والی
لیایا جوہاں لئی ہریالی

کیتے بندی وان آزاد
قائد اعظم زندہ باد

قوماں نوں وڈیاون والا
بھلیاں نوں راہ پاون والا
پیار دا سبق پڑھاون والا

ساڈا رہبر تے اُستاد

قائد اعظم زندہ باد

آکھیا اے بابے من موہنے
کم کریا جے سوہنے سوہنے
ایویں راہ پدھرے نہیں ہونے

محنت باجھ نہ بلدی داد
قائد اعظم زندہ باد

مشکل لفظاں دے معنے :

جوہ : خطہ زمین، چراگاہ - بندیوان : قیدی -

مشقی سوال

1. ایس نظم وچ قائد اعظمؒ نوں رہبر تے اُستاد متھیا گیا اے کیوں ؟
2. ایہناں لفظاں دے معنے لکھو :
جُوہ - ہریالی - وڈیاؤنا - من موہنا - پردھرا
3. اوہ اسم جیہڑا اپنی بناوٹ دے لحاظ نال کم کرن والے نوں ظاہر کرے - اوہنوں "اسم فاعل" اکھیا جاندا اے جیویں -
پڑھاؤن والا ، وڈیاؤن والا وغیرہ - پنجابی وچ "اسم فاعل" بناؤن دے کئی طریقے
نہیں تے ایہہ خاص طور تے مصدر توں بنایا جاندا اے - اپنے اُستاد نوں اسم فاعل بناؤن
دے طریقے تے نشانیاں پچھو تے بیٹھکے مصدر توں اسم فاعل بناؤ -
پڑھنا - جھگڑنا - پوچھنا - ترنا - ہونا
4. نظم دے نتیجے بند دا مطلب بیان کرو -

انسان دی کہانی

مذہب دے مطابق سمجھ تو پہلے انسان حضرت آدم علیہ السلام سن ، جہناں دی پسلی توں حضرت حوا پیدا ہوئی ۔ خدا نے اوہناں نوں کنک دا دانہ کھان پاروں جنتوں کڈھکے بھونیس ول ٹور دتا ۔ دُنیا تے رہن والے سارے انسان اوہناں دی اولاد نہیں ۔ سائنس دان کہندے نیں پئی انسان جانوراں دی حالت توں ترقی کر کے ایس صورت نیکن بُجیا اے ۔ پر مسلماناں دے عقیدے مطابق ایہہ گوڑ ٹھیک نہیں ۔

شروع وچ اک دوجے نوں اپنی گل سمجھاو لئی انسان وں سونیاں ، اُچیاں نیویاں آوازاں تے سینتاں توں کم لیندا سی ۔ پھیر ہولی ہولی اوہنے زبان دیاں اڈو اڈریاں حرکتاں نال دکھو دکھ لفظ بنانے شروع کیتے اتے انج اوہنے بولن دی جاچ سکھ لئی ۔ اک علاقے دے رہن والے اک طرح دے لفظ ورتن لگ پئے تے اوہناں دی سوچ دا ڈھب وی اکتوجیہا ہو گیا ۔ اک دوجے دی زبان سمجھن نال آپو وچ ہمدردی ودھی تے لوکی اک دوجے نال ملن ملان لگ پئے ۔ ایس ملاپ نے کنہیاں اتے خانداناں نوں جنم دتا ۔ دکھو دکھ تھانواں تے رہن والیاں اتے اوتھوں دی ہوا ، پانی نے وی اثر پایا ۔ ٹھنڈے علاقیاں دے رہن والیاں دا رنگ گورا چٹا ، تے گرم حصیاں دے واسیاں دا رنگ کنک ونا ، ساڈلا تے کجھ کالا ہو گیا ۔

انسان نے سردی ، گرمی تے جنگلی جانوراں توں بچن لئی غاراں تے کھوکھلے رُکھاں وچ پناہ لہی ۔ پھیر اوہنے بھونیس وچ ٹوٹے کڈھ کے اوہناں اُتے رُکھاں دیاں ٹہنیاں اتے پتیاں دی چھاں کیتی ۔ پنڈے نوں پالے توں بچاون لئی درختاں دی چھل اتے پتر ورتے ۔

پہلوں پہل جنگلی جانوراں نوں شکار کرن لئی اوہدے کول کوئی ہتھیار نہیں سی ۔ ایس کم لئی اوہنے پتھر ورتے ۔ ہولی ہولی پتھراں نوں رگڑ کے اوہدے ہتھیار بنائے ۔

اوبنے کچھ جانور اُن نوں گھیر گھار کے اک تھاں اٹھا کیتا - رکھوالی کردیاں جانور ہلھ گئے تے اِنج پالتو جانور اوبدے کم آؤن لگ پئے -


اوہ اگ ناں دی کسے شے دا جانو نہیں سی - اوہنوں اپنا پتا سی پئی سورج نکلا اے تاں پنڈا پالیوں بچا اے - اوہ شکار نوں چیر پاڑ کے کچا اہی کھا جاندا سی - جدوں اوہنوں ایہہ بھیت معلوم ہويا پئی پتھر نال پتھر دے رگڑ کھان نال اگ پیدا ہوندى اے ، تاں اوبنے ہولی ہولی اگ بالن دا طریقہ سکھ لیا - اگ سیک کے اوبنے اپنا پالا لاہیا تے بھجیا ہويا گوشت کھان دا سواد دی مانیا -

پھیر اوبنے دیکھیا پئی کچھ پودیاں نوں سٹے لگدے نیں تے ایہہ سٹے بھکھ لاہوں داکم دی دیندے نیں - نال اہی اوہنوں ایہہ وی پتا لگا پئی ایہناں سٹیاں وچوں نکلیں والے دانے مٹی وچ رل کے پانی تے گرمی نال اگ آؤندے نیں - اِنج اوبنے ہولی ہولی واہی بیجی داکم سکھ لیا تے گوشت دے نال نال اُن دی کھان لگ پیا - ہن اوہنوں چوکی سُر ت آگئی سی - گنٹیاں قبیلیاں تے نسلاں وچ رہن دی ریت پے گئی تے انسان نے چوپھیرے کھلنا شروع کر دتا - رزق دی بھال نے اوہنوں اک تھاؤں دوجی تے پھیر تیجی تھاں ڈیرے لاؤن اتے مجبور کیتا - اِنج یورپ ، ایشیا تے افریقہ دی دھرتی وچ انسان کھل گئے -

اناج اگاؤن لئی پدھری بھوئیں اتے پانی دی لوڑ پئی تے انسان نے ایہو جیہاں تھاؤں وی بھجیاں جتھے واہی بیجی داکم ہو سکے - ایسے پاروں نویاں نویاں آبادیاں دریاواں دے کنڈھے نظریں آؤن لگ پئیاں - سبھ توں پُرانیاں آبادیاں نیل دریا دے کنڈھے تے دسیاں تے ایہتوں دے وسیکاں نے واہی بیجی نوں اپنا پیشہ بنایا تے ایہہ لوک مصری سدیجے -

مصر وچ چھوٹے چھوٹے قبیلیاں نوں اپنے متعلے لاکے اک خاندان نے اوہتھے حکومت بنا لئی - ایہتوں دے بادشاہ نوں ”فرعون“ آکھدے سن - فرعونان نے ڈھیر چہ اپنا راج قائم کیتی رکھیا - بگڑے لوک ماڑیاں نوں غلام بنا لیندے سن - لونڈیاں اتے غلام منڈیاں وچ وکدے سن -

مصر نے ہر طرح دی ترقی کیتی - اوہناں دے بنائے ہوئے محل تے اہرام بڑے مشہور



SHAM
NPAWZ



نہیں۔ مصریوں نے لکھن پڑھن دا ڈھب دی سکھیا تے مذہب دانوں دی آگے لیاندا۔
حضرت موسیٰ علیہ السلام ایہناں فرعونوں وچوں ای اک فرعون دے عہد وچ اللہ تعالیٰ
دوں انسانوں دی بھلیائی دا سینھا لے کے آئے سن۔

مصر دے نال لگا اک ہور علاقہ اے جیہڑا عراق توں یمن تکین کھلایا ہویا اے۔ عراق
فرات تے دجلہ دو دریاواں دے وچکار لے دو آبے نوں آکھدے نہیں۔ ایس علاقے وچ
دی کے نے پربتوں تے کسے نے دکھنوں ہلا بول کے قبضہ جماؤن دا جتن کیتا۔ ایستے دی
کئی قوماں تے قبیلیاں نے واری واری راج کیتا۔ ایہ اوہو ای دھرتی اے جتھے حضرت
نوح علیہ السلام خدا دوں پیغمبر بن کے آئے سن تے ایستے ای اوہ طوفان آیا سی جیہنوں
”نوح دا طوفان“ آکھدے نہیں۔ غرود دی ایسے علاقے دا بادشاہ سی، جیہدے ویلے
وچ حضرت ابراہیم علیہ السلام نوں رب نے اپنا نبی بنا کے گھلیا سی۔

کجھ قوماں نے یورپ وئے موٹھ کر لیا تے کجھ وچلے ایشیا دے پہاڑاں ول آ
گیئیاں۔ حضرت عیسیٰ علیہ السلام توں دو ہزار ورھے پہلاں وچلے ایشیا توں ٹر کے
ہندوستان وچ داخل ہون والی قوم آریا سہندی اے۔ ایس قوم نے ایتھوں دے پرانے
دینیک دراوڑاں نوں مار بھجایا، اتے جیہڑے رہ گئے اوہناں نوں اپنا غلام بنا کے ایستے
اپنا راج قائم کر دتا۔

ہن انسان ترقی کر کے چو پھیرے کھل چکیا سی۔ مصر، عرب تے عراق توں اڈ یونان،
روم، فارس تے چین ورگے ملک آباد ہون لگ پئے۔ جیہڑی قوم تگڑی ہوندی اوہ دوجی
قوم نوں دبا کے اوہدے اتے حکم چلاون لگ پئیدی۔ قوماں تے ملکاں وچ لڑائیاں
ہون لگ پئیاں۔ جدوں ظلم و دھبہ جاندا اے تے لوک بدراہ ہو جانڈے نہیں۔ اودوں رب
دوں اوہناں دی ہدایت لئی کوئی پیغمبر آجاندا اے۔ رب نے اڈو اڈیاں قوماں وئے
اک لکھ تے کئی ہزار پیغمبر کھلے نہیں آخری پیغمبر حضرت محمد صلی اللہ علیہ وآلہ وسلم عرب
دے ملک وچ پیدا ہوئے۔ حضور صلی اللہ علیہ وآلہ وسلم آخری نبی نہیں آتے۔ ایہناں
آتے نبوت ختم ہو گئی اے۔ ایہناں دے لیانڈے ہوئے دین اسلام آتے چلن
والے مسلمان نہیں۔ ایہ دین عرب توں ٹر کے ہولی ہولی ساری دنیا وچ پھیل گیا اے۔

مشکل لفظاں دے معنے :

لوپڑ : قیافہ - سینت : اشارہ ، رمز - ہٹکنا : روکنا ، منع کرنا -

مشقی سوال

- 1- انسان نے بولنا کیوں سکھیا ؟
- 2- سارے انسان اکو پیو دے پتر نیں پھیرا دہناں دی زبان وکھو وکھری کیوں اے ؟
- 3- پڑانے انسان دی رہت بہت بارے تئیں کہیہ جائدے او ؟
- 4- ہٹیلے لفظاں دے معنے لکھو :
- 5- ایہناں لفظاں دے اُلٹ لکھو :
گوپڑ - ون سوٹا - کھیچل - کنڈھا - ملاپ -
گورا - پالا - چوکھی - ماٹرا - پرہت -


قائد اعظم محمد علی جناح

دیہویں صدی وچ بز صغیر دے مسلماناں نوں انگریزاں تے ہندوواں دے سانجھے ظلم دے ہتھوں نجات دوان ، اوہناں وچ سیاسی بیداری پیدا کرن ، اوہناں دے گلوں غلامی دی پنجالی لاہن تے اک وکھرا آزاد اسلامی ملک پاکستان بناؤن والی عظیم شخصیت دا پورا ناں قائد اعظم محمد علی جناح اے ۔

ماپیاں نے آپ دا ناں محمد علی رکھیا سی ۔ جناح آپ دے وڈیاں دی ذات سی ۔ ایس کر کے آپ محمد علی جناح اکھوائے ۔ مسلماناں نے آپ نوں ”قائد اعظم“ دا خطاب دتا ۔ جیہدا مطلب اے ”سب توں وڈا آگو“ ایس طرح آپ قائد اعظم محمد علی جناح دے طور تے پوری دنیا وچ مشہور ہو گئے ۔

قائد اعظم محمد علی جناح 25 دسمبر 1876ء نوں کراچی وچ پیدا ہوئے ۔ آپ دے والد پونجا جناح چمڑے دا بیوپار کر دے سن تے نیو بزم روڈ کراچی دے اک مکان وچ رہندے

سن ۔ محمد علی جناح نے جدوں ذرا ہوش سمجھالیا ، آپ دے والد نے اک میت وچ قرآن شریف پڑھن لئی بٹھا دتا ۔ اللہ تعالیٰ نے آپ نوں اعلیٰ دماغ عطا کیتا سی ۔ ایس لئی آپ نے چھیتی ای قرآن شریف پڑھ لیا ۔ آپ چھ ورہیاں دی عمر وچ بمبئی دے گوکل داس تیج پرائمری سکول وچ داخل ہو گئے ۔ آپ دی والدہ سکینہ بیگم آپ توں پناں اُداس ہو گئیاں ۔ ایس لئی آپ نوں کراچی سڈ کے ایٹھوں دے سندھ مدرسہ وچ داخل کرا دتا ۔ کجھ چر گدروں آپ مشن ہائی سکول کراچی وچ چلے گئے ۔ جتھوں سولہاں ورہیاں دی عمر وچ آپ نے بمبئی یونیورسٹی دا میٹرک دا امتحان چنگے نمبراں نال پاس کیتا ۔ آپ نوں پڑھن دا بوہت شوق سی پر آپ دا مکان چھوٹا تے اوہدے وچ رہن والے بندے چوکھے



قائد اعظم

سن۔ ایس لئی رات نوں جدوں گھر دے سارے جی سوں جانڈے، آپ مطالعہ کر دے سن۔
 لیمپ دے اک پاسے گتے دا اک ٹوٹا ایس پاروں لاویندے تاں جے اوس پاسے سٹیاں
 بندیاں دی نیندر بوہتے چان نال خراب نہ ہووے۔ آپ رات ڈھیر چرتائیں اپنا سکول
 داکم کر دے رہندے، تے کدی وی اج داکم کل اُتے نہ چھڈ دے۔ اوہ ہر روز
 اپنا سارا کم مکا کے سوئندے سن۔

اک وار کوئی ادھی رات ویلے آپ دے چاچے دی دھی بھین دی اکھ کھل گئی۔
 اوہ آپ نوں اپنی ڈونگھی رات ویلے پڑھیاں ویکھ کے حیران رہ گئی تے آکھن لگی ”محمد علی
 تُوں حالی تیک جاگدا پیا ایں۔ اینج محنت کرن تے جگراتے نال تُوں اپنی صحت خراب
 کر لوں گا“

آپ نے جواب دتا: ”جے میں اپنی محنت نہیں کراں گاتے وڈا آدمی کیوں بناں
 گا“ حتی گل دی ایہہ ہے پٹی آپ اپنی دن رات دی محنت پاروں ای دُنیا دے
 وڈے آدمی بنے۔

بال پنے وچ آپ نوں کرکٹ کھیڈن دا بڑا شوق سی۔ کرکٹ بارے آپ دا اک واقعہ
 ایس طرح بیان کیتا جاندا اے پٹی اک دن آپ دا بیلی ناہنجی جعفر اپنے دوجے سنگیاں نال
 بنٹے (گولیاں) کھیڈ رہیا سی۔ آپ نے اوس نوں ایس گندی کھیڈ نوں موڑیا اُتے آکھیا،
 ایہہ کھیڈ چنگی نہیں۔ ویکھ تیرے سارے بیڑے خراب ہو گئے نہیں تے دونوں ہتھ
 وی دھوڑ نال بھر گئے نہیں۔ ایہہ کھیڈ چھڈ کے میرے نال کرکٹ کھیڈیا کر۔ ناہنجی جعفر
 تے اوہدے دوجے سنگیاں نوں ایہہ گل بوہت چنگی لگی تے اوس دیہاڑے نوں اوہناں
 نے رل کے کھلے میدان وچ کرکٹ کھیڈنی شروع کر دتی اُتے ایہہ کھیڈ اوس ویلے تیک جاری
 رہی جد تیک آپ ولایت نہ ٹر گئے۔

پونجا جناح نے اپنے اک دوست دے مشورے نال محمد علی جناح نوں قانون دی اعلیٰ
 تعلیم حاصل کرن لئی ولایت گھل دتا۔ محمد علی جناح نے اوتھے ”لنکن ان“ وچ داخلہ لیا
 تے بڑی محنت اُتے لگن نال وکالت دی تعلیم حاصل کیتی۔ پھیر 1896ء وچ بیرسٹری دا
 امتحان پاس کر کے کراچی پرتے۔ اوس ویلے آپ دی عمر 21 ورھے سی۔
 واپسی اُتے آپ دے گھر دے حالات کافی بدل چکے سن۔ آپ دے مہربان تے پیاری

ہاں جی چلانا کر گئے سن تے پیو دا کاروبار گھاپٹے پاروں ٹھپ ہو چکیا سی، پر آپ وی جمانڈرو مجاہد سن۔ ایس لئی ہمت نہ ہاری۔ کیوں جے آپ دی جاتی دی کتاب وچ نامکن تے مایوسی دے الفاظ نہیں سن۔ ایس لئی آپ مشکلاں دے پہاڑ سامنے ڈٹ کے کھلو گئے تے بمبئی جا کے وکالت شروع کر دتی۔

تناں ورھیاں گمروں حکومت نے آپ دی قابلیت ویکھ کے مجسٹریٹ بنا دتا۔ آپ چھ مہینے ٹیک عارضی مجسٹریٹ رہے۔ پھر حکومت نے آپ نوں پنڈراں سو روپے مہینے دی پکٹی نوکری پیش کیتی پر آپ نے ایہ آکھ کے نوکری قبول نہ کیتی پئی میں پنڈراں سو روپے اک دیہاڑی وچ کما لیا کراں گا۔ ایس گمروں آپ نے پھر وکالت شروع کر دتی تے اُچی پدھر دے وکیل مشہور ہو گئے۔

کامیاب وکالت پاروں دناں وچ ای آپ دی مالی حالت چنگی ہو گئی۔ پھر آپ نے سیاست وچ حصہ لینا شروع کر دتا تے انڈین نیشنل کانگریس دے رکن بن گئے۔ کانگریس وچ رہ کے آپ نے جد ہندواں دے کارے ویکھے تے آپ نوں یقین ہو گیا پئی کانگریس صرف ہندواں دی بھلیائی چاہندی اے اتے مسلماناں نوں اوڑک نقصان ای بیچاؤندی اے۔ ایس کر کے آپ 1911ء نوں مسلم لیگ وچ شامل ہو گئے۔ اوس سcke ہندوستان دے مسلماناں دی حالت بڑی خراب سی۔ اوہ غلامی نے لاچار دی زندگی گزار رہے سن تے اوہناں نوں پوری مذہبی آزادی وی حاصل نہیں سی۔ آپ نے مسلماناں دی ایس حالت نوں سدھارن دا پکا ارادہ کر لیا تے ایس کم وچ دن رات رُجھ گئے۔ 1930ء وچ علامہ اقبال دی صدارت وچ الہ آباد دے مقام اتے مسلم لیگ دا اکٹھ ہویا، جیہدے وچ علامہ اقبال نے ہندوستان دے مسلماناں لئی اک وکھرے وطن دا خیال ظاہر کیتا۔ ایہ گل رُدریاں رُدریاں اِنج پکٹی ہوئی پئی ایس نوں 2 مارچ 1940ء نوں اقبال پارک لاہور وچ مسلم لیگ دے سالانہ جلسے وچ قرارداد پاکستان دی شکل مل گئی۔ ایس جلسے دی صدارت قائد اعظم نے فرمائی۔ اخیر قائد اعظم دیاں تدبیراں اگوئی اتے مسلماناں دیاں کوششاں نال 14 اگست 1947ء نوں مسلماناں دا اک وکھرا وطن پاکستان بن گیا۔ قائد اعظم ایہدے پہلے گورنر جنرل مقرر ہوئے۔

پاکستان اک نواں ملک سی۔ ایس نوں پیراں اتے کھڑا کرن اتے آگاہہ ٹورن لئی

بڑی محنت دی لوڑ سی۔ ایسے کر کے قلندرِ عظم ہوراں دن رات سخت محنت کیتی جیہدے مارے آپ دی صحت جیہڑی پہلوں دی بوہت چنگی نہیں سی ہووے وی خراب ہو گئی۔ ڈاکٹراں نے آپ نوں مکمل آدم کرن دا مشورہ دتا۔ آپ بلوچستان دے اک صحت افزا مقام ”زیارت“ چلے گئے۔ بیماری دی حالت وچ وی آپ اپنی قوم اتے پاکستان دی خاطر کم کر دے رہے۔ جیہدے پاروں صحت ڈاؤنسی ای خراب ہو گئی۔ اخیر 11 ستمبر 1948ء نوں 71 ورھے 8 مہینے تے 16 دن دی عمر پا کے انتقال فرمایا۔

شروع وچ آپ نے جیہڑی دینی تعلیم حاصل کیتی سی اوہرا فائدہ ایہہ ہویا پئی آپ دے دل تے دماغ اتے اپنے سچے تے مکمل دین دے گوڑھے نقش قائم ہو گئے۔ ایسے پاروں آپ دے دل وچ ایمانداری، کم دی سچی لگن، پاکبازی تے صفائی آخری دم تک قائم رہی۔ اوکھے توں اوکھے حالات وچ وی آپ کدی مایوس نہیں ہوئے۔ سدا اُدم تے ہمت نال ہر طرح دیاں اوکڑاں اتے قابو پاندے رہے۔ آپ نے اک واری لاہور وچ تقریر کر دے ہوئیاں طالب علماں نوں فرمایا: ”میں پاکستان دے ہر وینک، خاص طور تے اپنے جواناں نوں اکھدا ہاں پئی اوہ خدمت ہمت تے برداشت دے جذبے دا مظاہرہ کرن۔ ایس طرح دیاں شرفیاء تے اُچیاں مثالیں قائم کرن پئی آؤن والیاں نسلوں اوہناں دے پیراں لے پیر دھرن۔ اک ہور تھیں تے اوہناں نے طالب علماں نوں رنج نصیحت کیتی: ”محنت نال تعلیم حاصل کرو۔ اپنا اخلاق اُچا رکھو، اتے موت کولوں نہ ڈرو۔ کیوں جے ساڈا دین اسلام سانوں ایہو تعلیم دینا اے۔“

مشکل لفظاں دے معنے :

نجات : چھٹکارا - عظیم : بہت بڑا - چوکھے : بہت زیادہ - جگراتے : راتوں کو جاگنا - موڑنا : منع کرنا - پرتنا : واپس آنا - پدھر : سطح - رُجھنا : مصروف ہونا - اکٹھ : مجمع، جلسے - چلانا کر جانا : انتقال کر جانا، جماندرو، پیدائشی

مشقی سوال

- 1 - قائد اعظمؒ دے کیہ معنی ہیں ؟
- 2 - قائد اعظمؒ محمد علی جناحؒ کدوں تے کتھے پیدا ہوئے ؟
- 3 - قائد اعظمؒ نے سب توں پہلاں بمبئی دے کس مدرسے وچ داخلہ لیا ؟
- 4 - پاکستان دی قرارداد کدوں تے کس مٹھاں تے منظور کیتی گئی ؟
- 5 - قائد اعظمؒ نے طالب علمان نوں کیہ نصیحت فرمائی سی ؟
- 6 - بیٹھاں وٹے ہوئے لفظاں نوں اپنے فقریاں وچ ورتو :
اُدم - سہ - جگراتا - اوکڑاں - واسی - کھیڈ - وینیک -
- 7 - بیٹھاں وٹے ہوئے فقریاں وچ خالی تھانواں نوں بھرو :
(i) سارا کم کے سوڈے سن -
- (ii) 1940ء وچ مسلم لیگ دا اقبال پارک لاہور وچ ہویا -
- (iii) آپ مشکلاں دے پہاڑ سامنے کھلو گئے -

میلہ شالامار

تازہ کر دے یاد پُرانی رُل مل جانے مانی مانی
ہر تھال بیٹھے لاکے ڈھانی باغ دے اندر دُنیا دار
لوکی جانے شالامار

اکھاں دیکھیاں نظارے مینہ برساؤندے نیں فوارے
باراں وریاں روپ نکھارے جاندیاں تائیں لین کھلہار
لوکی جانے شالامار

تھال تھال بوٹے پھلاں والے مجھوم مجھوم کے ہسن والے
قدرت رگے رنگ زرا لے اووے، نیلے تے گلنار
لوکی جانے شالامار

رنگ آمیزی گدی پیاری پھل بسنتی، زرو، اناری
شتری، صندلی تے نسواری ہر تھال ڈولھے رنگ بہار
لوکی جانے شالامار

ہر بوٹے نوں چڑھی جوانی ہر ہر شاخ دے مستانی
راج کماوے رات دی رانی خوشبو کردی پھرے نثار
لوکی جانے شالامار

بچے رُکدے دیکھ کھڈاؤنے پل وچ ایہناں توڑ گواؤنے
بجھن جیڑے مڑ نہیں آؤنے آخر فانی اے سنسار
لوکی جانے شالامار

ایہنوں کن بہار دا میلہ یار بنا کیہ یار دا میلہ
لگے مکھ ہزار دا میلہ دل نہیں پھڑ دا چین قرار
لوکی جانے شالامار

مشکل لفظاں دے معنے :

ہانی : ہم جلی، ہم عمر - رنگ آمیزی : رنگ ملانا، رنگین کرنا - سنسار : دُنیا -
فانی : فنا ہونے والا -

مشقی سوال

- 1 - شالامار دا میلہ کہتے تے کس بہارے دی تقلید کرن ؟
- 2 - نظم دے چوتھے تے پنجویں بند دا مطلب دسو -
- 3 - ہیٹھاں لکھے ہوئے مصرعے نظم دے کیہڑے کیہڑے بند وچ آنے نیں ؟ ایہناں مصرعیاں دا تعلق بند دے دوجے مصرعیاں ناں دسو -
(i) خوشبو کر دی پھرے نثار (ii) آخر فانی اے سنسار
(iii) دل نہیں پھڑوا چین قرار (iv) جائزیاں تائیں لین کھلہار
- 4 - نظم دے دوجے تیجے بند وچ رنگاں دے ناں لئے گئے نیں - ایہناں رنگاں دے مطابق کجھ پچھلاں دے نال دی لکھو -
- 5 - خالی تھاواں نوں پُر کرو :
(i) بھیجی جیہڑے مڑ نہیں (ii) ہر بوٹے نوں جوانی
(iii) باراں دریاں نکھارے (iv) تازہ کردے پرانی
- 6 - ہیٹھاں لکھے ہوئے لفظاں نوں اپنے فقریاں وچ ورتو :
کھلہار - نثار - روپ - اناری - نظارے - نرالے - تائیں - قدرت -

ڈیرہ بابے رامھدا

بابا رامھدا : : پُرانے خیالاں دا اک بُدھا چودھری ۔
 ماسٹر اللہ دتا : : محکمہ تعلیم وچ نواں بھرتی ہو کے آیا اک سکول ماسٹر ۔
 بابو فضل کریم : : پنڈ دے لوہاراں دا مُنڈا جیہڑا میٹرک مگروں ٹیکنیکل
 ڈپلوما پاس کر کے مشینری بنان دے کارخانے وچ چھوٹا
 انجینیئر لگا ہویا اے ۔

شیرا : : بابے رامھدا بھڑیا، کارخانے وچ قلی بھرتی ہویا سی
 پھیر ترقی کر کے فٹر ہو گیا اے ۔

بابا رامھدا اپنے ڈیرے تے دھو والے پلنگھ اُتے تکیے نال دھاسنا
 لائی بیٹھا اے ۔ ڈیرے وچ تن چار پٹرھے تے دو تن منجیاں
 پٹیاں ہوئیاں نیں ۔ میلی پرانی دری اُتے چار پنج پرالی دے
 اُنے موڑھے پئے نیں ۔ کچھ کُریاں منجیاں تے موڑھیاں اُتے
 درجے سیلتی چودھری بیٹھے نیں ۔ کچھ بندے دری تے بیٹھے
 نیں ۔ ایدھر اودھر دیاں گلاں ہو رہیاں نیں کہ اپنے چر وچ ماسٹر
 اللہ دتا ہوری آجاندا اے ۔

ماسٹر : : السلامُ علیکم
 بابا : : وعلیکم سلام ۔ سنا بھائی جوانا : کون جوان ہونا ایں ؟ تے ایتھے کیوں آیا

ایں ؟
 ماسٹر : : بابا جی میں تہاڈی ”کون جوان“ والی گل نہیں سمجھ سکيا ۔

بابا : : میرا مطلب اے پئی توں ذات دا کون ساڈنا ایں ؟

ماسٹر : : جی میں بندہ ذات ہاں ۔

(ڈیرے وچ بیٹھے کچھ بندے کھڑکھی مار دے نیں تے کچھ سوچیں
پے جائدے نیں)

بُھنجے بیٹھا اک بندہ : (دوہرے نوں آرک مار کے) لے بھائی ہُن بھئی گا ٹھٹھ - ایختے تے
بابے راتھ دے کوئی دی وارے نہیں آسکا -

بابا : بھلیا لوکا ! میرے نال مسخریاں نہ کر - بھلا بندہ دی کوئی ذات اے - ذاتاں
تے اچھیاں نہیں ، چندھڑ ، گجر ، جٹ ، دوگر ، راجپوت ، پیچھے ، چھٹے ، کھلے ،
یا کئی ذاتاں موچی ، نائی ، تیلی ، کھیار ، لہار ، ترکھان -

کُرسی تے بیٹھا اک چودھری : باباجی ! سُنبیا اے بندے اُن تے ماں پیو دی ذات دا اثر ہوندا
اے - ایہہ گل بھلا ایس بھائیے کولوں پچھو کھاں -

ماسٹر : میں ریکہ دتساں ، میں تے آپ بھیل بھوسے وچ پیا ہوئیاں - تہاڑے حساب
نال خبرے میری ریکہ ذات بنے گی - پیو میرا کتے بل دی واہی چھڈ کے وچ
وچ بھرتی ہو گیا سی - اَجکل پنشن پا کے شاعری کرن لگ پیا اے تے
ماں دی دن وچ کئی ذاتاں بدل دی سی - کپڑے دھوین وانگوں دھونڈی سی
تے روٹی ماچھن وانگوں لاندی سی - اپنے پچیاں دا گند مند تے ڈنگراں دا گوا کُڑا
پوڑھیاں وانگوں سڈی سی -

بابا : اِنج تے سارے گھراں دیاں سوانیاں کر دیاں نیں تُوں دچوں اپنی ذات والی گھنڈی
کھولیں تے گل نکتے -

ماسٹر : باباجی ! میری سمجھ وچ ایہہ نہیں آؤندا جے کوئی سوانی اپنے بڑ دیاں روٹیاں
لائے تے اوہ چودھرائی تے جے تندور وچ بٹھیاں لا کے پینڈ دیاں روٹیاں لائے
تے اوہ کمبانی -

بابا : رب نے پنجے انگلاں برابر نہیں کیتیاں - ایس دُنیا داکم چلاؤن لئی راجے
رانیاں دی اوہنے بنائے تے گو لے گولیاں دی -

ماسٹر : رب نے سب نوں برابر ہی پیدا کیتا اے - اللہ دے گھرا دھو وڈا اے
جیہڑا اوہدے نوں ڈرے تے اوہدی تابع فرمانی کرے - جمہوری زمانے وچ
بادشاہیاں تے راج گدیاں مک گتیاں نیں - جیویں مشین دا ہر پُرزہ اپنی

تھاں تے ضروری اے دیہی دے سارے انگ اپنی اپنی تھاں تے ضروری نہیں۔
 کسے دی انگ باجھوں انسان ادھورا اے۔ ایسے طرح ساڈے وسیب وچ
 کسے دی پیشے باجھوں لوکاں دا گزارہ نہیں چل سکدا۔ ساڈے رسول کریم
 صلی اللہ علیہ وآلہ وسلم نے ہر کم اپنے ہتھیں رکیتا تے آکھیا پئی کبھی رب
 دا بیل اے۔

بابا : شادا بھٹی جنیا ! صد رحمت اے تیرے تے۔ چنگا سہاگا پھیریا ای ذاتاں تے۔
 ماسٹر : بابا جی ! ذات تے اکو اے رب دی۔ باقی سبھ کوڑ پسارا اے۔

ساڈیاں ذاتاں پاتاں تے اودوں ای مک گئیاں سن جدوں آساں کلمہ پڑھ
 لیا سی۔ پر میں تہاڈی گل سمجھ گیاں۔ تہاڈے کول ذات بنان دے دو
 ٹھپے نہیں۔ اک نسل رت تے دوجا کم کاج۔ نسلوں میں آدم ذات آں،
 مینوں آدمی آکھ لیا کروتے کتوں میں ذات دا سکول ماسٹر آں، تہاڈے
 پچھلے ماسٹر ہوراں دے ریٹائر ہون تے تہاڈی خدمت لئی سرکار نے مینوں
 گھلایا اے۔

بابا : ماسٹر جی ! آؤندیاں ای سدھی طرح تعارف کرنا سی ایویں ولا کے کن نوں ہتھ
 لان دا کیہ فائدہ ؟ (نوکرنوں آواز دے کے)
 اوئے دینیا ! لیا کوئی لسی پانی تے گھروں سکول دی کبھی وی لئی آویں !
 (ماسٹر جی دل دیکھ کے)

ماسٹر جی کرسی تے بیٹھو۔

شیرا : بابا جی ! ماسٹر تے بڑا سُرتی والا جوان اے۔ ایہدیاں گلاں نے میرے کن
 کھول دتے نہیں۔

بابا : آہو پتر ! تیں اَجکل دا پوچھ او تے کنناں دے بڑے کچے او۔ جس لائی
 گئیں او سے نال اُٹھ جلی۔ چہڑا اخبار پڑھیا او سے دے مُرید ہو گئے۔
 اللہ تعالیٰ نے آپ اڈو اڈیاں جنساں بنائیاں نہیں۔ ہر جنس دے اپنے
 گن نہیں۔ ایسے طرح بندیاں دیاں وی جنساں، ذاتاں نہیں۔ بابے وارث شاہ
 دی ہیر وچ ایویں تے نہیں لکھیا ہویا :

جناں اپنو اپنے جوہر دس

جدوں اُکھلی گھٹ چھڑبندیاں نیں

ماسٹر : بابا جی ! اللہ تعالیٰ نے جناں صرف دھاناں ، گھاہ ، بُٹ تے چڑھیں بخاور
دیاں بنائیاں نیں تے ہر اک وچ کچھ گن نیں ۔ جیہڑے جماندرو ای اوہنوں
بخش دتے گئے نیں ۔

شیرا : ماسٹر جی کچھ ساڈے پتے دی پاؤ ، کیہڑے نیں اوہ جماندرو گن ؟

ماسٹر : سونے دی زمی ، لوہے دی سختی منی ہوئی اے ۔ اک نوں اُمب نہیں

لگ سکدا ۔ ہم دی مبولی تے بیر وچ فرق قائم رہوے گا ۔ بطخ دا بچہ
جماندرو ای ترے گا ۔ شیر گھاہ نہیں کھائے گا تے بکری گوشت نہیں کھا
سکدی ۔ پر بندہ ۔ ایہدے گن تئیں گن متھ نہیں سکدے ۔ ایہہ فرشتہ وی ہو
سکدا اے تے شیطان وی ۔ شیر دانگوں بہادر وی ہو سکدا اے تے چوہے دے
ٹین کھڑکان نال ڈرو وی سکدا اے ۔ حادثے وچ پھڑتے بیہوش بندے دے
بوچھے پھول سکدا اے ، گھڑی لاہ سکدا اے ، تے اپنے پلیوں اوہدا دوا دارو
وی کر سکدا اے ۔ بندے ذات دا کوئی حد بنا نہیں ۔

بابا : ماسٹر جی ! تئیں بیٹھک اندر جا کے ناشتہ کر لوؤ تے دینے کولوں گنجی لے لوؤ
تے جا کے بالان نوں سانجھو ۔ اسیں تے بڈھے طوطے آں ۔ سانوں کیہ
پڑھان بہہ گئے او ۔

شیرا : چاچا جی ! ماسٹر ہوراں دیاں گلاں سٹ نہ پاؤ ۔ ہُن زمانہ بدل گیا اے تے
علم نے چائن کھلار دتا اے ۔ اوہ ویلے لد گئے جدوں زمیندار اپنے مددگار
کاریگراں نوں کئی کمین آکھیا کر دے سن ۔

بابا : شیریا ! ایج جاپدا اے جیویں نوں وی کسے ماسٹر ورگے بندے دی بہنی
بہہ گیا ایں ۔ پیسیں تے نوں وی راتھ دا پتر ۔ پر

شیرا : چاچا جی اللہ بخشنے ایتے ہوویں اپنی راتھا چاری اپنی حیاتی وچ ای پلے لا
گئے سن ۔ دھیاں دے دیاہ کیتے تے زمیناں وینج کے گھڑی دی گھڑی
بتے بتے کردا لئی ۔ نکے دے حقیقے تے قصوروں جا کے مجرا لیاؤندے سن ۔

نہک نموج تے جھوٹی دڈوں لی اوہناں ہر فضول خرچی کیتی تے اولاد نوں
دھکیاں لی چھڈ گئے ۔

بابا : پُتر ! گھراں دے پردے پرے اندر نہیں پھرو لیدے ۔ جٹ بھانویں
بھکھا دی ہووے تھچاں نوں تاہ وٹی رکھدا اے ۔ سپ بے شک پالے دا
بھنڈیا ہووے اپنی شوکر نہیں گواؤندا ۔

شیرا : چاچا جی ! مونہہ آئی گل نہ رہندی اے ۔ سیتی بچھوتے میں ہُن کئی ہوگیاں
تے بابو فضل کریم ہوویں چودھری ہو گئے نیں ۔

بابا : پُتر ایہ کیہ لوڑھا ماریا ای ۔ کتے بھنگ پی کیا ایں یا بوٹی انگھ بیٹھا
ایں ۔ اللہ خیر کرے تیرا دماغ تے لگانے اے ۔

شیرا : چاچا جی ! میں سوادھان بیٹھا آں ۔ ہوش حواس قائم نیں ۔ تے پھیر آکھ رہیاں
واں پئی میں کئی ہوگیاں واں ۔

بابا : پُتر ! جھارتاں نہ پا ۔ اکتو وار کڈھ دے جیہڑا سپ کڈھنا ای ۔

شیرا : میں کارخانے قلی بھرتی ہو گیا ساں ۔ میرے کدماں نوں بابو فضل کریم ہوویں
اوتھے لگے ہوئے سن ۔ اوہناں میری سفارش کیتی پئی سترانا جوان اے ۔
چنگے گھرانے دا بھلا مانس اے ۔ میں ایہدی ایمانداری دی ضمانت دیناں ۔
انج میں اوتھے سٹور قلی بھرتی ہو گیا ۔ تے اچکل فڑماں ۔

بابا : پُتر پھیر کیہ ہویا ۔ اخیر اوہ ساڈے لوہاراں دا چھوہر سی ۔ اوس ساڈے گھر
دا نوں کھا دا ہویا سی ۔ کیہ ہویا جے حلال کر چھڈیو سوتے ۔

شیرا : چاچا جی ! کُرسی تے بیٹھے لوہاراں دے اوس چھوہر نوں ساڈے کئی چودھری
سلاماں پے کر دے نیں ۔ آگے کچھے پٹے پھر دے نیں ۔ اوہدی چنگی رپورٹ
تے سانوں ترقی ملدی اے تے مندی رپورٹ تے نوکریوں جواب ہو سکدا
اے ۔

دکارخانوں والیسی تے بابو فضل کریم موٹر سائیکل

ریڑھدا کولوں دی لنگھدا اے)

بابا : سنا کا کا پھجیا ! تیرا کیہ حال اے ۔ بگھریا ! کدے ملیا ای نہیں ۔
(دینے نوں)

لیا وئی دینیا ! کوئی کُرسی کا کے پچھے لئی ۔ سوٹ بوٹ نال وچارے توں کُرسی
بنا بیٹھا نہیں جائدا ۔

بابو فضل کریم : بابا جی ! شکر اے اللہ تعالیٰ دا چنگا وقت لنگھ رہیا اے ۔

بابا : میں سُنیا سی توں شہروں کل کا بلے بنان دا کورس پاس کر کے آیا ایں ۔

بابو فضل کریم : ہاں بابا جی ! گھاہیاں دے پتراں گھاہ اہی کھوترنے ہونڈے نہیں ۔

چودھری تے ایس بنوں رہے ۔ لوہار دا پتر ساں ۔ ذرا ہتھ سدھے کر آیا وال ۔

بابا : کتنے کو پیسے مل جائدے فی مہینے دے ؟

بابو فضل کریم : جی ! ساڈھے سولائ سو روپے ۔ ہُن کوٹھی وہی کارخانے اندر ملن والی اے ۔

پھیر کدے کدے تہانوں سلام کرن آیا کراں گا ۔

بابا : مار اوٹے لئی جائدا جے لوہار بچہ بھولے مالکاں نوں ۔

شیرا : چاچا جی ! تُساں نہ نیتی ، نہ قضا کہیتی ۔ تہانوں کیہ پتا اے مکینکل انجینئر

کیہنوں آکھدے نہیں ۔ بابو ہوراں ادھا مزع خرید کے وچ ٹیوب ویل دا

لیا اے ۔ ماں پو نوں حج کرا دتا اے تے چھوٹے بھرا نوں انجینئرنگ کالج

وچ داخل کرا دتا اے ۔ وڈا بھرا دوہی گھل دتا اے ۔ ایہناں تے اجکل

اللہ تعالیٰ دا خاص فضل اے ۔

بابا : او شاوڑیاں ! میں نے سنجھتا اہی نہیں ۔ میری نگاہ ذرا کمزور اے ۔ توں

اپنے فتح محمد دا پوترا ایں نا ۔ فتح محمد بڑا نیک جی سی ۔ ادھی تے میرے نال

پگ وئی ہوئی سی ۔ توں تے پھیر اپنا اہی پوترا ہویوں نا ! کدے کدے ملدا

رہیا کر یار ! ہاں ، ساڈا جلال خاں وہی ایویں گلیاں کچھدا پھردا اہی ۔ ذرا

اوہنوں وہی کتنے ارٹا چھڈ ۔

مشکل لفظاں دے معنے :

ڈھاسنا : آسرا ، سہارا ۔ کھڑ کھلی : قہقہہ ۔ بٹھبل بھوسے : بھول بھتیاں ۔ گھنڈی : عقدہ ،

گانٹھ ۔ دریہی : جسم ۔ وسیب : معاشرہ ۔ رت : خون ، لہو ۔ پوچ : پود ، نسل ۔ نک نموج :

ہم و نمود ۔ سوادھان : ہوشمند ؛ سترانا : طاقتور ۔ گھائی : گھسیارا ۔

مشقی سوال

- 1 - سکول دی پنجابی پرہیا وٹوں ایہہ ڈراما شیج ریتا جاوے ۔
- 2 - ایس ڈرامے وچوں مکھ سبق اگھڑوے نہیں ۔
- 3 - ایہناں کرداراں بارے اپنے خیال دسو ۔
شیرا ۔ بابا رائٹھ ۔ بابو فضل کریم ۔ ماسٹر اللہ دتا ۔
- 4 - میٹھ دتے لفظاں اتے محاوریاں نوں اپنیاں لفظاں وچ ورتو :
کھڑکھلی مارنا ۔ ٹھٹھ بھنا ۔ سہاگہ پھیرنا ۔ کھوڑ پسارا ہونا ۔ سرتی ۔ بہنی ۔ بوٹی انگھنا ۔
گلیاں کچھنا

اماں۔ جی دے ناں خط

پکی ٹھٹھی - سمن آباد ، لاہور

3 مارچ 1979ء

پیارے اماں جی! اللہ پاک تمہاں تے ابا جی نوں ساڈے سرتے سلامت رکھے۔

السلام علیکم !

چاچے ہوراں تہاڈا پیار بھریا خط مینوں کل وِتا۔ پڑھ کے جی بڑا خوش ہويا۔ تہاڈے خط آؤن وِچ کجھ دیر ہو گئی سی۔ ایس لئی میرے دل وِچ دہم جیہا سی پٹی اماں ہوریں میرے نال ناراض نہ ہو گئے ہوں۔ جے تہاڈے خط نوں دیر ہو جائے تے میں پریشان ہو جاناں واں۔

اماں جی میں ایتھے بڑا خوش آں۔ چاچے چاچی ہوریں اپنے پُتر دھیاں تے میرے وِچ کوئی فرق نہیں سمجھدے۔ میری ہر گُل دا خیال رکھدے نیں، تے میری ہر لوڑ پوری کردے نیں، جتھے جانڈے نیں مینوں نال لے کے جانڈے نیں۔

اماں جی! بھرا سرور دے ویاہ دی گُل پڑھ کے مینوں بڑی خوشی ہوئی اے۔ تِساں دُتیا اے، ویاہ تے دو ہفتیاں بعد ہووے گا پر میں رہ نہیں سکدا۔ میں ایس ویلے تہاڈے توں کجھ دُر اڈا واں۔ گھر وِچ ویاہ دیاں گلاں سُنن لئی دل تڑپھدا اے۔ پڑھائی وِچ جی نہیں گدا۔ دل کردا اے، پر لگ جان تے اڈ کے تہاڈے کول آجاواں۔ پر ابا جان دی اجازت پنا نہیں کیویں آ سکنا واں۔ ادھناں نوں میری پڑھائی لکھائی دی بڑی فکر اے۔ اوہ کہن گے، ویاہ تے دُر اڈا اے۔

ایہنوں ہننے اہی چاء چڑھ گیا اے، پڑھائی وِچ ہرج کرے گا۔ ادھناں دی سوچ دی ٹھیک اے، پر میں کیویں پڑھاں واجیاں دیاں آوازاں کتاں وِچ گونجیاں نیں۔ بھرا دے ہر سہرا بچھا دسا اے۔ اپنی پڑھائی نال مینوں بڑا پیار اے، پر ایس ویلے

پڑمن دل اُکا نہیں آؤندا۔

اماں جی بیس بڑے ادب نال عرض کرناواں کہ ابا جان کولوں مینوں اجازت لے دیو میں
دودن رہ کے پیارے بھرا دے ویاہ دیاں گلاں سُن کے مڑ آواں گاتے پھیر پڑھائی تے
جی لگ جائے گا۔ ویاہ دے ویلے پھیر میں چاچے ہوراں نال آجاواں گا۔ مینوں تہاڈے
خط دی بڑی اڈیک رہوے گی۔

بھراتے بھیناں نوں سلام۔ ابا جان نوں میرے ولوں ادب نال سلام آکھنا۔
تہاڈا فرماں بردار پتر
شاہ محمد

مشکل لفظاں دے معنے :

اڈیک : انتظار - ہرج : نقصان - دُرَاڈا : دُور -

مشقی سوال

- 1۔ ایس خط وچ کیہ کیہ لکھاں کہنیاں گئیاں نہیں ؟ اپنے لفظاں وچ لکھو۔
- 2۔ شاہ محمد اپنی ماں کول چھیتی نال کیوں اپڑنا چاہندا اے ؟
- 3۔ شاہ محمد اپنے چاچے دے گھر رہ کے کیوں خوش اے ؟
- 4۔ بیٹھاں لکھے ہوئے فقریاں دا مطلب لکھو۔
- (i) دل کردا اے پر لگ جان تے اڈ کے تہاڈے کول آجاواں۔
- (ii) اوہ کمں گے ویاہ تے دُرَاڈا اے ایہنوں مہنے ای چا چٹھ گیا اے۔
- (iii) واجیاں دیاں آوازاں کتاں وچ گونجیاں نہیں۔
- 5۔ اپنے کسے دوست نوں خط لکھوتے اوہرے وچ بھرا دے ویاہ دا حال لکھو۔
- 6۔ بیٹھاں لکھے ہوئے فقریاں وچ خالی تھاواں نوں پُر کرو۔
- (i) بھرا دے سر بجا ویدا اے۔
- (ii) میری ہر پوری کر دے نہیں۔
- (iii) تہاڈے خط نوں ہو جائے تے میں پریشان ہو جاناں واں

سائنس

سائنس بندے دی وڈیائی
 کر چھڑیاں اس دُور بلائیں
 اک نہیں ابھدے فیض نہیں لکھاں
 وچھڑیاں تائیں میلیا ایہنے
 پُوریاں کر چھڑیاں سبھ گھاٹاں
 دُسیا اس ہر روگ دا وارو
 پائی جان زمانے اندر
 وادھو کر چھڑیا اُن پانی
 وگڑھی پٹی تقدیر بنائی
 پالٹیاں اس چن تے لاواں
 گئی جھکلا ندی آہلک موٹی
 یکڑے مسکھ نہیں اس درتائے
 سیوا کر دے لاؤندے جی وی
 سائنس دے چوکوٹ پساوے
 جو آکھو سو فحکم بجاندی
 لائیاں ایہنے موجاں بڑیاں
 وچھ گئی ہر شے پیراں تھلے

علمائ ہنراں دی اشنائی
 دُور نا کے وہماں تائیں
 انھیاں نوں چا دتیاں اکھاں
 جگ دا ٹھیلا ٹھیلیا ایہنے
 چیر کے پل وچ لیاں داٹاں
 لگے سن دُکھ ڈاڈھے مارو
 جیون دے کر خانے اندر
 پئی سی دُنیا جھکھی بھانی
 کر کے بندے دی اگوائی
 گاہ چھڑیاں اُن دُٹھیاں تھواں
 رہی نہ رکتے ارادنی کوئی
 وگڑے تیگڑے کم بنائے
 ریڈیو، ٹیپ ریکارڈ، ٹی۔وی
 موٹر، ریل، جہاز، طیارے
 بجلی بھتھیں بدھی باندی
 انجن، کلاں، مشیناں، گھڑیاں
 رے مسافر منزل ولے

ہنراں والی پوڑی چڑھیے
 جینا سیکھیے، سائنس پڑھیے

مشکل لفظاں دے معنے :

مارو : ہلک - واڈھو : فاضل، کثیر - گاہنا : روندنا - لاواں : رتیاں - اڑاؤنی : اڑچن، ممتہ -

مشقی سوال

- 1- سائنس نے انسان دی کیہ کیہ سیدھا کیتی اے ؟
- 2- اینہاں محاوریاں دا مطلب لکھو ؟
 مٹھیا مٹھیلنا - گھاٹاں پوریاں کرنا - واڈھو کر چھڈنا - چن تے لاواں پاؤنیاں - اگواٹی کرنی -
 مسکھ ورتاؤنا - پیراں تھلے دھچنا -
- 3- مٹھیلے لفظاں دے معنے لکھو :
 واٹاں - مارو - اڑاؤنی - چوکوٹ ، بانڈی -

شہیدانِ نوں سلام

اَن ایمان توں جان قربان کرن والے پاکستانیاں نوں جگ جانا اے ۔ پاکستانی جماندرو مجاہد ہوندے نیں ۔ اوہناں نوں دوجے ملک دی شے تے قبضہ جماؤن دا کوئی لوبھ نہیں ۔ پرجدوں کوئی دیری ایہناں دی غیرت نوں للکارے ، پاک دھرتی دے ایہہ نعل کلمہ شہادت دی نام خماری وچ مست ، سرحد اُتے چھاتیاں تان کے اسپت دی کندھ بن جانڈے نیں ۔ ایہہ جہاد دے جذبے دا معجزہ سمجھو پئی پاکستانی قوم ایہیہ موقعے تے سارے سیاسی جھگڑے ، مذہبی پارے بھلا کے لوہے دی لٹھ تے اک جان ہو جانڈی اے ۔ ہر پاکستانی سپاہی بن کے اپنے اپنے محاذ تے ڈٹ جانا اے ۔ درینی عالم جہاد دی فضیلت بیان کر دے نیں ۔ شاعر قومی نغمے بکھدے نیں ۔ گویتے ترانے گاؤندے نیں ۔ اُستاد شاگرداں نوں شہری بچا تے پہلی امداد دی سکھلائی کراؤندے نیں ۔ سرمایہ دار دل کھول کے دفاعی فنڈ دیندے نیں ۔ کارخانے دے کاریگر جنگی لوڑ دیاں چیزاں بناؤندے نہیں تھکدے ۔ نرساں تے ڈاکٹر مریضاں دے ماپے بن جانڈے نیں ۔ خوراک پھل سبزیاں دیچن والے نفع بھل کے قومی سیوا وچ اپنی پوری واہ لاندے نیں ۔ بجلی والے ، کینٹک ، مستری ، فوجیاں دا وگڑیا کاج سنوارن لئی حاضر رہندے نیں ۔ جنگی سامان لدن لاہن لئی رضا کار دن رات موجود نیں ۔ لوک سٹرکاں تے کھان پین دیاں چیزاں لے کے کسے فوجی مجاہد دی اڈیک وچ کھلے نیں ۔ جیٹرا کٹھ وی نہیں دے سکدا اوہ رب دے حضور سجدے ڈگا ایہناں دی فتح لئی دُعا منگ رہیا اے ۔ مطلب ایہہ پئی ساری قوم پچھلے امدادی مورچیاں تے دُئی ہونڈی اے تے اگلے مورچیاں تے قوم دے غازی وطن دی رُج پالڈے نیں ۔

1965ء دی لڑائی وچ جدوں چھب جوڑیاں دے محاذ اں تے دشمن دے پیر اکھڑ گئے تاں اوہنے غلام کیتا پئی اوہن اپنی من پسند دوا محاذ کھولے گا ۔ ایہہ محاذ سن لاہور دے سرحدی علاقے واکہ

تے برکی دے محاذ - دشمن اوہناں محاذوں تے پورا ٹل لاکے وی "غازی نہر" نہ ٹپ سکيا۔
 ساڈے غازیوں اوہا ہر ہلا ٹھٹیا - دشمن دی ایٹھے وی پوری نہ پئی تے اوہنے چونڈے دا
 محاذ ایس لئی چنیا پئی اودھر راہ وچ کوئی بچا دی اوٹ پہاڑ یا نہر نہیں - پر بھجیاں
 نوں واہن اکو چھیا ہوندا اے - ایہہ کون سمجھاؤندا - دشمن نے ایس محاذ تے لڑن دی
 سدھر دی لاہ امی لئی - اوہنے 8 ستمبر 1965 نوں رات دے دس بجے چاروے مہاراجے
 نکھال دے علاقے وچ پاکستان دے نہتے پیڈواں تے 150 ٹینکاں نال ہلا بولیا - مار بھا
 کے پنڈ خالی کرا لے - اودھ میل لمے محاذ تے دشمن دی چوٹوں فرسٹ انڈین آرٹ ڈویژن
 (جیہا نشان "ہاتھی سی) گھیرا گھتی آؤندی سی - اودھ امداد لئی 16 کیولری رجمنٹ "فخر ہند"
 دو پیدل ڈویژن تے بھارا توپ خانہ سی - ایہہ ہلا پاکستان دی شہرگ (جرنیل سٹریک)
 نوں گوجرانوالیوں کٹن لئی کیتا گیا سی - دشمن نے گولے ورہا کے اک ہناوٹی جیہا ڈر پیا
 کیتا تے کاہلی نال اگے ودھیا - ساڈے فوجی جواناں پہلاں اوہناں نوں اگے ودھن دتا -
 جدوں پوزیشن مناسب ہوئی تے گھیرے وچ لے کے جوابی کارروائی شروع کر دتی -
 دشمن اتے دُور مار ٹینک توڑ توپاں دے گولے ورھائے گئے - پاکستانی ہوائی جہازاں نے
 دشمن دے گولے بارود دے ذخیریاں اُتے ہلے کر کے اودھا لک توڑ دتا - طیارہ توڑ توپاں
 نال دشمن دے 17 ہوائی جہاز ڈیگے - دشمن دے ہزاراں سپاہی نقصانے گئے - پاکستانی
 فضا نوں صاف کرن لئی دشمن دیاں چھ سو لاشاں لگانے لائیاں پٹیاں - تن ٹینک چالو حالت
 وچ پاکستانیاں قابو کیتے - ساڈے مجاہد جواناں سر دھڑ دی بازی لائی - ساری دُنیا نے
 موندہ وچ اُنکلاں پالٹیاں پئی پاکستانیاں اپنے نالوں چھ گنی فوج دا موندہ کیوں بھولاں
 دتا اے - اگوں ڈنکا لاکے اچھی بھاجڑ پائی اے کہ ہفڑا دھڑی وچ "ہاتھی" نشان والے
 ٹینک پورس دے ہاتھیاں وانگوں اپنی فوج نوں مدھاڑ دے اپنی سرحد دے جاوڑے -
 ساری جنگ وچ جیہڑے مجاہد شہید ہوئے اوہ سبھ پاکستانی دھڑتی ماں دے جائے
 سن - ماں نوں سارے پتر اکو جیہے پیارے ہونڈے نیں - ہر پتر نوں اکو جیہی قربانی تے
 سیوا کرن دا موقع نہیں مل سکدا - جتھے وی کوئی ڈٹیا ہوندا اے اوہتھوں دے حال مطابق
 پورے خلوص نال اپنی جان دا اندازہ پیش کر جائدا اے - کنیاں دی کیتی بہادری تے
 شہادت دے واقعات دا کہے نوں وی پتا نہیں لگدا، پر اوہ اپنا کم کر کے دواں جہاناں

محنت دی ودیائی

محنت ساڈی آنکھ جیاتی ، محنت ساڈی شان
 محنت نال اے عزت ملدی ، آؤ محنت کرئیے
 جگ نوں اپنے پچھے لائیے ، پیر اگیرے دھریے
 بھرئیے اپنے کوٹھے نالے دیس دی جھولی بھرئیے
 محنت جیون دی اُچھائی ، ہمت ربی دان
 محنت ساڈی آنکھ جیاتی ، محنت ساڈی شان
 محنت کیتیاں باجھ نہ کوئی قائد اعظم بندا
 محنت وچ گٹ ہوئیے تے مُڑل پئیدا اے فن دا
 محنت ہے منواندی ، ویلا اپنے آپ نہیں مندا
 پورے جتن کمایاں بندا اے پورا انسان
 محنت ساڈی آنکھ جیاتی ، محنت ساڈی شان
 محنت لکھول لکھ بناندی ، بن محنت گھر سکھنا
 محنت دا ہر پھل مٹھا اے ، چکھ لئو جینے چکھنا
 محنت باجھ رکتے نہ ڈھوئی یاد سدا ایہہ رکھنا
 جیون دی ہر پرھیا اندر محنت اے پردھان
 محنت ساڈی آنکھ جیاتی ، محنت ساڈی شان

مشقی سوال

1- "محنت دی ودیائی" تے اک مضمون لکھو ۔

2- "مخت کیتیاں باجھ نہ کوئی قائدِ اعظم بندا" دالیکہ مطلب اے؟

3- ایہناں محاوریاں نوں فقریاں وچ ورتو :

پچھے لاؤنا - جھولی بھرنی - گٹ ہونا - جتن کماؤنا - سکھنا ہونا - ڈھوئی ملنی - پردھان ہونا -
 4- کجھ اسم دیکھن وچ واحد نظر آؤندے نیں پر اصل وچ اوہ جمع دے معنی دیندے نیں
 جیویں پرھیا ، ٹولی وغیرہ - ایجیے اسمائ نوں "اسم جمع" آکھدے نیں "اسم جمع"
 دیاں پنج ہور مثالیں دیو ۔

5- آخیر لے بند دی تشریح کرو ۔

جنگِ بدر

جوش تے لڑائی دے زمانے وچ لوکاں دے صرف کن باقی رہ جانڈے نیں۔ عقل اُتے سمجھ جواب دے دیندے نیں۔ اپنی ہوش تمیز نہیں رہندی جے کسے گل نوں سوچیا تے پرکھیا جائے۔ دوجی ہجری دا ذکر اے جد ابوہل نے مکے وچ ایہ افواہ اُدا دی کہ مسلمان شام توں آؤن والے قافلے نوں لٹن آ رہے نیں۔ شام دا قافلہ ادہ سی جس نوں مکے دیاں قریشیاں، عمیر بن الخضر دے قتل اُتے اوس دے قافلے دا مال لٹے جان اُتے شام دے مُلک بھیجا سی، تاں جے ایس وڈے تجارتی قافلے دا سارا منافع مسلماناں نال جنگ لڑن تے خرچ کیتا جاوے۔ پھیر کیہ سی، مکے دے رہن والیاں نے غصے دے دھوئیں وچ اُنھیاں ہو کے کچھ نہ ویکھیا۔ ہتھیار بندھ لٹے۔ جنگ دا سامان درست کیتا۔ رمضان دے مہینے دوجی ہجری نوں اک ہزار دی خوشنوار فوج نال، جہنماں دی سواری لئی ست سو اُوٹھ تن سو گھوڑے سن بنیری وانگوں اُٹھے تے بدر دے مقام اُتے آکھوتے۔

آنحضرت صلی اللہ علیہ وآلہ وسلم نے مکے والیاں دے حملے دی خبر سُن کے 12 رمضان نوں مدینہ نوں نکل کے شہروں اک میل باہر اپنی چھوٹی جیہی جماعت دا اندازہ کیتا۔ آپ نے جہاد دے شوق وچ بیتاب چھوٹی عمر دیاں غازییاں نوں ایس خطرے نال بھرے موقعے توں منع فرمایا۔ اک چھوٹی عمر دے مجاہد عمرو بن ابی وقاص نے جہاد وچ شامل ہون لئی ہٹھ رکیتی۔ جس ویلے اوہنوں واپس پرتن لئی آکھیا گیا تے اوہ رو پیا۔ سالار عرب نے ہنس کے اجازت دے دی۔ اوہ تے ایس دا وڈا بھرا دونوں ایہ عزت حاصل کرن تے بوہت راضی ہوئے۔ آنحضرت تن سو تیراں صحابہ دی فوج لے کے بدر ول ودھے، جتھے قریش پہلوں ای پُجے ہوئے سن۔ بدر مدینے توں اُسی میل دے فاصلے تے اک پینڈ سی

جتنے سچ تے جھوٹ دے وچ مقابلہ سی۔ جنگ دی تدبیر توں واقف قریشیاں نے جنگی تھاں اُتے پہلوں ای قبضہ کر لیا سی۔ جس پاسے مسلمان اُترے سن او تھے پانی دی کمی تے ریت زیادہ سی۔ حباب بن منذر نے آنحضرت صلی اللہ علیہ وآلہ وسلم دے حضور وچ عرض کیتی کہ ایس تھاں دا انتخاب وحی دے مطابق اے یا جنگی تدبیر اے۔ حضور صلی اللہ علیہ وآلہ وسلم نے فرمایا: جنگی تدبیر۔ حباب نے کہیا بہتر ایہہ دے کہ ایس ودھ کے چشے اُتے قبضہ کر لے۔ آنحضرت صلی اللہ علیہ وآلہ وسلم نوں ایہہ رائے پسند آئی تے مسلماناں نے چشے اُتے قبضہ کر لیا تے ایسے گل نال اُمت نوں آزادی نال رائے دین دا سبق دی دتا۔ حباب دی رائے نال اک وڈی مصیبت توں نجات مل گئی۔ ایس دے نال ای خدا نے نیک دل مجاہداں اُتے ہور احسان دی کیتا۔ بدل وںیا تے خوب کھل کے وںیا جس دے نال اک نئے ریت بہہ گئی اتے مسلماناں نے مینہ دے پانی نوں روک کے حوض بنائے تاں جو اوہ پانی نہان دھون دے کم دی آوے۔ دوجے دشمنائ لئی ایہہ بارش زحمت ثابت ہوئی۔ لڑائی دا مقام بیٹرا اوہناں چنیا سی اوہ ریتلا نہیں سی۔ ایس لئی زیادہ بارش نال اوہناں لئی ٹرن پھرن دی وقت ہو گئی۔

عُمر دے پتر حضرت معاذؓ تے معاذؓ دونوں چھوٹی عمر دے سن۔ حضور صلی اللہ علیہ وآلہ وسلم دے خیال موجب چھوٹی عمر دی وجہ ہون نال اوہناں بچیاں دا جنگ وچ شامل ہونا ٹھیک نہیں سی، پر دونوں جنگ وچ جان لئی ضد کر دے سن۔ آخر دونوں نوں اجازت مل گئی۔ جدوں عام حملہ شروع ہو گیا۔ جنگ بوہت تیز ہو گئی اتے دونوں منڈیاں آ کے حضرت عبدالرحمن بن عوفؓ کولوں پچھیا۔ چاچا! حضور صلی اللہ علیہ وآلہ وسلم دا دشمن ابو جہل کیڑا اے۔ حضرت عبدالرحمنؓ نے اشارے نال دتیا۔ ایہہ دونوں لڑکے باز وانگوں جھپٹے۔ تلوار نال اوس تے وار کیتا۔ تے ایس توں پہلوں جے اوہ اپنی سُر ت سنبھالے سٹ کھا کے زمین اُتے ڈگ پیا۔ ابو جہل دے پتر عکرمہ نے پیو نوں زمین اُتے ڈگیاں ویکھ کے پچھوں دل دی معاذؓ تے وار کیتا۔ معاذؓ دی بانہ دڈھی گئی تے صرف اک تسمہ جیہا لکیر رہیا۔ معاذؓ نے پرت کے عکرمہ دا پچھا کیتا۔ اوہ جان بچا کے نسا۔ معاذؓ نے اپنی بانہ نوں پیر پیٹھاں دب کے جھٹکا دتا۔ چمڑا ٹٹ گیا تے اوہ اک بانہ نال سچے رت دی راہ وچ لڑدا رہیا۔

رَبِّ اِمداد نال کئے والیاں نوں شکست ہوئی ۔ اوہناں دے ستر مشہور سردار گرفتار ہوئے تے ستر بہادر مارے گئے ۔ جیہڑے چوداں سردار دارالندوہ وچ حضور صلی اللہ علیہ وآلہ وسلم دے قتل دے مشورے لئی جمع ہوئے سن ، اوہناں وچوں وی باراں مارے گئے ۔ جیہڑے باقی بچے ، اوہناں اسلام قبول کر لیا ۔ مُسلماں وچوں صرف چوداں مسلمان شہید ہوئے ۔

جنگ دیاں قیدیاں نال نیک سلوک صرف اسلام نے ساری دُنیا نوں سکھایاتے ایس دُنیائی داسرا وی رب نے مسلماناں دی قسمت وچ کر دتا ۔ بدر دی لڑائی دے سارے قیدی اک اک دو دو کر کے صحابہ وچ وند دتے گئے ۔ حکم ہويا اوہناں نوں آرام نال رکھو اتے اچھا سلوک کرو ۔ صحابہ نے اپنیاں ایہناں مہماناں نال بوہت اچھا سلوک کیتا ۔ اپنے توں چنگا اوہناں نوں کھوایا ۔

ابو عزیز بن عمر بیان کردے نیں : جس انصاری دے گھر میں قید ساں اوہ صبح تے شام میرے لئی روٹی لیاندے سن ، پر آپ کجوراں تے گزارہ کردے سن ۔ میں ایس سلوک توں شرمندہ ہو کے روٹی واپس کرن دی کوشش کردا پر گھر والے نہ مندے ۔ سہیل ناں دا اک قیدی آیا ۔ زبان دا بُرا تیرتے اگ وانگوں گرم تقریر کردا سی ۔ حضور صلی اللہ علیہ وآلہ وسلم دے ہمیش بر خلاف ای بولدا سی ۔ حضرت عمرؓ نے عقیدت دے جوش وچ آ کے عرض کیتی ”حضور ! ایس دے دو پیٹھے دند کڈھا دیو ، تاں جے ایس دے بولن دی طاقت دا انت ہو جائے “ حضور صلی اللہ علیہ وآلہ وسلم نے جواب دتا ۔ عمرؓ میں جے ایس دے جسم دا کوئی حصہ دگاڑ دیواں تے نبی ہونیاں ہویاں دی رب میرے جسم دا کوئی انگ دگاڑ دے گا ۔

جد جنگ دے قیدیاں دے پڑے نیلے ہو جائدے سن ۔ حضور دھوتے ہوئے پڑے بدلا دیندے سن ۔ گل ریکہ دشمنان نال وی یاراں توں ودھ کے سلوک کیتا ۔ امیر قیدیاں کولوں رقم لے کے چھڈ دتا ، تے عزبیاں نوں حکم دتا کہ اوہ دس پیچیاں نوں لکھنا پڑھنا سکھا دیں تاں جے مسلماناں وچ وی تعلیم ددھے تے قیدیاں نوں وی آزاد دی مل جائے ۔

مشکل لفظاں دے معنے :

خونخوار : لہو پینے والا ، ظالم ۔ پرکھیا جائے :
 ہوش ۔ پرت کے : مڑ کے ، پلٹ کے ۔ وگاڑ : خرابی ۔ انت : اخیر ، انجام ۔
 دقت : مشکل ۔ سرت :

مشقی سوال

- 1۔ بدر دی لڑائی کس گل توں ہوئی اتے ایہدے وچ کون کون آنے سامنے ہوئے ؟
- 2۔ مسلماناں نے ایس لڑائی دا میدان کیویں چنیا تے حضرت جابرؓ دے مشورے اتے عمل کرن نال ادھناں نوں کیہ کیہ فائدے پہنچے ؟
- 3۔ ایس لڑائی وچ کجھ چھوٹی عمر دے بہادر وی شامل ہوئے سن ادہ کون سن تے ادھناں دے بارے تئیں کیہ کجھ جانندے او !
- 4۔ ایس لڑائی وچ دونہاں پاسیاں دا کتنا کون نقصان ہويا ؟
- 5۔ مسلماناں نے ایس لڑائی وچ قیدی بنن والیاں نال کیہ سلوک کیتا ؟ اک دو مثالیں دیو ۔
- 6۔ بیٹھاں لکھے ہوئے بہادراں نے بدر دی لڑائی وچ حصہ لیا سی ۔ ایہناں دے بارے تئیں کجھ ہور وی دستو ۔
 عبدالرحمن بن عوف ۔ عمرو ابی وقاصؓ ۔ جابر بن منذرؓ ۔ موذنؓ معاذؓ
- 7۔ بیٹھاں لکھے ہوئے فقیہاں دا مطلب دستو :
 (۱) جوش تے لڑائی دے زمانے وچ لوکاں دے صرف کُن باقی رہ جانندے نیں ۔
 (۲) ایہہ لڑکے باز وانگوں جھپٹے ۔
 (۳) کتے دے رہن والیاں نے غصے دے دھڑیل وچ آنھیاں ہو کے کجھ نہ دیکھیا ۔
 (۴) دشمنان لئی ایہہ بارش زحمت ثابت ہوئی ۔
 (۵) ایس وڈیائی دا سہرا وی رب نے مسلماناں دی قیمت وچ کر دتا ۔
- 8۔ نکلے دتے ہوئے محاوریاں نوں اپنیاں فقیہاں وچ ورتو :
 جان بچا کے نسا ۔ ہٹھ کرنا ۔ افواہ اڑانی ۔ آگ وانگوں گرم ہونا ۔ زحمت ثابت ہونا ۔ اندازہ کرنا ۔

بھیناں دے ویر

بولیاں

- 1- اوتھے بکراں نوں لگدے موتی جھتوں میرا ویر لنگھدا
- 2- تینوں ویکھ کے بھکھی رنج جاداں سندر سُرُوپ ویرنا !
- 3- تینوں ویکھ کے چن چڑھ جاندا ویر میریا اماں دیا جایا
- 4- گئیں نتیاں ، سندھوری سرِ صافا اوہ میرا ویر کڑیو !
- 5- ویر ندیاں چیر دے آئے پاچے تائے کولوں لنگھ گئے
- 6- تھانیدار دے برابر ڈیہندی کڑسی میرے ویرے دی
- 7- جھتے دجہی بدل وانگوں گجہی ڈانگ میرے ویرے دی
- 8- تیرا سونے دی زنجیر والا کُرتا کیہڑی کھلی ٹنگاں ویرنا !
- 9- میرے ویر نوں مندا نہ بولیں میری بھانویں جند کڈھ لے

مشکل لفظاں دے معنے :

پیکے : پیکے - نتیاں : کانوں کی چھوٹی چھوٹی بالیاں - سندر : خوبصورت

مشقی سوال

- 1 - تُوں جیہڑیاں بولیاں پڑھیاں نیں ایہناں وچ بھیناں وُتوں ویر دی تعریف کیتی گئی اے ۔ بولیاں دے حوالے نال "ویر" تے اک مضمون لکھو ۔
- 2 - پنجابی دے کئی علاقائی لہجے نیں ۔
 (الف) کئی تھائیں "و" "ب" وچ بدل جاندی اے ، جویں : ونگی توں بنگی ، ویرھا توں پیرھا وغیرہ ۔
 (ب) کئیاں تھانواں تے "ب" دمی تھان "و" بولی جاندی اے ۔ جویں : بیرنوں ویر ، باگ نوں داگ وغیرہ
 تئیں "ب" نوں "و" وچ بدلن والے کجھ لفظاں دا نمونہ دیو ۔
- 3 - پھیلے لفظاں دے معنے لکھو :
 پیکے - سُروپ - نتیاں - ڈانگ - مندا -

مُونہ آئی گل

میں آج کوئی نویں گل نہیں کرن لگا۔ ایہ ٹھیک اے کہ نویں گل کرن تے سُنن نوں ہر اک دا جی کروا اے۔ پر ایہ وی ٹھیک اے جو ہر ویلے نویں گل کیتی وی نہیں جا سکدی۔ سگن میں آکھاں گا جو ہر ویلے نویں گل چنگی وی نہیں لگدی۔ کئی وار جی ایہو کروا اے کہ اوہناں گلاں نوں مڑ گھڑ سینیئے چہناں نوں اسی کدی کر چکے ہوئے آں۔ جیٹریاں گلاں اک وار ہو جان تے پھیر اوہناں نوں مڑ مڑا دیا جائے، اوہناں گلاں نوں لوکیں پرانیاں گلاں کن لگ پیندے نہیں۔ پر اک گل ایہ وی اے جدوں کوئی گل پہلوں آکھی جاوے تے اوہنوں نویں گل سمجھ کے سُنیا تے مٹھیا جاوے پھیر اوس گل دا مزا کجھ دکھرا ہی ہوندا اے۔

نویں گل جدوں پُرانی ہو جاوے تے اوہنوں سُن سُن کے کن پک جان، اوس ویلے اوس گل توں اک کے لوکیں اوہنوں آکھنا چھڈ دیندے نہیں تے دوجے سُنن والے اوس توں نس جاندے نہیں۔ کجھ چرمگروں اک وقت اجیہا وی آؤندا اے کہ اوہ ہی گل جس نوں لوکاں نے زبان تے لیاؤنا چھڈ دتا ہووے پھیر ہوٹھاں تے آؤن لگ جاندی اے تے اوس گل نوں کرن والے اوس نوں گھڑی مڑھی دہران لگ پیندے نہیں۔ ایج اوہ ہی گل جیٹری کجھ چرمگروں پُرانی ہو گئی ہوندی اے مڈھوں سڈھوں نویں گل وانگر سوہنی لگدی اے۔

میں ایٹھے نویں تے پُرانی گل دے فلسفے دی بات نہیں کراں گا۔ اول تے ایس دا ایہ ویلا نہیں۔ دوجے ایس مسئلے ونج اینے ونگ چب نہیں جو کوئی پتا نہیں ہے پُرانے ونگ کڈھدے کڈھدے نویں چب ای پئے جان۔ ایس کر کے میں سدھی تے پدھری گل ایہو ای آکھاں گا جو میری گل ہے تے پُرانی تے ایس گل نوں تیں

سُنیا وی بختیری وار ہووے گا ، پر جس طرح میں جُبنے آکھیا سی جو کدی کدی پُرانی گل نوں نویں
گل کر کے سُنن دا وی مزا آجاندا اے او سے طرح میری ایس گل دا وی سواو خبرے نواں
ای لکے ۔

ہو سکدا اے ایس ویلے کسے دل وچ ایہہ گل آگئی ہووے کہ جو میں آکھنا داں
ایہہ کس طرح ٹھیک ہو سکدا اے ۔ بھئی پُرانی گل تے پُرانی ای رہے گی ۔ اوہنوں
اگے پچھے کرن نال نواں کیکر بنایا جا سکدا اے ۔ جتھوں تیکر تے چھڑی گل دی گل اے
ایہہ گل ٹھیک اے ۔ پر نویں تے پُرانی گل دا بٹالین لئی سانوں ایہہ نہیں جھلنا چاہیدا
جو نویں تے پُرانی دے وچ وقت دا اک اجیہا دریا وگدا اے جیہڑا ہمیشہ نویں پُرانی
تے پُرانی نوں نواں کردا رہندا اے ۔ ونگی لئی اج دیاں کڑیاں مُنڈیاں دے جھگیاں
دے فیشن نوں ای ویکیو ! حالی کل دی گل اے کہ کڑیاں ہون یا مُنڈے کھلے دھلتے
کپڑے پاندے سن ۔ اجیہے کھلے کپڑے جو چھوٹا موٹا بال وی اوہناں لیڑیاں وچ لوٹ
لیندے سن ۔ پھیر جو لیڑے سُنکڑے شروع ہوئے تے اینے تنگ تے چھوٹے ہو گئے
جو اوہناں نوں پا کے نیوئا اتے لفنا تے اک پاسے رہ گیا ٹرنا پھرن تے ہور ضروری کم
کاج کرنا وی اوکھا ہو گیا ۔ ہُن ایہہ سارا قصہ نواں فیشن اکھویا ۔ حالانکہ پنجاہ سٹھ ورھے
پہلوں ایس طرح دے لیڑے دی ورتے جانڈے سن ۔ تے ہُن تئیں پھیر تکے ہوؤ
گے جو کڑیاں چڑیاں نے اک واری پھیر کجھ کھلے جھگے پاؤنے شروع کر دتے ہیں
تے سلمے ستارے دا اوہ کم جیہڑا پہنچ رہیہ ورھے پہلوں رُل کے مُک گیا سی ، اک واری
پھیر نویں فیشن دا ناں لے کے جاگ پیا اے ۔

گل کدھر دی کدھر نکل گئی ۔ جس طرح گلاں دا انت نہیں او سے طرح فیشناں دا چکر دی
سدا چلدا ای رہندا اے ۔ اجیہے فیشن جیہڑے اپنے وطن دی آب دہوا دے مطابق نہیں
ہوندے اوہ جلدی بدل جانڈے نہیں ۔ کجھ فیشن اجیہے وی نہیں جیہڑے ناموافق وی ہوندے
نہیں پر اوہ ساڈے نال چمڑے وی رہندے نہیں ۔ سگوں کدی کدھار تے انج جاپدا اے
جو اصل گل تے اوہ فیشن نہیں جیہناں نال اسیں اپنی جند جان گھول کے چمڑی ہوئی اے ۔
ایہناں دا نتیجہ ایہدے باجھوں ہو رہ کجھ نہیں کہ جیہناں گلاں کولوں اسیں چھٹکارا منگدے
ساں اوہناں گلاں دے ای اسیں غلام ہو گئے آں ۔

ایہ ٹھیک اے جو آج ساڈے مُک دے بعض شہراں وچ روپے پیسے دے
 ہڑھ آؤن نال کافی چہل پھل اے۔ وڈیاں وڈیاں عمارتاں تے سوہنے سوہنے بنگلے
 چار چوبیس کھوتے نظر آؤندے نیں۔ سڑکاں تے ون سونیاں موٹراں تے اسماناں
 تے وڈے وڈے جہاز اُڑدے دکھائی دیندے نیں۔ لشکریاں دکاناں تے چمکدے
 ہوٹل ہزاراں بندیاں دیاں لوڑاں تے شوق پورا کر دے نیں۔ ایہ ڈاڈھی چنگی گل اے۔
 پر ایس ڈاڈھی چنگی گل دا اک ہور روپ وی تے ہیگا اے۔ جیہڑا اتوں اتوں لکھ سوہنا
 سہی پر اندرو اندر ای سانوں کھاندا جاندا اے۔ ساڈا ست پنجوڑ دا جاندا اے۔ سانوں
 وچوں وچ اچھا پولا کردا جاندا اے کہ اسیں اخیر تے خالی برے وانگوں کھڑکن جوگے
 ای رہ جاندا آں۔

کندے نیں خالق کولوں خلقت رکھنی ادھی ہوندی اے۔ چلو دنیا داری لئی اسیں ایہ
 گل کجھ چر لئی من لیندے آں۔ آج زمانے وارخ جو ایہو ای اے۔ جیہڑا خالق کولوں
 ودھ کے خلقت کولوں ڈروا اے۔ ڈرتے اللہ تعالیٰ دا ای ہونا چاہیدا اے کیوں
 جے اوہدے ڈر اگے ہور کوئی نہیں ٹھہر سکدا۔ پر زمانے نے کجھ اچھی دیہی پلٹائی
 اے جو آج بہتا ڈر خلقت توں ای لگا اے۔ ایسے کر کے اسیں کئی وار خلقت نوں خوش
 کرن لئی صرف اللہ نوں ای ناخوش نہیں کر دے، سگوں اپنے آپ نوں دیران تے
 اپنی رُوح نوں پریشان کر لینے آں۔ دوجیاں دی دیکھا ویکھی اسیں اوہ کم تے اچھیاں
 کرتوتاں کرنے آں جیہناں دا نہ سانوں ہجج ہوندا اے نہ ای جیہناں دے کرن دی
 ساڈی پسلی ہوندی اے۔

ہُن ایہ کوئی عقل مندی تے نہیں جو کسے چھڑے نوں ویکھ کے جیہڑا شام دی چاء
 کسے اچھے ہوٹل وچ پیندا اے جھتے اوہدے پنج ست روپے کھل جاندا نیں، اک
 بال بچیاں والا آدمی وی اوہدی ریس کردا ہويا اوہی اسی طرح ہوٹل وچ چاء پین
 لئی چلا جاوے۔ سدھی گل تے ایہ دے جو عیالدار نوں اپنے جیا جنت وچ بہہ کے
 ای چاء پانی پین دا مزا آؤنا چاہیدا اے۔ ہوٹل وچ جیا جنت نال جانا آج دے
 مہنگائی دے زمانے وچ سوکھی گل نہیں۔ ایہدے لئی بہتی آمدن دی لوڑ اے تے
 جیکر بہتی آمدن نہ ہووے تے پھیر ایس گل لئی بہتا سوڑا ہونا پیندا اے۔ گل کرن دا

مطلب ایہ اے کہ جتنی چدر ہووے اونیاں ای لتاں کھلاریاں جان تے کئی مشکلاں آسان ہو جائیاں نیں۔ ایسے گل نوں جے دوجی طرح دیکھیا جائے تے رنج کہنا پئے گا جیکر سادہ تے سُتھرا رہیا سیا جائے، اپنی حیثیت دا خیال رکھیا جائے، اپنیاں لوڑاں نوں گھٹا کے پاکستان دے پتے شہریاں وانگوں اپنی حیاتی گزاری جائے، بوہت ساریاں اوکڑاں آپو آپی دور ہو جان گیاں۔ میری ایہہ گل کوئی اجیہا منتر نہیں جس نوں آزمان تے سچیاں ثابت کرن لئی وگدے دریا وچ اک ٹنگ تے کھلوکے چالیہہ راتاں دا چلہ کٹنا ضروری اے۔ بھئی ایہہ گل تے اپنی ای سوکھی اے جتنا سوکھا ساہ لینا اے۔

ایہہ کہن دی لوڑ نہیں جو سادہ تے سُتھرا رہن لئی بوہتا خرچ نہیں کرنا پیندا۔ سادہ رہنا تے آپ ای بوہتے خرچے نوں گھٹ کر دا اے۔ تے ایہہ بُہتا خرچا ای اے جیہنوں پورا کرن لئی سو طرح دا سچ جھوٹھ آکھنا تے سُنا پیندا اے۔ آج ایہہ سچ جھوٹھ کجھ اجیہا وودھا تے پھلدا جاندا اے کہ ایہدیاں جڑاں چار چوپھیرے اندر باہر سارے معاشرے نوں اپنی لویٹ وچ لیندیاں جائیاں نیں۔ ہو سکدا اے جو ایہہ شے اک پل لئی ساڈیاں نظراں وچ ساڈی دُنیا سنوار دی ہووے۔ پر ایس گل توں انکار اوکھا اے کہ ایس سچ جھوٹھ نے ساڈی عاقبت خراب کرن تے لک بنھیا ہويا اے۔ ایسے دی خاطر ایس اپنا اگّا پچھا خراب کرن تے ڈٹے ہوئے آں۔ گل وچوں اپنی اے جو ایس دوجیاں دی دیکھا دیکھی اپنی ساری زندگی نوں پچھڈ کے خواہ مخواہ دے کھوبیاں وچ پھسدے جانے آں۔ بھلا ایہہ کاہدی وڈیائی اے کہ دوجے دی موٹر دیکھ کے اپنیاں لتاں بھنا لیے۔ بھئی اوہدی موٹر وی وگن دیو تے اپنیاں لتاں دی سلامت رکھو۔ بس اصل گل ایہو ای اے۔

مشکل لفظاں دے معنے :

فلسفہ : علم کی ایک شاخ ، دانائی کا علم ۔ بُرا : ٹھیکرا ، مٹی کا ٹوٹا ہوا برتن ۔ سٹا : نتیجہ ۔ ونگی : مثال ۔ لفنا : جھکنا ۔ پولا : کھوکھلا ۔ خالق : خدا تعالیٰ ۔ خلقت : عام لوگ ۔ چھٹکارا : رہائی ۔ پسلی : حیثیت ۔ جیا جنت : اہل دعیال ۔ دیہی پلٹائی : روپ بدلا ۔ عاقبت : اگلا جہان ۔

مشقی سوال

- 1 - "نویں گل" پرانی گل کس طرح ہو جاندی اے ؟
- 2 - "نواں فیشن" کس طرح "پرانا فیشن" تے "پرانا فیشن" ٹر کس طرح "نواں فیشن" اکھوان لگ پیندا اے ؟
- 3 - سادہ زندگی گزارن بارے کجھ گلاں دسو۔
- 4 - بندہ اپنیاں بوہت ساریاں مشکلاں کیویں دور کر سکدا اے ؟ کھول کے گل بات کرو۔
- 5 - اک عام بندہ اپنی اخیر کیویں سنوار سکدا اے ؟
- 6 - بیٹھاں کجھ ہوئے فقریاں وچ خالی تھانواں نوں پُر کرو :
 (i) خالق کولوں خلقت رکھنی ہوندی اے ۔
 (ii) جتنی پتھر ہووے اونیاں ای کھلاریاں چاہیدیاں نیں ۔
 (iii) سانوں وچ پورا کروا جاندا اے ۔
 (iv) گل کدھر دی نکل گئی ۔
 (v) سادہ رہنا آپے ای خرچے نوں گھٹ کردا اے ۔
 (vi) اپنیاں لوڑاں نوں کے پاکستان دے شہریاں وانگوں اپنی
 (vii) حیاتی گزار سی جائے ۔
- 7 - اپنے فقریاں وچ ورتو :
 (i) دیسی پٹائی - مک بھنیا - وگن دیو - گن پک گئے - لوہٹ وچ لیندیاں نیں - چلہ کٹا ۔
 (ii) کھوہیا - وڈیائی - چب - روپ - لغنا - جیا جنت ۔

سائنسی کہانیاں

آلے دوالے ہوں بیتن والیاں گلاں اُتے سوچ وچار کرنا اُتے قدرت دے کسے قانون نوں معلوم کر لینا ای سائنس اے۔ ایہناں قانوناں دے علم توں انسان نے بڑا فائدہ پایا اے۔ آج دیاں مشیناں اُتے نظر پاؤتے جن تائیں بچن دا کارنامہ دیکھو ایہ ایہناں قانوناں نوں جانن تے ورتن دا ای پھل اے۔ سائنس دے کئی قانوناں بارے رائج معلوم ہوندا اے پئی سائنس دان بھدا بھالدا کجھ ہور سی نے مل کجھ ہو گیا۔

ایہو جیسے موقعیاں تے کجھ سائنسی کہانیاں بن جائیاں نیں۔ لئو سنو! اک واری یونان دے بادشاہ نے کسے سنیارے کولوں سونے دا تاج بنوایا۔ بادشاہ نوں کسے شک پا دنا پئی تاج وچ تے سنیارے نے کھوٹ رلا دنا اے۔ اوس زمانے وچ یونان انداک بڑا سیانا تے سائنس دان ارشمیدس رہندا سی۔ بادشاہ نے اوس سیانے نوں سنبھاپئی اوہ اپنی حکمت نال گوڑ لا کے دے پئی اوس تاج وچ سونا کتا اے تے کھوٹ کئی رلائی گئی اے۔ ارشمیدس نوں ایس اڑاؤنی وچوں نکلتا نہیں سی آؤندا۔ ایہ اوہدے لئی اک اچرچ گورکھ دھندا سی، پر بندہ بڑا حکمتی سی۔ اوہنے ایس بارے سوچنا شروع کر دتا۔ بادشاہ وٹوں ایس مسئلے دے حل کرن لئی میعاد مقرر سی۔ جیویں جیویں دن لنگھدے جانڈے سن بادشاہ سینے تے سنبھالوڑی آؤندا سی، پر ارشمیدس نوں کوئی سرا ہتھ آؤندا تے اوہ کجھ جواب دیندا۔ اتفاق نال اک دن ارشمیدس نہاؤن والے ٹب وچ بہہ کے نہاؤن لگا۔ ٹب جیہڑا نکونک بھریا ہویا سی اپنے کندھیاں توں اُچھل گیا تے چوکھا سارا پانی باہر رُٹھ گیا۔ بس اوہنے ای ارشمیدس نوں گل سمجھ آ گئی۔ پیچوں گنڈھ گھل گئی۔ اوہ ”بھہ لیا“ ”بھہ لیا“ وا رولا پاؤندا شہر دیاں گلیاں وچ دوڑ پیا۔ تئیں پچھو گے پئی اپنی کو گل وچوں ارشمیدس نوں کیہ سنجیا تے کیہ لبھیا۔ اوہ ایہ سائنسی اصول سی کہ جے اکو جنیاں

بھاریاں پر دکھری جنس دیا بنیاں چیزاں پانی وچ ڈوبیاں جان تے اوہناں دے اُچھالے
نال رڑھن والے پانی دا بھار اکو چٹا نہیں ہوندا - ارشمیدس نے ایس گل دا نتارا کرن لئی اک
اجیہا بھانڈا بنایا جیہدا ناں اسی اوس "لبھ لین والا بھانڈا" دھریا - جے ایس بھانڈے وچ پانی
بھریا جائے تے اوہ پانی اک خاص پدھرتوں اُتے نہیں جا سکدا - کیوں جو اوہدے وچ اک
نالی لگی ہوندی اے جیہدے راپیں وادھو پانی رڑھ جاندا اے - پانی نال بھرے ایس بھانڈے
وچ جیہڑی شے ڈوبی جاوے اوس شے دے حجم چٹا پانی اوہدے توں رڑھ جاندا اے - تے
جے اکو چٹیاں بھاریاں پر دکھری جنس دیاں چیزاں اوہدے وچ وارو واری رکھیاں جان تے
اُنوں رڑھن والے پانی دا بھار اکو چٹا نہیں ہوندا - ارشمیدس نے ایج رڑھن والا پانی تول لیا - تاج
چٹا بھارا سونا لے کے اوہدے نال رڑھن والا پانی تول لیا تے پھیر تاج جی بھاری چاندی لے
کے اوس بھانڈے وچ رکھی تے اُنوں رڑھن والے پانی دا بھار معلوم کر لیا - ایس طرح حکیم
ارشمیدس نے حساب لا لیا پئی تاج وچ سنیا رے نے کھوٹ رلا دتا سی - کجھ تجربیاں مگروں
اوہنے ایہ وی نتارا کر لیا پئی تاج وچ کئے جھٹے کھوٹ سی -

(2)

مائیکل فیراڈے بڑے اہی کنگال گھرانے دا بچہ سی - اوہ تھوڑی پڑھائی کر کے اک جلد ساز
کول کم سکھن بہہ گیا - مائیکل ایس کم دا سیانا ہو گیا - پر اوہنوں کتاباں پڑھن دی بڑی سک
سی - اوہدے کول جلد لئی جیہڑیاں کتاباں آؤندیاں سن - اوہ اوہناں نوں پڑھ لیندا ہوندا سی -
ایسے طرح مائیکل فیراڈے نوں سائنس دا شوق ہو گیا - کجھ ورھیاں پچھوں اوہنوں رائل انسٹی ٹیوٹ
وچ چھوٹی جیہی نوکری مل گئی - ایہ ادارہ سائنس دانوں لئی انگلستان دا سبھ توں وڈا درس
سی - فیراڈے نوں ایس ادارے وچ صرف بوتلاں دھون دا کم مل سکيا سی - پر اوہدی
سوچ تے کھوج سائنس سی - ایس لئی اوہ اپنے کم توں ویہلا ہو کے کسے نہ کسے گھنڈی نوں
کھولن دا چارہ کردار رہندا سی - اوہے زمانے وچ "ارٹھ" کوپن ہیگن یونیورسٹی دا اک پروفیسر
ہویا اے - اک دن اوہ تجربے کردا اک قطب نما اُتے اجیہی تار رکھ بیٹھا جیہدے وچوں
بجلی دی کرنٹ لنگھ رہی سی - اوہ ایہ دیکھ کے حیران رہ گیا پئی قطب نما دی سُوئی
بھول گئی اے - ارٹھ ایسے طرح دے کئی تجربے کردا رہیا پر ایدوں اگے نہ جاسکيا پئی بجلی

دی کرنٹ دا اک اثر مقناطیسی ہوندا اے۔ ایس گل نوں فیراڈیے نے اگے ودھایا۔
 فیراڈے نے کئی تجربے کیتے کئی سال لگا رہیا۔ اوہ ایس نتیجے تے اپڑیا پئی جدوں کہ
 تار دے پچھے نوں مقناطیسی میدان وچ گھسایا جائے یا پچھا کھلار کے مقناطیس نوں پچھے ہلایا
 جاوے تے بجلی دی کرنٹ پیدا ہوندا اے۔ اوڑک فیراڈے نے مقناطیس اتے تار دے
 پچھے توں بجلی پیدا کر لئی۔ فیراڈے اوہ رائل انسٹی ٹیوٹ وچ پروفیسر لگ گیا جتھے اوہ کدی
 بوتلاں دھوندا ہوندا سی۔ اوہنوں اپنی محنت دا کتا وڈا پھل ہلایا اے۔ اس دی کاڈھ
 توں آج سارا جہان روشن اے۔ آج چھوٹے وڈے کئی کارخانے تے موٹراں اوہے عزیز
 منڈے دی محنت تے سائنسی سوچ نال ہی چل رہیاں نیں۔

(3)

اک فرانسیسی سائنس دان "بیقرل" کاناں وچوں کڈھیاں جان والیاں کچ دھاناں بارے
 تجربے کردا پایا سی۔ اوہناں وچوں اک کچ دھات "تچ بلنڈی" وی سی۔ اک دن ادھی
 میز دے دراز وچ کچھ "تچ بلنڈی" بھنی ہوئی سی۔ اوہنے فوٹو گرافی دا کاغذ جیہڑا کالے گتے
 دے لفافے اندر سی میز اتے لیا رکھیا۔ جدوں اوہنوں لوڑ پئی تے اوہنے اس فوٹو گرافی دے
 کاغذ نوں کمرے وچ انھیرا کر کے باہر کڈھیا۔ فوٹو لے کے اوہنوں ڈویلپ کیتا تے فوٹو وچ
 اوہنوں کچھ ہور نشان دی نظریں پئے اوہ بڑا حیران ہویا جے کوئی ہور ہوندا تے فوٹو خراب ہو
 جان نال اس کاغذ نوں سٹ چھڈا پر "بیقرل" اوہناں نشاناں بارے کھوج کرن لگ
 پایا۔

سال کو پہلاں جرمن دے اک سائنس دان رابنسن نے "ایکس رے" شعواں معلوم کر
 لیاں سن۔ "ایکس ریزے" وی اچھیاں کرناں نیں جیہڑیاں نظریں نہیں آؤندیاں۔ بیقرل نے
 سوچیا پئی فوٹو گرافی دے کاغذ نوں خراب کرن دا کارا کتے ایہو جیہاں کرناں داتے نہیں
 میز اتوں ساریاں چیزاں دیکھن بھالن پچھوں اوہنے دراز پھولے تے اوہنوں "تچ بلنڈی"
 دے کچھ ٹکڑے نظر آئے۔ اوہنے سوچنا شروع کر دتا ایہہ کم ایہناں ٹکڑیاں دا وی ہو
 سکدا اے۔ اوہنے اک ہور فوٹو گرافی دا کاغذ لیندا تے اوڑتی کئی تجربے کیتے۔ کدی "تچ بلنڈی"
 تے فوٹو گرافی دے کاغذ وچ کارگتا رکھ کے، کدی ٹکڑی دی پھٹی رکھ کے تے کدے ٹیشے دا

ٹکڑا رکھ کے ۔ ہر وار فوٹو گراف اُنٹے داغ پہے جانڈے سن ۔ پھیر بیقرل "تہج بلنڈی" بارے
 ڈونگھی کھوج کرن لگ پیا ۔ "پیری کیوری" تے اوہدی گھر والی "میری کیوری" دی اوہدے
 نال ایسے کھوج وچ جُٹ پئی ۔ اوڑک اوہناں دی کھوج دا ایہہ سٹا نکلیا پئی اوہناں
 "تہج بلنڈی" توں اک اجہا لون دکھرا کر لیا ، جیہنوں اوہناں ریڈیم دا لون آکھیا ۔ ایس کارنامے
 اُنٹے بیقرل اُنٹے کیوری نوں ۱۹۱۱ء وچ نوبل انعام ملیا ۔ آج ہور کل ہور کھوج اگانہ ودھدی
 رہی تے ریڈیم دے نال یورینیم وی معلوم کر لیا گیا ۔ یورینیم توں وڈے وڈے ایٹمی بجلی گھروی
 بنائے گئے نیں تے ایٹم بم وی ۔ انسان اپنی کاڈھ راہیں کئی طرح دے سُکھ وی پالیندا تے
 اوہناں ای کاڈھاں دی غلط ورتوں نال اپنے پیراں تے آپ کوھاڑا وی مار لیندا اے ۔
 سائنس دیاں ساریاں کاڈھاں سائنسی سوچ رکھن والے سیانیاں دی ہڈ بیتی دا اک باب
 نیں ۔

مشکل لفظاں دے معنے :

بلا : آمیزش ، ملاوٹ ۔ ٹکنک : لبالب ۔ پیچپوس : سخت ، پیچیدہ ۔ کاڈھ : ایجاد ۔
 اتورٹی : پے در پے ، مسلسل ۔ ہڈ بیتی : سرگزشت ، آپ بیتی ۔

مشقی سوال

- 1۔ گھر دے کم کار وچ یا سائنس لیبارٹری وچ تجربہ کردیاں تنہاؤں کوئی اچرچ واقعہ پیش آیا ہووے تے
 اوہدی رپورٹ سائنس ماسٹرنوں پیش کرد ۔ ہر واقعے دی وجہ معلوم کرد ۔
- 2۔ تھکے دتے لفظاں نوں اپنے بنائے ہوئے فقریاں وچ ورتو :
 رب سیٹی ۔ اتورٹی ۔ گویڑ ۔ اچرچ عکس ۔ سک ۔ کاڈھ
- 3۔ ایہناں کہانیاں بارے سائنس دے پیر پڑ وچ بحث کرد ۔
- 4۔ بیقرل تے اوہدے ساتھیوں دے سائنسی علم توں دنیا کیوں منیا ؟
- 5۔ فقرے مکمل کرد :

۱۱۔ ارشمیدس نے اپنی گویڑ لایا ۔

جگ دا ہادی

رستے نور ہدایت والے آدم جایا چھڈ گیا سی
 ہنیا، دھکے ٹھبڈے کھاندا بھیڑے پٹھے راہ پیا سی
 وچ طوفاناں ادھی بڑی ڈکو ڈولے پئی سی کھانڈی
 بھڑپیا کھڑکھٹیاں مارے، نیکی گٹھے پئی سی مانڈی
 عرب قبیلے کھبڑ پیندے کے نگونی نکئی گلوں
 صدیاں نیکر پھل زہریلا کھاندے رہندے او سے وٹوں
 دل دے کبے اندر بت سن بیٹھے پکے ڈیرے لاکے
 جھڑ چاہوں واگاں موٹن اللہ کولوں دُور لے جا کے
 اپن چیتی ربی رحمت دے دریا وچ بڑھ جو آیا
 عرشاں فرشاں دے مالک نے کتے دے وچ نور کھنڈ آیا
 آج نمانیو! ملی حیاتی نال خوشی دے لُٹیاں مارو
 کل جہاناں دی رحمت دی بُکل دے وچ سکتیں گزارو
 انساناں دے کو جھاں کوڑھاں دا ادھ وید نرالا آیا
 رنگاں تے خنوادے والے جھوٹھے مان دا روگ ہٹایا
 کامیاں، کسبیاں اتے غلاماں دا اس آکے مان ودھایا
 آدم جائے سارے بھائی خطبے دے وچ خود فرمایا
 تیرے دین دے ڈکے شاما چوہیں کوٹیں وچ گئے سن
 اللہ والی فوج دے آگے قیصر و کسریٰ بھیج گئے سن

مشکل لفظاں دے معنے :

- ٹھنڈا : ٹھوکر ۔ گنگونی : بے قیمت ۔ معمولی ، حقیر ۔ اچن چیتی : اچانک ۔ کھنڈنا : بکھیرنا ۔
کوچھ : بد صورتی ، نقص ، عیب ۔

مشقی سوال

- 1 - آدم جابا نور ہدایت والے رستے چھڑ گیا تاں دُنیا دی کیہ حالت ہو گئی ؟
- 2 - حضور صلی اللہ علیہ وآلہ وسلم دے آؤن نال عریاں دی حالت وچ کیہ کیہ تبدیلیاں آ گئیاں ؟
- 3 - ایہناں لفظاں دے معنے لکھو :
ڈکوڈو لے ۔ کٹر کھتیاں ۔ مانڈی ۔ خنوادہ ۔ نانا ۔ اچن چیتی ۔
- 4 - ایس نظم وچ درتیجے مادیباں نوں اپنے فقریاں وچ استعمال کرو ۔
- 5 - ایس نظم نوں زبانی یاد کرو ۔
- 6 - خالی تھاواں بھرو :
(الف) بندے دی بڑی طوفان وچ پئی کھانڈی سی ۔
(ب) عرب قبیلے نیکی نیکی گلوں پیندے سن ۔
(ج) دل دے کجے اندر بُت سن بیٹھے پکے لاکے ۔
(د) حضور صلی اللہ علیہ وآلہ وسلم نے کامیاں کسبیاں دا ودھایا ۔
- 7 - کھانڈی ، مانڈی ۔ ورگے چار ہم قافیہ لفظ لکھو ۔

جہاد

جہاد اُتے گل بات شروع کرن توں پہلاں سانوں ایہ معلوم ہونا چاہیدا اے پئی جنگ یکہ اے تے جہاد یکہ اے ۔ تاں جے جنگ تے جہاد وچ فرق کیئا جاسکے خلقت کئی وار جنگ دیاں تباہیاں ویکھ چکی اے ۔ ہُن ایہداناں ای امن پسند شہزادے دے نوں کنڈے کھلے کر دیندا اے ۔ جنگ دی سوچ نال کئی نقشے اکھاں اگے آؤندے نیں ۔

جنگ دی لٹ مارتباہی اُتے ساڑ پھوک نوں ویکھ کے جنگ نوں خدا دا قہر سمجھیا جاندا اے ۔ مسلمان امن پسند اے ۔ رحمت اللعالمین نوں منن والا اے ۔ ایس لئی کسے اُتے پہل نہیں کروا ۔ رب اُگے جھکن والے سروچ غرور کیویں سما سکدا اے ایس لئی مسلمان چھڑ خانی نہیں کروا ۔ کسے دے علاقے اُتے ناجائز قبضہ کرن دی سدھرا دہے دل وچ پیدا نہیں ہو سکدی ۔ اوہدی اکھ قناعت نال بھری ہوندی اے ۔ دوجے ملک دی دولت نوں لالچی اکھ نال نہیں ویکھدا ۔ دوجیاں ملکاں نال صلح نامے عہد نامے کروا اے تے اوس عہد دی پالنا دی کروا اے ۔ ملک اندروں والیاں دوجیاں قہاں دے حق دا دھیان رکھدا اے ۔ مکدی گل ایہ دے پئی مسلمان رب دے قانوناں تے چلدا اے ۔

کئی وار حالات کجھ ایجیے دی ہو جائدے نیں جدوں ملک دے اندروں یا باہروں کوئی طاقت ، رعب ، دھونس تے ہنکار نال مسلماناں دی کسے شے یا علاقے تے قبضہ کرن دا جتن کر دی اے ، بے دوسے شہتے مسلماناں دی جان تے مال دا نقصان کر دی اے ۔ کسے طرح سمجھایاں نہیں سمجھدی ۔ ایجیے حالات وچ اوس مؤثر زور طاقت نوں منتھن لئی ، ظالماں نوں امن تے سلامتی دی قدر سکھان لئی خدا تعالیٰ نے مسلماناں اُتے جنگ فرض کیتی اے ایجیہ جنگ نوں جہاد آکھیا جاندا اے ۔

اللہ اُتے اللہ دے رسول صلی اللہ علیہ وآلہ وسلم نے جہاد اُتے جہاد کرن والے مجاہداں دی بڑی وڈیائی کیتی اے۔ مسلماناں لئی لازم کیتا اے پئی جے جہاد وی لوڑ پوے تے تئیں مال آنے جان دوہاں نال اللہ تعالیٰ دی راہ وچ جہاد کرو۔ جیہڑا غازی دنیا دے ہر لوبھ لالچ توں پاک ہو کے صرف اللہ واسطے ای جہاد کرے گا اوہدے لئی انعام ای انعام نیں۔ پہلا انعام ایہ ہے پئی اللہ اوہدے سبھ گناہاں نوں بخش دے گا۔ حضور نبی پاک صلی اللہ علیہ وآلہ وسلم دا فرمان اے پئی جنت جہاد کرن والیاں دیاں تلواراں دی چھاں ہلٹھ اے۔ اللہ دی راہ تے لڑدا ہويا جیہڑا غازی ماریا جاوے اوہ شہید اے۔ اُتے شہید دا ایہہ درجہ اے پئی اللہ قرآن شریف وچ فرماتا اے: ”اللہ دے شہیداں نوں موٹے ہوئے نہ آکھو۔ اوہ جیوندے نیں پر تنہاں اوہناں دی حیاتی بارے پتا نہیں۔ اوہناں نوں تے اوہناں دے رب دتوں رزق وی ملدا رہندا اے“ ساڈے نبی کریم صلی اللہ علیہ وآلہ وسلم دا فرمان اے کہ ہر مسلمان دے دل وچ شہادت دی سدھر ہونی چاہیدی اے، تے جیہڑے دل وچ شہادت دا شوق نہیں اوس دل نوں مویاں بجا سمجھو۔

شہادت اجیہے عملاں وچوں اے جیہڑے اللہ تعالیٰ نوں بوہت پسند نیں۔ شہادت دے بدلے مولا کریم شہید دے سارے گناہ بخش دیندا اے۔ مجاہداں دا رب دے دربار وچ بڑا درجہ اے۔ اللہ دے رسول صلی اللہ علیہ وآلہ وسلم توں کہے پچھیا پئی سبھ نوں زیادہ ایمان والا کون ہو سکدا اے؟ آپ نے فرمایا: ”اللہ دے رستے وچ اپنی جان تے مال نال جہاد کرن والا“ اک وار حضور صلی اللہ علیہ وآلہ وسلم کولوں پچھیا گیا کہ جہاد توں چنگیرا عمل کیہڑا اے؟ حضور صلی اللہ علیہ وآلہ وسلم نے فرمایا: ایہا کوئی عمل نہیں جیہڑا جہاد نالوں چنگا ہووے۔ اک ہور موقع تے آپ نے فرمایا پئی جہاد وچ رُجھا ہويا مجاہد اجیہے مومن دے برابر اے جیہڑا سدا ای روزہ دار ہووے نئے ہر ویلے خدا دے حضور سجدے وچ پیا رہوے۔ جیہڑا شخص آپ لڑن جوگا نہ ہووے اوہنوں چاہیدا اے پئی مجاہداں دی جیویں دی ہو سکدا اے مدد کرے۔ حضور پاک صلی اللہ علیہ وآلہ وسلم دا فرمان اے پئی جینے اللہ تعالیٰ دی راہ وچ جہاد کرن والیاں لئی سامان تیار کیتا اوہدا اجر وی ایہا ہووے گا جیویں اوہنے آپ جہاد وچ لڑ کے حصہ لیا ہووے تے جو کوئی جہاد وچ رُجھے غازیباں دے گھر والیاں دا دھیان رکھے گا اوہنوں وی جہاد کرن والے مجاہداں ورگا درجہ دتا جائے گا۔

ساڈے نبی پاک صلی اللہ علیہ وآلہ وسلم نوں آپ وی کافراں نال کئی جنگاں لڑنیاں پیاں سن ، اجہیاں لڑائیاں نوں غزوہ اکھدے نہیں ۔ ایہناں وچوں پہلا مشہور غزوہ بدر دا اے ۔ ایس غزوے وچ کافر اک ہزار اتے مسلمان سارے تن سو تیراں سن ۔ مسلماناں کول سواریاں تے ہتھیار وی بوہٹ گھٹ سن ۔

نبی پاک صلی اللہ علیہ وآلہ وسلم بدر دی جنگ لئی ٹرن لگے تے جہاد دے شوق دا ایہہ حال سی پئی تیراں تیراں چوداں چوداں ورھیاں دے مُنڈے وی اپنیاں جاناں پیش کر رہے سن ۔ ایہناں وچ حضرت زید بن ثابت وی شامل سن جیہڑے بعد وچ حضور پاک صلی اللہ علیہ وآلہ وسلم تے اُترن والی وحی دے کاتباں وچوں ساریاں نالوں مشہور ہوئے ۔ حدیث پاک توں پتا چلدا اے پئی حضور صلی اللہ علیہ وآلہ وسلم نے چھوٹی عمر دے بچیاں نوں جنگ وچ جان توں ہٹک دتا تے اوہناں نوں ایس گل دا بڑا ہرکھ لگا رہیا ۔ بدر دی لڑائی دے اگلے سال اُحد دا غزوہ پیش آ گیا ۔ ایس غزوے لئی کافراں سارا سال تیاریاں کیتیاں سن تے پہلے نالوں دودھ کے جوش جذبے نال پچھلے سال دی بار دا بدلہ لین آئے سن ۔ حضور پاک صلی اللہ علیہ وآلہ وسلم نے دیکھیا پئی مقابلہ تے بڑا سخت اے ایس لئی اپنے ولوں لڑائی دا انتظام بڑے دھیان نال کیتا ۔

ایس جنگ وچ جہاد دا اعلان ہو جان تے دو مُنڈیاں نے اپنے خلوص دا اجہا مظاہرہ کیتا جہدے نال ساڈے ایمان تازے ہو جانڈے نہیں ۔ ایہناں چھوہراں دے نال سن سمرہ تے رافع ۔ عمرّاں ہون گیاں کوئی چوداں پندراں ورھیاں دیاں ۔ جدوں حضور پاک صلی اللہ علیہ وآلہ وسلم اوہناں دے کول اوہناں واقعہ کاٹھ ویکھن آئے تے اوہناں وچوں اک پیاں بھار کھلو گیا پئی ویکھن والے نوں اُچّا لما گبھرو دکھالی دے ۔ خدا وی نئے ساڈیاں نیماں دا حال جاندا اے ۔ اوہدی ایہہ ترکیب کامیاب رہی پر اوہدے دوجے ساتھی نوں مجاہد جواناں ی پال وچوں ایہہ آکھ کے موڑ دتا پئی اجے توں لگا ایں ۔ اوہ جھٹ بول پیا پئی یس اپنے ساتھی نوں کشتی وچ ڈھا سکناں ، جیہنوں تِساں جہاد لئی چُن لیا اے ۔ رب نے اوہدا خلوص وی قبول کرنا سی ۔ ایس لئی اہدی مُراد وی پوری ہو گئی ۔ اوہنے واقعی اپنے ساتھی نوں کشتی وچ ڈھا لیا ۔ ایس لئی اوہنوں وی جہاد لئی جان دی اجازت مل گئی ۔ دونوں مُنڈے بڑے اسی خوش سن ۔

اوس زمانے دے مسلماناں دا ایہہ نواں پوچ سی جہدے جہاد دے جذبے نے
تھوڑے ای چر وچ ادھی دُنیا تے اسلام دا جھنڈا گڈ دتا۔ اُج سانوں اک وار پھیر ایسے
طرح دے جذبے والی نویں نسل دی لوڑ اے۔

مشکل لفظاں دے معنے :

نواں پوچ : نوجوان نسل - چنگیرا : اچھا، بہتر - نتھنا : ٹیکل ڈالنا، قابو کرنا - ہرکھ، افسوس
پچھتاوا - پال : صفت -

مشقی سوال

- 1 - "جہاد" تے اک مضمون لکھو۔
- 2 - غزوہ تے جنگ وچ کیہ فرق اے ؟
- 3 - جہاد تے عام عبادت وچ کیہ فرق اے ؟
- 4 - ایہناں لفظاں نوں اپنے فقریاں وچ ورتو۔
لوں کٹھے کھلے کر دینا - پھیڑخانی - پالنا کرنا -
- 5 - "مرن ہاکا" ورگے ہور لفظ ایہناں مصدران توں بناؤ :
پاٹن - روون - بھجن - سوون - اچھلن - ٹٹن -
- 6 - تھلے دتے فقریاں نوں پوریاں کرو۔
i) سانوں جہاد دے جذبے والی قوم دی اے۔
ii) حضور صلی اللہ علیہ وآلہ وسلم منڈیاں دا قد دیکھن آئے۔
iii) جنگ لئی نہ پُچھنے جان والے مسلماناں نوں بڑا لگا۔
iv) چھوٹی عمر دے منڈیاں نوں جنگ وچ جان توں دتا۔
v) جیہڑا شخص لڑن جوگا نہ ہووے اوہنوں چاہیدا اے بیٹی

اسلامی دنیا دی سانجھ

”اللہ دی رستی نوں گھٹ کے پھڑی رکھو تے آپس وچ پاڑے نہ پاؤ۔“ اوہ کتنا چنگا سماں سی جدوں سارے جگ دے مسلمان قرآن مجید دے ایس فرمان تے پورا عمل کر دے سن۔ آنحضرت صلی اللہ علیہ وآلہ وسلم دے مگروں اوہناں دا اکو خلیفہ ہوندا سی اتنے سارے مومن اوہنوں اپنا امیر منڈے سن۔ اوہ ہر اسلامی ریاست وچ اپنے وٹوں حاکم منتھ کے گھلدا ہوندا سی۔ مسلمان مملکاں نوں تبسج دے دانیال وانگوں اسلامی بھائی چارے دی اک لڑی وچ پردن دامبارک خیال ساڈے کئی بزرگاں دا سہانا سفنا رہیا اے۔ ایہناں وچول سید جمال الدین افغانی تے علامہ اقبال دے ناں روشن مناریاں وانگوں اسلامی دنیا وچ چانن کر رہے نیں۔ ہر پاکستانی علامہ اقبال دی حیاتی تے سوچ دا جانو اے۔ اوہناں نے اپنے لیکچراں وچ ”مسلمان ریاستاں دی یک“ بنان وی صلاح دتی سی۔ اوہناں دا ایہہ وی خیال سی پٹی نیل دے کندھے توں لے کے کاشغر تاہیں سبھ مسلمان خانے کجے دی راکھی لئی اک ہو جان۔ لاہور وچ اسلامی سربراہی کانفرنس وی ایسے پاروں ہوئی سی۔

سید جمال الدین افغانی 1838ء وچ اسعد آباد افغانستان وچ پیدا ہوئے۔ پھیر جوانی وچ آپ افغانستان دے امیر دے وزیر بن۔ جدوں انگریزاں دی سازش نال اوختے بغاوت ہو گئی تے آپ بزمغیر پاک و ہند آ گئے۔ ایستھے آپ نوں دو مہینے وی ٹکنا نہ ملیا۔ پھیر آپ ترکی چلے گئے۔ اوختے وی درباری عالماں نے آپ دے پیر نہ جمن دتے۔ سید جمال الدین افغانی ہوراں ایرانی تے فرنگی دنیا دا دورہ وی کیتا۔ اوڑک آپ قاہرہ (مصر) چلے گئے اتے اوختے اٹھ سال رہے۔ اوہناں اسلامی دنیا دی سبھ توں وڈی مصری یونیورسٹی جامعہ الازہر وچ پڑھن والیاں گبھرواں تے چوکھا اثر پایا۔ محمد عبده تے اعرابی پاشانے سبھ توں زیادہ اثر قبولیا۔ آپ اسلامی دنیا دامان سن۔ آپ دی ساری حیاتی اسلامی دنیا نوں

اک مُٹھ کرن بارے سوچدیاں ای گزری - 1897ء وچ آپ اللہ نوں پیارے ہو گئے ۔
 دُنیا دے مُسلماناں دی سیاسی حالت اوہناں کولوں ایہہ منگ کر رہی اے پئی سارے
 مُسلمان آپس وچ مل کے ہر مشکل نوں سینہ ڈاھ کے حل کرن ۔ آج ہر مُسلمان ملک دا سربراہ
 اپنے ملکی مسئلایاں وچ رُجھا ہویا اے ۔ پر پھیر دی کجھ سوجھوان مُسلمان اسلامی دُنیا دی سانجھ
 دے ریکھوان نیں ۔ اوہناں ایہہ ڈول ڈولی اے پئی اک اجیہی کانفرنس قائم کیتی جاوے ،
 جہدے وچ سارے اسلامی مُلکاں دے سربراہ یا اوہناں دے نمائندے شامل ہوں ۔
 ایس اسلامی کانفرنس دا صدر دفتر مکہ شریف یا مدینہ منورہ وچ ہو سکدا اے ۔ اسلامی
 برادری دے خیر خواہاں دے جتن نال پہلاں وی اسلامی کانفرنس دیاں مجلساں رباط ،
 بغداد ، تہران ، قاہرہ ، کراچی وچ ہو چکیاں سن پر پہلی اسلامی سربراہی کانفرنس رباط وچ
 ہوئی سی ۔ دُوجی 22 فروری 1972ء نوں ہوئی ۔ ایس کانفرنس دی میزبانی دامن لاہور شہر نوں
 بلایا تے مُسلماناں دے سانجھے مسئلایاں تے کھل کے گل بات ہوئی ۔ مُسلماناں نوں چاہیدا
 اے پئی ہمیش لئی سبھ مل کے اک دُوجے ملک دے مسئلایاں نوں سمجھن تے دُکھ مُکھ وچ
 شریک رہن ۔ سارے مُسلمان ملک سنگلی دیاں گھڑیاں دانگوں اک دُوجے نال جڑے
 ہوئے نیں ۔ ایس لئی اک دُوجے دا اثر چھیتی قبول کر سکدے نیں ۔ اک دُوجے دی
 واہر لئی چھیتی بوڑھ سکدے نیں ۔ اللہ تعالیٰ نے اوہناں نوں ہر طرح دی دولت بخشی اے
 تے ایہہ گل ایہناں دے دانش مند آگواں اُتے چھڈ دتی اے پئی اوہ ایس دا آپوڑے
 وچ پوری سُرَت نال وٹاندرا کر دے نیں یا اپنی آن گہلی پاروں ایہہ دولت چاتر ، چالاک
 غیر مسلم لاکڑیاں ٹھیکیداراں یا ورتاویاں دے دس پا دیندے نیں ۔ دولت پیدا کرن والے
 وسیلیاں اُتے جھاتی پایاں ساڈے من وچ آپ وساہی پیدا ہو سکدی اے تے اپنے پیراں
 تے کھلون دا سڈا بجھ سکدا اے ۔

مشکل لفظاں دے معنے :

سُکھنا : مبارک ۔ مِتھنا : مقرر کرنا ۔ ودھائی : مبارک باد ۔ سودھ : اصلاح ۔ سُرَت :
 سبھ ، عقل ۔ سانجھ : اتفاق ، بھائی چارہ ۔ ریکھوان : آرڈومنڈ

مشقی سوال

- 1 - اسلامی دُنیا نوں سانجھ تے یکے دی کیوں لوڑ اے ؟
- 2 - اسلامی دُنیا دے ایکے لئی کیہڑے آگو کم کر چکے نیں ؟
- 3 - سید جمال الدین افغانی بارے تئیں کیہ جاندے اد ؟
- 4 - علامہ اقبالؒ ہوراں اسلامی دُنیا دے ایکے لئی کیہ سوچیا سی ؟
- 5 - اسلامی دُنیا دے ایکے لئی عملی صورت کیہ ہو سکدی اے ؟
- 6 - جے تئیں آپ اسلامی ایکے دی پہچانت دے ممبر ہوؤ تے کیہ کرد ؟
- 7 - "اسلامی دُنیا دا ایکہ" اک مضمون لکھو ۔
- 8 - تھلے دتے لفظاں تے محاوریاں دے معنے دستوتے اوہناں نوں اپنے فقریاں وچ درتو ۔
پاڑے پانا ۔ مہتھنا ۔ سدھر ۔ سیر سانجھ ۔ آپوڑما ۔
- 9 - خالی تھانواں ڈھکویں لفظاں نال بھرو :
(الف) مسلمان قرآن مجید دے ایس نئے عمل کر دے سن ۔
(ب) تبیغ دے دانے اک لڑی وچ ہونڈے نیں ۔
(ج) علامہ اقبالؒ دی سوچ اسلامی دُنیا وچ اک منارا اے ۔

جیوے ساڈا پاکستان

دیس میرے نوں رب دیاں رکھاں، جیوے ساڈا پاکستان
چن سارے والا پرچم، سمجھ توں اُچی ایہدی شان
اسلامی دُنیا دا تارا، ایہدے بھائی عرب ایران

جیوے ساڈا پاکستان

جیوے ساڈا پاکستان

سندھی تے پنجابی رُل کے، نال بلوچ پٹھاناں دے
اک دُوبے دا درد وُٹا ئیے، بنے مرد میداناں دے
”اک اِکلا تے دو یاراں“، چیتے رکھیے سدا اکھان

جیوے ساڈا پاکستان

جیوے ساڈا پاکستان

محنت تے اخلاق دے صدقے، سدھیے کول بہاراں نوں
اللہ دی رسی نوں پھڑ کے، زندہ رکھیے پیاراں نوں
جگ دے اُتے اُچے ہوؤن، ساڈھی عزت ساڈا مان

جیوے ساڈا پاکستان

جیوے ساڈا پاکستان

دیس دیاں سرحدیں اُتے، رُل کے راکھی کرنی اے
وانگ بھراواں اک دُوبے دی پیڑوی ہنس کے جرنی اے
ایہو اے انسانی عظمت، ایہو ساڈا دین ایمان

جیوے ساڈا پاکستان

جیوے ساڈا پاکستان

ایہدے گبھرو شیراں درگے، ہمت دے متوالے نہیں
 ایٹھے سدا شہیداں اپنے، لہو دے دیوے بالے نہیں
 پیار ونا غیرت دے راکھے، ایٹھے وسدے نہیں انسان

جیوے ساڈا پاکستان

جیوے ساڈا پاکستان

ہتھ جوناں ازلوں رہیاں، قوم دیاں تقدیراں نہیں
 سچے سچے ٹٹ رہیاں ہُن، کڑیاں تے زنجیراں نہیں
 ایکے دے وچ برکت الود، ایہو ویلے دا فرمان

جیوے ساڈا پاکستان

جیوے ساڈا پاکستان

مشقی سوال

- 1- پاکستان دیہاڑے یا کسے قومی اکٹھ وچ ایہہ ترانہ پڑھیا جادے - دو سُریلے طالب علم اک سُرہو کے ہر بند دیاں پہلیاں تن پالاں گادن - آخری دو پالاں سارے رل کے کورس وجھوں گادن -
- 2- اک مضمون لکھو (دیس اساڈا پاکستان)
- 3- ایہناں بولاں دا مطلب کھول کے دسو -
 اسلامی دنیا داتارا ، اک اکلالتے دیوہاراں - اللہ دی رستی - ویلے دا فرمان -

پہیے توں گڈی توڑی

سچ پچھو تے کاڈھاں کڈھن والی دُنیا وچ سبھ توں وڈی کاڈھ پہیا اے ، جیہڑا حیاتی دے کماں کاجاں لئی ضروری اے ۔ جگ نوں اگیرے توں اگیرے پُجاون وچ ایہدا ای ہتھ اے ۔ روٹی لئی آٹے دی لوڑ ایہدے رایس ای پوری ہونڈی اے جیہڑے گول وٹے دی پسائی توں ٹر کے چکی خراس نے مشین توڑی جا پڑ دی اے ۔ لیڑے لٹے لئی ایہو پہیا چرخے دے روپ توں لے کے دھاگہ لیڑا آپے اُنن والیاں مشیناں دی شکل تیکر ساڈے سامنے آؤندا اے ایس اپنا بھار لاہ کے ایہدے سر دھریا اے ۔ ساڈے پیراں دی کھپل نوں گھٹ کر کے سانوں اک تھانوں دوجی تھان اپراؤن والا ایہو ای اے ۔ ایس پیہیے نے ساڈیاں کینیاں اوکڑاں آسان کر دتیاں نیں ۔

پہلاں پہل انسان نوں اک تھان توں دوجی تھان کوئی بھار لے جانا پئیدا تاں اوہ اپنے سر یا موڈھیاں نے چُک کے لے جاند اسی ۔ پھیر جدوں اوہنے جانوراں نوں ہلا لیا تاں ڈھوائی داکم اوہ لادو جانوراں توں لین لگ پیا ۔ پر ات بھاریاں چیزاں نوں نہ اوہ آپ چُک سکدا سی تے نہ جانوراں تے کد سکدا سی ۔ ایہماں بھاریاں چیزاں نوں اوہنے ریڑھ کے کھڑن وا ڈھب سکھیا ۔ اوہ چیزاں تھلے رکھاں دے گول گول موچھے رکھ کے مگروں دھکا ماروانے ریڑھا ریڑھا توڑ لے اُڑدا ۔ موچھیاں توں اوہنوں پیہیے بناؤن دا ول سُبھیا تے ایج اوہنے موٹے موٹے ٹوٹیاں دے دو پیہیے گھڑ لئے تے اوہناں دے دچکار اک ڈنڈا جڑ کے اک ریڑھی جیہی بنا لئی ۔

”پہیا“ لکڑی دی تھان پتھر دا وی بنایا جاند رہیا اے ۔ بھانڈے بناؤن لئی اج تیک ایہدی ورتوں کیتی جاندی اے ۔ کھیار ایہنوں چک دے ناں نال یاد کر دے نیں ۔ پھیر ایہو پہیا چکی بن کے آٹا پیہن داکم دین لگا اتے ہولی ہولی بیل گڈیاں اتے رتھان

وچ ایہدی ورتوں عام ہو گئی ۔

پرانے سمیاں دی تارتخ وچ رمخ دی قسم دیاں گڈیاں دا ڈھیر سارا ذکر ملدا اے ۔
یونانی ، ایرانی ، مصری تے شامی لوک رتھاں وچ سیر سپاٹا کر دے سن تے اوہناں نوں
لڑائیاں وچ وی ورتندے سن ۔ ہندوستان وچ وی رمخ دی ورتوں ہوں پُراں سمیاں
توں رہی اے ۔

دو پہیاں والے چھکڑیاں توں اڈ چونہ پہیاں والیاں گڈیاں دی ہوند وچ آئیاں ۔
اوہ پہیا دی جیٹرا پہلاں ہتھاں نال دھکیا جائدا سی ۔ پھیر پالتو جانوراں دی مدد نال ریڑھیا
جاون لگ پیا ۔

ویلے دے نال نال پہیا وی پھردا ای رہیا تے دن دن ایہدا روپ سدھردا گیا ۔
پہیے دی کاڈھ ڈھیر ساریاں چیزاں دی کاڈھ دا موجب بنی تے ایہدی برکتوں ای
آج اسیں سائیکلاں ، موٹراں اتے گڈیاں اتے ہونٹے لیندے پھرنے آں ۔
پہیے نوں مکھ رکھیاں ، ایختے اسیں کجھ اوہناں کاڈھاں ولے گوہ کراں گے
جیہناں ساڈی آوا جانی نوں سکھالا کر دتا اے ۔

آج "سائیکل" ساڈی روز دی ورتوں بن چکی اے ۔ آج توں ڈھائی پونے تن سو
ورے پہلاں پہلی واری فرانس دے اک بجنے نے لکڑ دے پہیاں والی سائیکل بنائی پھیر
اک ہور فرانسیسی ڈریڈن نے اگلے پہیے نوں ٹورن لئی اک گول چکر دی ورتوں کیتی ۔
فرانس ، انگلستان تے امریکہ وچ کتا ای چر ایہو جیہیاں سائیکلاں چل دیاں رہیاں ۔ اوڑک اک
ہور فرانسیسی نے سبھ توں پہلاں پیڈلاں والی سائیکل تیار کیتی ۔

سائیکل ورگی تنّاں پہیاں والی گڈی دی بنی ۔ ڈیملر نے چونہ پہیاں والی گڈی پڑول
نال چلا کے ، موٹر دا نمونہ پیش کیتا ۔ ویلے دے نال نال ڈھیر سارے داوھے ہوئے گئے
تے آج انسان دی غلامی کر دیاں موٹراں ، کاراں ساڈے سامنے نیں ۔ پھیر ریل گڈی بنی ۔
انجن برطانیہ دے اک شخص ٹویری تھک نے 1801ء وچ تیار کیتا ۔ انجن نوں
چلاؤن لئی کرڑی تے سواہری مٹھاں دا معاملہ حل کرن والا جارج سٹیفن سن سی ۔ اوہنے
ٹویری تھک والے انجن وچ کجھ وادھا کیتا تے اوہدے چلن لئی پٹریاں بنائیاں ۔ ایس
انجن دی اک گھنٹے دی رفتار کل چار میل سی ۔ ہولی ہولی ایس انجن وچ تبدیلیاں تے

وادھے ہوئے گئے تے آج پوری وِیا وِچ ریل سیٹیاں مار دی پھر دی اے ۔

مشکل لفظاں دے معنے :

ورتوں : استعمال - گوہ : غور، توجہ - پندھ : سفر - ٹل : زور، طاقت - مکھ رکھنا : مد نظر رکھنا -

مشقی سوال

- 1 - پتیا کیڑے کیڑے کم آؤندا اے ؟
- 2 - پنج اچھیاں چیزاں دے ناں لوؤ جیہناں وِچ پتیا ورتیندا اے ۔
- 3 - لفظ "پتیا" دے نال "رٹھنا" مصدر لگن نال محاورہ بن جائدا اے ۔
ہیٹھ لکھے ہوئے لفظاں دے نال مصدر جوڑ کے کجھ محاورے بناؤ ۔

ٹھیللا

بیڑی

تسلی

گل

کوڑ

- 4 - ہیٹھیاں لفظاں دے معنے لکھو تے اوہناں نوں فقرباں وِچ دی ورتو ۔
بجائوئا - کچیل - اوکڑ، کندھاڑا - موچا - کاڈھ - گوہ - ورتوں - سواہری
- 5 - ہیٹھیاں فقرباں نوں پورا کرو ۔

(الف) انجن بناؤن دی پہل نے ریتی ۔

(ب) سٹین سن دا وینک سی ۔

(ج) پہلے پہل موڑاں دے پہیے دے بنے ہوئے ہوئے سن ۔

بیتہ دامحرم — ہڑپہ

اجو کا سماں بیتے ہوئے کل دی مگتھوں جنم لیندا اے۔ تاریخ ساڈا بیتیا ہویا سماں ساڈے سامنے کھلار کے رکھ دیندی اے پٹی ایہدے چانن وچ اپنا اجو کا سماں سوار لوڈ۔ تاں جو بھلک لئی کوئی چنگی ڈول ڈولی جاسکے۔ 1922ء تائیں پاکستان ہند تاریخ دے سبھ مول مڈھ 300 قبل مسیح تک بھک جانڈے بن۔ ایس توں پچھلے زمانے توں تاریخ توں پہلاں وازمانہ آکھ کے کھوجی طالب علماں توں چُپ کرا دتا جاندا سی۔ جے ہڑپہ دی کھدائی نہ ہوندی تے ایس زمانے دی تاریخ اُتے انھیرے دے پردے خبرے کنا چر پٹے رہندے۔ ساڈے بھاگاں توں ایس کھدائی نے سانوں تاریخی علم دے اچھے اُتے خزانے بخشے نیں کہ ہن کوئی کھوجی طالب علم 2500 ق۔ م تائیں اپنے دیس دی تاریخ تے جھاتی مار سکدا اے۔

14 اگست 1947ء توں گنیاں پاکستان اک نوجوان دیس اے۔ پرداد کی ڈھیری ولوں اوہنوں ورثے وچ اک بوہت پرانی رہتل آئی اے۔ جگ دی تاریخ نے ایس رہتل توں سندھ وادی دی رہتل آکھیا اے تے ایہ دنیا دیاں بوہت ای پرانیاں تہذیبیاں وچوں گنی جانڈی اے۔ ایس رہتل دا سبھ توں وڈا امین ہڑپہ اے جیہڑا پنجاب تے پاکستان دا ای نہیں دھرتی دا اک بوہت قدیم شہر اے۔

ہڑپہ دا قصبہ ساہیوال توں کوئی 28 - 27 کلومیٹر دُور اتے ملتان سڑک توں 7 کلومیٹر ہٹوالاں اے۔ ریل گڈی دا سٹیشن وی اے تے ساہیوالوں ہر ویلے بساں بھ سکدیاں نیں۔ تاریخ دے کھوجی تے سیلانی پردیسی لوک ایس شہر دے اُترے تھہرے ویکھن لئی ایٹھے دھکدے رہندے نیں۔ بھلے سمیاں وچ ایہ شہر کدی اپنے ملک دی راجدھانی سی 1882ء تائیں ایہ ضلع گوگیرا دی اک تحصیل دا ہیڈ کوارٹر

دی رہیا اے ۔ ہن تے ایتھے صرف پُرانے نشان سانجھو کھکے دا اک عجائب گھرای اے ۔
 راوی کدے ایس شہر دے پہاڑ پاسے وگدا سی ۔ ہن دریا شہر توں دس کلو میٹر دُور
 ہٹ گیا اے ۔ اک لوک روایت سیٹی ایس شہر دا آخری راجا ہرپال سی ۔ اوہ رعایا
 دیاں دھیاں بھیناں نوں دھکو دھکی اپنے محلّاں وچ لے جاند اسی ۔ اوہدے کالے کماں
 پاروں ایہ شہر بگھر گیا ۔ ہن وی جدوں کہے شہر دے لوگ صدق ایہاں چھڈ ہن تے
 آکھیا جاند اے پٹی ہن ایس شہر دے غرق ہون دے دن نیڑے آگئے نیں کھدائی
 کران والے ماہراں دی رپورٹ سیٹی ایہ شہر ہندا وسدا اسی غرق ہو گیا اے ۔

1921ء توں 1934ء تائیں چوداں ورھے ایس تھہ دی کھدائی ہونڈی رہی اے ۔ گروں
 دی تن داری ایہدے کچھ حصیاں دی کھدائی ہوئی پر معلوم ہوندا اے کہ ابے ایہنوں ہتھ
 ای لایا گیا اے ۔ حالے ایہدھر ہور دھیان دین دی لوڑ اے ۔ مومن جوڈیرو تھہ وی
 ہڑپے دا ای ہانی اے پر اوتھوں دے سارے نشان چنگی طرح سانجھے گئے نیں ۔
 ہڑپے وچوں نکلیاں چیزاں پہلاں ساڈی بے دھیانی تے ان گہلی پاروں ضائع ہو گئیاں
 نیں ۔ لاہور توں ملتان ریلوے پٹری بناؤن والے بے قدر ٹھیکیداراں پٹری تھلے بھرتی
 پاؤن لئی ہڑپے دے اٹ وٹے مفت ورتے سن ۔ ہڑپے دے وسنیکاں
 دی ایس تھہ نوں رج کے لٹیا تے اپنے کوٹھے پکے کر لئے ۔ جدوں ایس تھہ وچوں
 کچھ نشانیاں برٹش میوزیم اپڑیاں تے تاریخ دے عالم سیانیاں پہچان کر لئی ، اتے
 ہڑپہ رتھل نوں دجلہ فرات وادی دی تہذیب دا ہانی متھیا گیا ۔ ساڈے وڈیاں دی رتھل
 غفل ، علم دا ڈگا سارے جہان تے وج گیا ۔ ہڑپہ رتھل دا وجہ اک ہزار سال تائیں
 رہیا ۔ ماہراں دی رپورٹ مطابق اوس ویلے دے لوکاں دی دستوں آج دی ماڈرن دستوں
 دے بہت لاگے سی ۔ گلیاں بازار کھلے سدھے تے پدھرے سن ۔ پکیاں اٹاں دے مکان
 موکے ہوا دار تے کہے مقرر احاطے دے اندر بنے ہوئے ہوندے سن ۔ بازاراں وچ
 بد روواں ، گلیاں وچ نالیاں تے چھتاں دے پرنا لے اینج بنے سن کہ لنگھدے شریف
 آدمی تے پھٹاں نہ پین ۔ کھوہاں اتے بنیاں تے زنانیاں لئی حوض دے دوہیں پاسیں غلٹانے
 سن ۔ گھراں وچ چاندی تے تانبے دے بھانڈیاں توں اڈ ، مٹی دے پکے بھانڈے وی
 ورتے جاندے سن ۔ سوانیاں سونے ، چاندی ، تانبے ، پتھر تے پکی مٹی دے گنے پاؤندیاں

سن ۔ لوک ناچ رنگ دے بڑے شوقین سن ۔ گھراں وچ شطرنج ، گتی چار اُتے اجیہاں کھیڈاں
 کھیڈ کے من پرچاؤندے سن ۔ پتھر دے بُت بناؤن تے دھاتاں ڈھالن دے ماہر سن ۔
 کنک ، جوں ، جوار کھاندے سن ۔ غلے دے گودام اینج بنائے جاندے سن کہ غلہ آگ ،
 سلتھ ، مہنہ تے چوراں توں بچیا رہے ۔ گودام دے نال ای اوکھلیاں بناؤندے سن ۔
 پھڑن پھڑن لئی خاص عملہ مقرر سی ۔ جہدے کوارٹر وی نال ای بنے ہونڈے سن ۔
 کوارٹراں دے نقشے توں ماہراں دا اندازہ اے پٹی ایٹھے اک خوش حال ریاست سی
 جیہڑی مزدوراں دا خاص خیال رکھدی سی ۔ ہڑپے دے فن دا اک نادر نمونہ ایٹھوں دیاں
 موزناں میں جیہڑیاں پتھر تانبے نال بنایاں گئیاں نیں ۔ ایہناں اُتے اک پاسے کسے جانور ،
 درخت یا انسان دی شکل بنی ہوئی اے ۔ اوہرے اُتے اک سطری عبارت اک اجیہی زبان
 وچ لکھی ہوئی اے جیہڑی حالی تائیں کسے کولوں نہیں پڑھی گئی ۔ ایہ زبان سچے توں کھتے
 لکھی جاندی اے تے عام خیال اے پئی پنجاب دے دسٹیکاں دی ایہ پُرانی زبان ہووے
 گی جیہڑی اجوکی پنجابی دی قدیم شکل اے ۔ ایہ لوک تول لئی وٹے تے ناپ لئی گز
 دی ورتدے سن ۔

مشکل لفظاں دے معنے :

بیتا : ماضی ۔ کلکتوں : بطن ، کوکھ ۔ بھلک : آدن والی صُبح ، کل ۔ مُول مڈھ : ماخذ ، جڑ
 اجوکی : آجکل کی ۔ نگھر جانا : زمین میں دھنس جانا ، غرق ہو جانا ۔ ہانی : ہم عمر ۔ وجر ا : شان و شوکت
 رعب کا چچا ۔ دسٹیک : باشندے ۔ رتھل : تہذیب ۔

مشقی سوال

- 1۔ ایس سبق دیاں پہلیاں تین سطران دا اُردو ترجمہ لکھو ۔
- 2۔ ہڑپے دی رتھل دا پنجاب نال کیہ تعلق اے ؟

3 - "ہڑپے دی تعلیمی سیر" تے اک مضمون لکھو -

4 - تھلے دتے لفظاں نوں اپنے فقریاں وچ ورتو :

لکھنوں - بیتا - مول مڈھ - نگھڑنا - ان گہلی - دجکرا - موڈھی -

5 - فقریاں دے کچھے پورو :

(الف) اجوکا سماں بیتے ہوئے کل دی لکھنوں لیندا اے -

(ب) ڈھیری ولوں ایہدے ورثے وچ اک بوہت پرانی رہتل آئی اے -

(ج) ہڑپہ رہتل نوں وجہ فرات وادی دی تہذیب دا متھیا گیا اے -

قدرت رب دی

ہک دن کرن شکار شکاری بارے اندر آیا
 آدرخت گھنے دی چھانویں اُس نے ویرا لایا
 نالے باز ہوائیں اُڈوا آبیٹھا اُس رُکھ تے
 طعمہ لوڑے ماس نہ چھوڑے آیا ظالم جُکھ تے
 بیٹھ شکاری، باز اُتے سی وچ بیٹھی اک گھگھی
 دشمن دیکھ کے اُج میں بھی چوگ اُجل دی چُگی
 بیٹھوں شست شکاری جوڑے، تیر گھگھی نوں لاواں
 اُتوں باز تے، جے اُڈے پکڑ شتابی کھاناں
 گھگھی جدوں ادہناں ول دُٹھا کردی فکر گھنیرا
 کندی رہا ! کیونکر رکھیں بچن نہیں ہن میرا
 بیٹھ رہاں تاں شست برابر مارے تیر شکاری
 جے اُڈاں تاں باز پکڑ سی ہر پاسوں میں ماری
 تیر لگن وچ دیر نہ کوئی کجھ تدبیر نہ چلدی
 آئی گھڑی اُجل دی ایہو وچ تقدیر ازل دی
 جہاں رب رکھن اُتے ہویا رکیہ سبب بنایا
 گھگھی ول شکاری تنکدا شست دھیان مٹھرایا
 پچھوں ناگ چلائے اُس نوں دند آلود زہر دے
 تیر چھٹا ادہ لگا بازے دونوں دشمن مردے
 گھگھی بیٹھی رہی آٹھائیں چنگی بھلی نروئی
 مارن والے موٹے محمد ! قدرت رب دی ہوئی

مشکل لفظاں دے معنے :

رُکھ : درخت - گھنیرا : زیادہ گھنا - آہی : تھی - رکھن : بچانا، حفاظت کرنا -
اُتھائیں : اُس جگہ پر - نروٹی : تندرست -

مشقی سوال

- 1 - اس نظم دے واقعے نزل اپنے لفظاں وچ بیان کرد -
- 2 - ہیٹھ دتے لفظاں دے معنے لکھو -
گھگھی - گھنا - ماس - چوگ - گھنیرا - اُتھائیں - نروٹی
- 3 - گھگھی، "گھوں گھوں" یا گھگھوں گھوں کر کے بولدی اے - ہیٹھ لکھے جناور کیویں بولدے
نہیں -
- پچڑی - کاک - کبوتر - طوطا - شکر -
- 4 - "تیر دے نال" چھڈنا مصدر لا کے محاورہ بنایا گیا اے - ہیٹھ لفظاں دے نال مصدر
جوڑ کے تئیں وی محاورے بناؤ -
چوگ - چھانویں - اسمانوں - دھیان - دند - راکھی -

لطیف

1- اک نشئی امیر کار وِچ بیٹھا سفر کر رہیا سی - کار اودھا ڈرائیور چلا رہیا سی - کُتھ چر
 "پچھوں کار دی چال مٹھی ہو گئی - پچھلی سیٹے بیٹھا مالک ہر بڑا کے پچھن لگا - "کیہ ہو یا ای
 کار کیوں مدغم کر دتی آ؟
 ڈرائیور آکھیا - "سہکار سڑک خراب اے اگے ٹوٹے نہیں -"
 نشئی مالک آکھن لگا : "بیوقوفنا مارن کیوں نہیں ویندا ؟"

2- اک جٹ دا پتر بڑا بدھونے پُج کے نکما سی - میلے دا دن سی تے اوہ چھتی چھتی
 میلے تے جانا چاہندا سی - اودھے پیو نے آکھیا - پتر تو ت دالی پئی وِچ چار ورے تیلے
 پکے کھوتے نہیں - ابہر لے داڑھی تے ادھناں نوں دڈھ کے کھواڑے نے لے آ - پتر
 داڑھی پھڑ کے ٹرتے پیا پر میلے دے شوقی نے نال چار واڈھے دی لے لے - پئی
 وچوں گل تن بھریاں کنک نکلی اتے واڈھیاں نے چوتھی بھری دی منگ چا کیتی - پتر
 اوتھوں سن کے گھر آیا - پیو نے پچھیا : "وڈھ آیا ایس تیلے ؟"
 پتر آکھیا : "تیلے تے وڈھے گئے نہیں پر اک بھری واڈھیاں نوں دین لئی گھٹ گئی
 اے - اوہ دسو کتھوں دینی اے ؟"

3- اک چودھری دا اکو اک لاڈلا پتر سی - اک دن ادھنے اپنے یاراں بیلیاں نال شہر
 جا کے فلم دیکھن دا مٹا پکایا - ادتھے جا کے ادھنے فلم "نکھٹو" دیکھی - جدوں اوہ شام
 نوں گھر پر تیا تے پیو پچھو سو : پتر ! کدھر دے سیر سپاٹے کردا رہیا ایس ؟ میں تے
 تینوں راتیں پکئی کیتی پی نال دے پنڈوں مکئی دا بنی لیاویں - "و تر پیا سکدا اے"

پتر نے آکھیا : "نہیں ابا جی ! میں تے شرفلم ویکھن چلا گیا ساں ۔" پیو نے بچھیا : "بچھریا !
 کیٹری فلم ویکھی آ ۔" پتر نے بے دھیانی نال جواب دتا : "فلم "نکھٹو" ویکھی اے ابا ۔"
 پیو نے آکھیا : "جا او میریا بھولیا پتر اویں مفت دا پنڈھ ماریا اہی تے پکھے وی
 حرام کیتے نیں ۔ نکھٹو ویکھن دا چارہ سی تے شیشے وچ بھاتی مار لیندوں ۔"

4- اک آدمی بس یا لاری تے کدے نہیں سی چڑھیا ۔ اوہنے بس بارے نرا ایہہ سنیا ہویا
 سی کہ دھوڑاں دھاتی جاندی اے تے ایہدے نے بیٹھے ہوئے بندے نوں ہونٹے بڑے
 آوندے نیں ۔ اک واری اوہنوں کسے جنج نال جان دا سدا ملیا ۔ جانبی بس نے چڑھ کے
 کڑی والیاں دے گھرنوں ٹر پئے ۔ ڈرائیور کچھ انجان جیہا سی ۔ بس تیز ہو کے بے دھی ہو
 گئی ۔ سارے یا اللہ یا اللہ کرن لگ پئے نے باللاں نے پچک چھاڑا پا دتا ۔ انجھول آدمی
 وی بڑا سمیا ہویا سی ۔ اوہنوں اپنی جان ہونڈی جاپی ۔ اینے چرنوں بس کسے درخت
 نال ٹکرا کے مودھی ہو گئی نے کھلو گئی ۔ ہونناں وانگوں اوس انجھول نوں وی ڈاڈھیاں ساں
 لگیاں ۔ لو پونجھا پونجھا پو لے جیسے مونہ نال ڈرائیور کولوں پچھن لگا : "یار ! ایہہ نے
 دس بے راہ وچ کوئی رکھ نہ آدے تے پھیر بس کیوں کھمار دے او !"

5- اک بال چھتری کنڈھے کھبڈ دا پیا سی ۔ اوہنے پانی وچ چھاتی ماری تے اوہنوں
 اپنا پرچھانواں دیا ۔ اوہ تر بھک گیا تے اپنے پیو نوں ، جیہڑا اوتھے ای مچھاں
 چار رہیا سی ، کہن لگا : "ابا ویکھ پانی وچ میاؤں ۔" اوہدا پیو اوہدی فریاد سن کے
 جھٹ بوڑھیا نے پچھن لگا ۔ کتھے ای میاؤں ؟
 پتر نے چھتری ول اشارہ کیتا ۔ بھولے پیو نے چھتری وچ بھاتی ماری تے اوتھے اوہنوں
 اک دارھی والا بڈھا نظریں پیا ۔ اوہنوں ایہہ تاں پتا ہی نہ لگا پئی پانی وچ اوہدی
 اپنی اہی صورت اے ۔ اوہنے جھٹ غتے نال اک دھیم چک کے زور دی چھتری
 وچ ماری تے آکھن لگا : "دھولی دارھی نال نیانے ڈران ڈھیا ایں ، کوئی شرم کر"

مشکل لفظاں دے معنی :

مٹھی : نرم، کم، آہستہ - ورلا ورلا : خال خال فاصلے پر - کھلواڑا : کھیلان - واڈھا : فصل کاٹنے والا، مزدور - دھوڑ : دھول، گرد - جانجی : باراتی - چیک چھاڑا : شور و غل - انبھول : سادہ لوح، انجان - بوڑھنا : امداد کے لیے پہنچنا - ڈھیم : ڈھیلا - ڈھولی : سفید -

مشقی سوال

1 - جماعت دا ہر طالب علم اک اک لطیفہ سنائے - پر لطیفہ ساڈے ویب دے کسے خاص طبقے دی نندیا نہ کرے -

2 - ہر لطیفے وچوں ہاے والی گل دا نکھیڑا کرو -

3 - ایہناں مصدراں نوں فقریاں وچ ورتو -

سوال کرنا - خیر پانا - ویلاں کرنا - دھاٹی دینا - بڑبڑانا - متاپکانا - پکئی کرنا - چیک چھاڑ پانا -

4 - ایہناں لفظاں دے اُلٹ لفظ لکھو :

پہلا - سوال - کجھ - اتلی ، مٹھی - چھیتی پھیتی - مودھی - پھچنا -

5 - اُردو وچ کوئی لطیفیاں دی کتاب پڑھو تے ایہدے وچوں اپنی پسند دے لطیفے پنجابی وچ سناؤ -

6 - خالی تھاں مناسب لفظاں نال بھرو -

(ا) جٹ میلے جان دیاں کر رہیا سی -

(ب) جٹ دا پتر کے نکمہ سی -

(ج) واڈھیاں نے چوٹھی بھری دی چا کیتی -

(د) پیو مُنڈے دی فریاد سن کے جھٹ

ہالی

جی ہالیا ! مٹھیا پیاریا او !
بھاگاں والیا ! رب سواریا او !

تیرے اُدم نے دیس نوں رنگ لایا
تیری محنت نے جیون دا مل پایا

تیری سینتر دے اُتے بہار نچدی
ہر خوشی اے تیرے دربار نچدی

کے اوکڑ نوں اوکڑ نہیں جاندا توں
سدا رہویں جوانیاں ماندا توں

بجلا، ہووے کیوں جھکھ دا غم تینوں
کم پیارا اے ، پیارا نہیں چم تینوں

کاماٹل دے نال پردھان ہوندا
ویہڑ کدی وی نہیں بلوان ہوندا

کھیتاں اُتے ہے راجیا ! راج تیرا
تیری انکھ اے تخت تے تاج تیرا

تیری کرنی اے ساز سامان تیرا
ہووے ہونی تے کیویں ایمان تیرا

سدا منگیں دُعا، دوا کر کے
کوئی تھوڑ نہ آوی خدا کر کے

مشکل لفظاں دے معنے :

اُدم : ہمت، کوشش - چم : کھال (جسم) بلوان : طاقت ور - ویہلڑ : بیکار، نکمہ -
ہونی : تقدیر - تھوڑ : کمی -

مشقی سوال

- 1 - ہالی دے کجھ گن دسو -
- 2 - پنجویں تے چھیویں شعر دا مطلب بیان کرو -
- 3 - ایس نظم وچ ہالی لئی کیہ دُعا منگی گئی اے ؟
- 4 - ایہناں لفظاں دے معنے لکھو تے فقریاں وچ وی درنو :
سینت - اوکڑ - چم - ویہلڑ - پردھان - بلوان - اُنکھ - تھوڑ -
- 5 - ایہناں لفظاں توں اسم صفت بناؤ :
محنت - جھکھ - اُدم - بل - اُنکھ -
- 6 - ہٹیلے مصرعیاں نوں مکمل کرو -
(الف) تیری محنت نے جیون دا پایا -
(ب) ہووے تے کیویں ایمان تیرا -
(ج) سدا رہویں جوانیاں توں -
(د) کوئی نہ آدمی خدا کر کے -
- 7 - راج تاج درگے تن ہم قافیہ لفظ دسو -

انسان تے قدرت

اللہ تعالیٰ نے انسان نوں ون سونیاں طاقتاں بخشیاں نہیں ۔ جدوں انسان نوں ایہناں طاقتاں دا احساس ہوندا اے تے اوہ سمجھن لگ پیندا اے پئی اوہ بوہت کجھ کر سکدا اے ۔ اپنی من مرضی نال زمین دی شکل بدل سکدا اے ، جتھے جی کرے جا سکدا اے ، اپنا ڈھڈ بھرن لئی نٹھ بھج کر سکدا اے ، جانوراں کولوں ہر طرح واکم لے سکدا اے ۔ پر کجھ ایہناں طاقتاں دی نہیں جیڑیاں اوہدی کیتی کتری نوں اکھ دے اک پلکارے وچ فنا کر سکدیاں نہیں ۔ بھوپال دھرتی لئی مصیبت بن جاندا اے ۔ دریادال وچ آیا ہویا ہڑھ اوہدا سبھ کجھ روڑھ کے لے جاندا اے ۔ انسان دوجے جانوراں دا شکار کردا کروا آپ وی کسے جانور دا شکار ہو جاندا اے ۔ انسان نے ایہناں طاقتاں نوں اپنے اپنے طریقے نال منیا ۔ کسے نے سورج اگے مٹھا ٹیکیا ۔ کسے نے وگدے دریا نوں کوئی وڈی طاقت سمجھیا ، کسے نے اگ دی دی پوجا کیتی ۔ پھیر اوس نے ایہ وی دیکھیا پئی چن سورج وی چڑھدے نہیں تے ڈب جاندے نہیں ، اگ دی سمجھ جاندی اے ، پانی سک جاندے نہیں ۔ ایہناں سبھناں نوں قابو کرن والا کوئی ضرور اے جہدے ہتھ ایہناں سبھناں دی ڈور اے ۔ کسے مالک دے حکم نال ایہ سبھ اپنے اپنے کم تے لگے ہوئے نہیں ۔ اوہ وڈی تے اُن وڈھی طاقت خدا دی ذات اے ۔ چن ، سورج ، موسم ، پانی ، ہوا ، بوٹیاں تے جانوراں دی نسل ودھن دا قانون ، سبھ خدا دی طرفوں اے ۔ ایہ سلسلے جیڑے جاری نہیں ، ایہ رب دیاں قدرتاں نہیں ۔ ایہ قدرتاں اللہ تعالیٰ دے ہتھ قانوناں سیبتی کم کر رہیاں نہیں ۔ بندہ ایہناں قانوناں دی کھوج بھال رہیا اے تے قدرت دے بھیبت ہوئی ہوئی بندے اُتے ظاہر ہو رہے نہیں ۔ بندہ رب اگے سجدے پے گیا اے ۔ اوہ رب دی بخشی ہوئی عقل توں کم

لے کے اگا نہ ٹریا جا رہیا اے تے اپنی طاقت نوں سائنس دی مدد نال ودھا رہیا اے ۔
 اوہدا ذہن دنوں دن وہماں توں آزاد ہو رہیا اے ۔ ہن اوہ کڑکدی بجلی کولوں نہیں
 ڈر دا سگول اوس قتل کم لین بارے سوچدا رہندا اے ۔ پانی نوں کیویں قابو کر کے بجلی
 کڈھی جاوے ، لوہے نوں کیویں ورتیا جاوے ۔ قدرت نے انھیرا بنایا اے تے بندے
 نے چائن کرن والیاں کئی کاڈھاں کڈھ لئیاں نیں ۔ قدرت دے ان گنت منظر بندے
 دے دد آ لے موجود نیں ۔ ایہ منظر بندے نوں اپنی مُٹھ وچ لے کے ادھنوں اپنی
 بے دسی دا احساس وی کرائدے رہندے نیں ۔ ایہناں وچوں کجھ منظر ایہہ نیں ۔

ہوا | بندے دی حیاتی لئی ہوا بوجھت وڈی لوڑ اے ۔ جے ہوا بند ہو جائے
 یا گھوما لگا ہووے تے جان کھلاوندی اے ۔ تازہ چیزاں نوں ہوا نہ
 لگے تے گل سُر جانیاں نیں ۔ جے ہوا چوکی تیز ہووے تے انھیری اکھواندی اے ۔
سُورج | ایس دھرتی تے سُورج روشنی دا سمبھتوں وڈا ذریعہ اے ۔ روشنی
 تے گرمی اصل وچ سُورج وتوں ہی ملدی اے ۔ ساڈی حیاتی
 سُورج دی گرمی نال قائم اے ۔ ایہدی گرمی نال ہی بی پُنگر دا اے تے ۔ فصلوں
 پکدیاں نیں ۔ سُورج دیاں کرناں سمندر تے پین نال پانی وچوں ہواڑھ جیہی اُٹھدی
 اے جیہڑی مگروں بدل دا روپ دھار لیندی اے ۔ بدل پانی دی شکل وٹا کے پھیر
 سمندر وچ جا پیندا اے ۔ زمین اُتے پانی دا ایہ پکھر سُورج دے دم نال ہی قائم
 اے ۔

پانی | ہوا وانگوں پانی بناں انسان تے حیوان جی نہیں سکدے ۔ چشمے قدرت
 دی کاریگری نال بندے نیں تے کھوہ انسان آپ بنا لیندا اے ۔
 ہن سائنس دی ترقی دے زمانے وچ پانی توں بجلی وی پیدا کر لئی گئی اے ۔
 گھاہ ، کنک ، جوار ، باجرا ، چاول تے ہور وی جنساں پانی ملن نال ہی ودھدیاں
 نیں ۔ کئی حلال جانور وی پانی وچ پلدے تے انساناں دی خوراک بندے نیں ۔
 ایہہ پانی کہے نہراں ، دریاواں ، چشمیاں ، جھیلاں ، سمندراں دی شکل وچ ساڈے
 سامنے آؤندا اے تے کدی برف ، تریل ، دھند تے بدل دی شکل اختیار کر لیندا
 اے ۔ ایہں ایہدیاں سبھناں شکلاں توں فائدے اٹھانے آں ۔

گھاہ بوٹے نے رُکھ وی دن سونے نیں - اجیہے بوٹے وی نیں جیہناں دے
بوٹے | پھل اپنے شرماکل نیں پئی بندہ ہتھ لائے تے پھل سُنگڑ جاندا اے -
 جیویں چھوٹی موٹی دا پھل - سورج مٹھی دا پھل چڑھدے سورج دا پتجاری اے ،
 سارا دن اپنا رُخ سورج ول ای رکھدا اے - وڈے رُکھاں دے تنے لکڑی بن
 جانداں نیں تے لکڑی بالن اتے گھریلو ورتوں دا سامان بناون تے کوٹھے چھتن دے
 کم آوندی اے - کئی بوٹیاں دے پھل پھل ، پتھر ، سک ، براہ دوا دارو و جہول
 ورتے جانداں نیں - سنگھنے رُکھاں وی رُکھ جنگل بیلا اکھواندی اے - جنگل انسان
 دا مٹرا اے تے پرانے زمانے وی لگی دوستی نبھا رہیا اے -

چن تارے | سورج توں وکھ ایس دھرتی دے وسنیکاں لئی چانن کرن واسطے
 قدرت نے چن تے تارے وی بنائے نیں - پرانے زمانے وچ
 رات دے پاندھی جہڑے پیدل ، اوٹھ ، گھوڑے تے پاکشتی وچ سفر کردے سن ،
 ہمیشہ چن تاریاں وی روشنائی اتے اگوائی ہیٹھ رُودے سن - رات نوں سماں بتین
 دا اندازہ وی تاریاں دے کسے خاص تھاں اُپر توں کیتا جاندا سی - مہن وی پنڈاں وچ
 کسے بابے کولوں رات دا ویلا پیچھے تے اودھ بکتیاں ترنگڑ لوہندے قطب تارے دے
 تھاں ٹکانے نوں ویکھ کے دس دیوے گا - پئی رات کتنے پھر لنگھ گئی اے -
 چن دی چاننی پھل بوٹیاں نوں طراوت بخشدی اے تے اوہناں دے دھن پھلن
 وچ مدد دیندی اے - لوگ چاننیاں راتاں نوں سدا اُڈیکدے رہندے نیں -

پہاڑ | دھرتی اُتے پہاڑاں دی ہونڈ وی چوکی ضروری اے - پہاڑاں دا رُخ تے
 اچائی کے ملک دے پون پانی اُتے خاص اثر رکھدے نیں جے پہاڑ چوکی
 اُچے تے نال نال بخارات نوں روکن دے رُخ وچ ہوون نال اوس ملک دے میدانی
 علاقیاں وچ بارش ہو سکدی اے نہیں تے ملک دا موسم خشک رہندا اے - پہاڑاں وچ
 دن سونیاں جڑیاں بوٹیاں ہونڈیاں نیں جیڑیاں دوا دارو دے کم آوندیاں
 نیں - پہاڑی علاقے وچ اللہ تعالیٰ نے کئی رُکھ تے جانور اجیہے پیدا کیتے نیں
 جیہڑے صرف اک خاص اُوچائی وچ ای پل سکدے نیں - پہاڑاں وچوں
 کئی چشمے پھندے نیں جیہناں دا پانی زل بل کے کسے دریا دی شکل وچ سارے

سامنے آجاندا اے ۔ ایہہ دریا میدانی علاقے دے واہی واناں دے بھاگ جگانڈے
نیں ۔ کتیاں پہاڑاں وچوں قیمتی دھاتاں وی نکلیاں نیں ۔ پہاڑاں واپون پانی روگی بندیاں
نوں تروبا کر دیندا اے ۔ کئی لوگ قدرت دے نظارے دیکھن لئی پہاڑاں دی سیر کرن
جانڈے نیں ۔

مشکل لفظاں دے معنے :

فون سونیاں : انواع ، اقسام کی ۔ کرن ہار : قادر ۔ دھرتی : زمین ۔ کھوج : تلاش ۔
ادھلا : پردہ ۔ بھاؤلا : منالط ، سراب ، جھک ۔ کاما : کارکن ، مزدور ۔ سیٹی : مطابق ، ساتھ ۔
گوما : جس ۔ پنگرنا : اگنا ۔ اگوائی : رہبری ۔ کھٹنا : کھودنا ۔ سوا : کھلا ۔ روگی : بیمار ۔

مشقی سوال

- 1 - انسانی طاقت قدرتی مظہراں نوں کیویں قابو کر رہی اے ؟
- 2 - خدا تعالیٰ دی پکھان وچ سائنس کیویں مدد دے رہی اے ؟
- 3 - قدرت دے ایہناں مظہراں بارے دس دس سطران لکھو ۔
سورج ۔ پانی ۔ ہوا ۔ چن تارے ۔ پہاڑ ۔
- 4 - انسان قدرت دے کماں دی کیویں نقل اتار رہیا اے ؟
- 5 - کرنہار ، ہونہار ورگے ہور لفظ ایہناں مصدران توں بناؤ ۔
اڈکین ۔ بھلن ۔ بخش ۔ چلن ۔ دیون ۔
- 6 - تارو ۔ تارو ورگے ہور لفظ ایہناں مصدران توں بناؤ ۔
اٹھن ۔ جادن ۔ اُجاڑن ۔ نسن ۔ توڑن ۔ ٹھکن ۔
- 7 - ہیڈ اسٹری صاحب نوں اک درخواست لکھو کہ اوہ تہانوں پہاڑی مقام دی تعلیمی سیرتے لے جان دا
انتظام کرن ۔

غزل

سدھی ٹور بھلا دتی اے غرض دیاں زنجیراں نے
بندیوں بندی وان بنایا بندے نوں تہیراں نے

وسدے ویڑے شور شرابے وچ وی جھاں جھاں کردے نہیں
ڈھٹھے کھوہ وچ جگمگ لائی علم دیاں تنویراں نے

سینہ جناں زخمی ہو یا خوشبو ادنی وڈھی اے
کنڈیاں نال گلہ نہیں کیتا پھلاں بے تقصیراں نے

میں جدھر وی جاناں میرے نال نموشی جاندی اے
اپنی شہرت بخشی کیڑے جُرم دیاں تعزیراں نے

اپنے دورے ہوں دا میں احساس دھیرا کیتا اے
جدوی کدے صدا ریکیتی اے بوہے آن فقیراں نے

مشکل لقطاں دے معنے:

غرض: مطلب - تنویراں: روشنیاں - بے تقصیراں: بے قصور - نموشی: شرمساری، ہنسی - تعزیر: سزا۔

مشقی سوال

- 1 - پہلے تے پنجویں شعر دا مطلب اپنے لفظاں وچ لکھو ۔
- 2 - تنانوں کیہڑا شعر سمجھ کولوں ودھیرا چنگا لگا اسے ؟ ادھرا مطلب بیان کرو ۔
- 3 - ہٹھاں رکھے ہوئے لفظاں دے اُلٹ معنیاں والے لفظ لکھو ۔
- شہرت - سدھی - فقیراں - کنڈیاں - خوشبو - شور شرابے - بے تفصیراں -
- 4 - اپنیاں فقیراں وچ ورتو ۔
- بھاں بھاں کرنا - صدا کرنا - جگمگ لانا - شہرت بخشنا ۔

وسیب وچ عورتاں دا تھاں

عورت مرد دے جیون اُتے ازل توں اپنا بھرپور اثر پا رہی اے ۔ اوہ بچے دی ماں ، خاوند دی بیوی ، بھرا دی بھین تے پیو دی دھی اے ۔ ماں دے پیراں تھلے جت اے ۔ بیوی گھر دی مالکن اے ۔ دھی بھین سانوں عورت دی عزت کرنا سکھا کے اک ذمہ دار انسان بناؤندی اے ۔ عورت اک ٹبر دے سارے جیاں دی خدمت گزار اتے تھاؤں تھائیں ہر اک دی سیوا لئی حاضر اے ۔ اپنا آرام تنج کے سارا دن خوشی نال کہاں وچ رُجھی رہندی اے ۔ عورت زندگی دی جنگ وچ ہر محاذ تے مرداں دا پورا ساتھ دے رہی اے ۔ اسلامی چائن توں پہلاں جہالت دے انھیرے دور وچ عورت نال بڑا دھروہ ہوندا رہیا اے ۔ عرب دے کجھ قبیلے ایجھے سن جیہناں وچ عورت اول تے جمداں سار ای کسے ٹوٹے وچ جیوندی دب دتی جاندی رہی ۔ جے جیوندی وی رہن دتی جاندی تاں اوہ ساری حیاتی جویں توں ساہ پورے کر کے گزار دیندی سی ۔ اسلام دے چائن نے عورت نوں عزت دا تھاں دتا اے ۔ مہن اوہ پیو تے خاوند دی جائداد وچ حصہ دار اے ۔ خاوند اُتے ٹبر دا خرچ کماون دی ذمہ داری پائی گئی اے ۔ اسلامی ضابطے نے خاوند نوں پابند کیتا اے پئی اوہ عورت دے سبھے حق ادا کرے ۔ اوہ ملکی قانون راہیں وی اپنے حق دی منگ کر سگدی اے ۔ حضرت قائد اعظم وی عورتاں دے حق دے بڑے حمایتی سن ۔ پاکستان و ہند نوں انگریز دی غلامی توں چھڑاں دے جتن کردیاں آپ نے 1906ء وچ دلی وچ فرمایا سی ۔ ” ہندوستان غلام اے پر عورتاں تے غلاماں دیاں غلام نہیں ۔ جے عورتاں رنج ای بنھیاں جوڑیاں رہیاں تاں دیس دی غلامی دیاں زنجیراں نہیں ٹٹ سکدیاں “ اوہناں دی ایہہ گل ویلے نے سچ کر دکھائی ۔

گھر بار دے کماں کاراں لئی عورت نوں ضروری علماں دی بوہتی لوڑاے۔ ہر بچے دی پالنا کرن دا علم چوکھا ضروری اے۔ انسان دی بچپن دی سکھلائی ساری عمر اپنا رنگ دکھاندی اے۔ حضرت امام حسینؑ دی مثالی شخصیت بناؤن وچ اوہناں دی مالِ حضرت فاطمہ الزہراؑ دی پرورش دا چوکھا حصہ اے۔ ایس دا رٹا ایہہ نکلا اے۔ ”چنگیاں مانواں چنگے بچے، چنگے بچے تے چنگی قوم“

عورتاں ہن ملک دی آزادی لئی لڑن والے مجاہداں دا ساتھ دے رہیاں نیں۔ اُن دے زمانے وچ عورت اپنے اپنے ملک دی ترقی تے اپنے گھر دی مالی حالت سدھارن لئی اگے ودھ رہی اے۔ تعلیمی اداریاں وچ اُستانی توں ڈائریکٹر تائیں، کارخانے وچ مزدور توں مینجر تائیں، ہسپتال وچ نرس توں ڈاکٹر تائیں، دفتراں وچ سٹینو گرافر توں وڈی افسر تائیں، ہوائی جہاز وچ ایئر ہوسٹس توں پائلٹ تائیں تے سیاسی میدان وچ ممبر اسمبلی توں وزیر اعظم تائیں عورتاں مرداں دے برابر کھولتیاں دسدیاں نیں۔

عورت نوں جیٹھری آزادی اتے بچاء اسلام نے دتا اے اوہدے چان وچ پاکستانی عورت ملکی ترقی وچ ساٹواں حصہ لے سکدی اے پر ایہدے لئی اوہنوں اخلاقی حُداں تے قومی وقار نوں ہمیشہ دھیان وچ رکھنا پوے گا۔

مشکل لفظاں دے معنے :

تجنا : تیگان، ترک کرنا۔ چوکھا : کافی، بہت زیادہ۔ جتن : کوشش۔ پالنا کرنا : پرورش کرنا، نگہداشت کرنا۔

مشقی سوال

- 1۔ ”قومی ترقی وچ عورت دا حصہ“ اک مضمون لکھو۔
- 2۔ جہالت دے دور وچ عورت نال یکہ دھردہ ہوندے رہے؟

- 3 - اسلام نے عورت کا مان کیوں دھایا ؟
- 4 - سکول دی پنجابی پرھیا دے جلے ویج اک مباحثے دا انتظام کروایا جائے ۔
- ”عورت دا مقال گھر دی چار دیواری اے“ ایس موضوع دے حق تے مخالفت ویج تن تن بچے حصہ لین ۔
- 5 - نفلے وٹے لفظاں نوں اپنے فقرباں ویج ورتو :
- تجنا ۔ ہرپچھوں ۔ مڑجنا ۔ پالنا کرنا ۔ نسا کڈھنا ۔
- 6 - خالی تھاواں بھرو :
- (ا) عورت مرد دے نئے ہرپچھوں اپنا بھرپور اثر پا رہی اے ۔
- (ب) ماں دے پیراں تھلے اے ۔
- (ج) اسلامی ضابطے نے خاوند نوں پابند کیتا اے پئی اہ عورت دے بھے ادا کرے ۔
- (د) پاکستانی عورت ملکی ترقی ویج حصہ لے سکدی اے ۔

سوہنیا سائیاں

عقلاں سُرتاں تے داناٹیاں
سارے گُن تے کُل وڈیاٹیاں
بھو علم دیاں رُشناٹیاں
سائیاں !
میریا سوہنیا سائیاں

بھردے سچا پیار دلاں وچ
رہے نہ کوڑ غبار دلاں وچ
وہے اکو تار دلاں وچ
دوٹی کردی اے بُریاٹیاں
سائیاں
میریا سوہنیا سائیاں

بھڑے آں تے بھڑ گوا دے
بھٹے آں تے رستے پا دے
دُبنے آں پٹے بنے لا دے
دیکھ اسان کجھ آساں لائیاں
سائیاں
میریا سوہنیا سائیاں

تیرے فضلوں بخرہ پائیے
 اپنی دُنیا آپ دے پائیے
 تیری دُنیا دے کم آئیے
 کرئیے ہمت نال کماٹیاں
 سائیاں
 میرا سوہنیاں سائیاں

ایویں ہو کے امی نہ بھرئیے
 دے توفیقاً اَدَم کرئیے
 دکھاں درواں توں نہ ڈرئیے
 دیویں جڈری نوں بگڑائیاں
 سائیاں
 میرا سوہنیا سائیاں

مقصد ناپیں کھانا پینا
 مقصد اے حق خاطر جینا
 جینا بن مقصد اے پینا
 بخشیں مقصد نوں اُچھائیاں
 سائیاں !
 میرا سوہنیا سائیاں !

مشکل لفظاں دے معنے :
 گُن : دھن - دُوٹی : بیگانہ ، دُوری - بنے : کنارے - کُنج : کُن طرف - ہو کے
 آہیں - پینا : کم تر درجے کا ، کمزور ، محروم -

مشقی سوال

- 1 - کوئی کم مکالیے تے رب دا شکر کریدا اے نالے دُعا منگیدی اے۔ تئیں بھلا رب توں
کیہ کیہ منگو گے ؟
- 2 - ایہناں لفظاں دے معنے دتو ، نالے فقراں دج دی ورتو :
گن - کوڑ - بھیر - بخرہ - ٹکڑائی - ہینا -
- 3 - نظم دے اخیر لے بند دی تشریح کرو -
ادھ لفظ جہدے دج کے دی اچائی یا بُرائی بیان کیتی گئی ہووے اور ہنوں "اسم صفت"
اکھدے نیں - جیویں : چنگا - بھیرا - سوہنا وغیرہ -
ایں نظم دچوں "اسم صفت" چن کے لکھو -
- 5 - "حمد" تے "دُعا" دج کیہ فرق اے ؟



درخت ہماری شان ہیں پاکستان کی آن ہیں

جملہ حقوق بحق پنجاب ٹیکسٹ بک بورڈ محفوظ ہیں
تیار کردہ پنجاب ٹیکسٹ بک بورڈ - لاہور
منظور کردہ وفاقی وزارت تعلیم، حکومت پاکستان - اسلام آباد

قومی ترانہ

پاک سرزمین شاد باد کشورِ حسین شاد باد
تو نشانِ عزمِ عالی شان ارضِ پاکستان !
مرکزِ یقین شاد باد
پاک سرزمین کا نظام قوتِ اخوتِ عوام
قوم، ملک، سلطنت پائندہ تابندہ باد
شاد باد منزلِ مُراد
پُرچیم ستارہ و ہلال رہبرِ ترقی و کمال
ترجمانِ ماضی شانِ حال جانِ استقبال !
سایہٴ خداے ذوالجلال

سیرلی نبر

49

قیمت

11.10

تعداد اشاعت

1 000

طباعت

چهارم

ایڈیشن

اول

اشاعت

اکتوبر 1993ء